

Литература Дагъистан

16+

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



П. БЯХІЯНДОВА:
“МахІячкъалализиб
ГІямарла Батирайлис
памятник бирар”.

3/2019

май - июнь



Даргада писатель Расул Бахтиярдаев ДТУ-да филология факультетининг нешига мезла учительга урғав



Гьалмагъдеш



ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство информатизации, связи и массовых коммуникаций
Республики Дагестан

РУКОВОДИТЕЛЬ - БЕКИ РЕДАКТОР
Мурад ГЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
XI. Кьурбанов (журналла редактор)
Кь. Мигърабов
Т.СягИдов

ЖАМИГИЯТЛА СОВЕТ
А. Гябдулмананова
И. Ибрагъимов
Ш. МяхИяммадов
Х. ХИябидова
Х. Юсупов
И. МяхИяммадов

3
2019
май - июнь

Кел бази гьачам
дурабулхъан

Выходит один раз в два месяца

1952 ибил дуслизиб
акIахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

ДРАМАТУРГИЯ

Къасум-бег МИГЪРАБОВ. Сагид (*пьеса*).....3

ПРОЗА

Ибрагъим ИБРАГЪИМОВ. Цализиб ва хилизиб.....14
Хадижат ХИЯБИБОВА. Чарбухъни.....33

ПОЭЗИЯ

Имин МЯХИЯММАДОВ. Назмурти.....44
Муталим МУТАЛИМОВ. Назмурти.....51
Аминат ГИЯБДУЛМАНАПОВА. Назмурти.....55

ХАБУРТИ

Тавсултан СЯГИДОВ. Кур.....59
Патимат МАЛЛАЕВА. Черрерхур.....64

ПРОЗА

МяхИямад ТАХСУРМАНОВ. Дигай.....68

ОЧЕРК

Патимат ВЯХИДОВА. Уркеццила гьуникад рашуси.....80

ДАРГАН МЕЗЛА КЪИСМАТ

Муса БЯХИЯММАДОВ. Нешла мезла къисмат.....85
Нешла мезла учительтала пикруми.....

ФОЛЬКЛОР

ШяхИ МЯХИЯММАДСЯГИДОВ. Халкъла буралаби.....96

Регистрационный номер: серия ПИ №ТУ05-00416
выдан Управлением Роскомнадзора по Республике Дагестан от 22.04. 2019 г.

Типография: ООО «Издательство «Феникс-пресс»
Адрес типографии: 367018, РД, г. Махачкала, пр. Петра I, 61

ГЪАЛМАГЪДЕШ №3 2019 г.

На даргинском языке

Выход в свет 18.06. 2019 г. Тираж 425 экз.
Заказ № 401 Цена свободная.
Печать офсетная. Бумага офсетная.
Формат 70х108 ¹/₁₆.
Усл. печ. л. 8,4.
Усл. изд. л. 8,7.

Редакция и издатель: Государственное бюджетное учреждение Республики Дагестан "Редакция республиканских литературных журналов "Соколенок" и "Литературный Дагестан".

Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:

litdag@mail.ru

Драматургия

**Къасум-Бег
МИГЪРАБОВ**



САГИД
(Пьеса)

КІЕЛ АНЦІБУКЪЛА

Урегал суратла пьеса

БУТІАКЪЯНЧИБИ:

САГИД. Гялим, лингвист, писатель, поэт.

ДАНИЯЛ РАШИДОВИЧ. Тухтур.

БАШИР ДАЛГАТОВИЧ. МугІяллим.

ЗУБАЙДАТ, Сагидла хьунул.

ЭПСЕР. ОГПУ-ла хасси отделе оперуполномоченный!

ХІЯБИБ. Корреспондент.

ГЕНКО АНАТОЛИЙ НЕСТЕРЕВИЧ. Лингвист, этнограф.

ГІЯЛИБЕГ ТАКЪУ-КЪАДИ, Машгьурси революционер, пачалихъла ва жамигІятла – политикала хІяракатчи, Лебилсоюзла культурула ва историяла гІилму-ахтардила Институтла директор.

СУНГЪУРОВ. – НКВД-ла хІянчизар.

АХЪУШАН ГІЯЛИ-ХІЯЖИЛА

КЪАРАЛДИ.

ГІЯЛИЕВ. НКВД-ла хІянчизар.

НАРИМАН ГІЯЛИЕВ, ургъан замполит.

*АнцІбукъ кабиркули саби Дагъиста дубурла районна центрлизиб,
МяхІячкъалализиб ва Москвалализиб 1920-30 ибти дусмазиб.*

*БутІакъяндеш диру педтехникумла, гІилму-ахтардила Институтла гІилмула
хІянчизартани, больницала, НКВД-ла ва цархІилти хІянчизартани.*

ЦАИБИЛ АНЦІБУКЪ

ЦАИБИЛ СУРАТ

*Палата, кІел кровать. Ца бацІли саби, итиличив азарханала палтарчевли
зягІисци къакъличци кайхъи сай. Илала гъез дайхъу-хІянни сари, муцІур, цачумал
бархІли хІяблягІни багъандан, бара-бара чирхъбизурли саби. Илала чедибси
кІентІла дайлаб, партияла хІянчизартани балтуси, «партийный» бикІуси*

цудара сунел саби. Иллини хер бурхлизити атлахъи сай. Някъби, делсахъи, беклиур сари. Ил, камси заманала ухнава, гъачам балуй шайчи, гур алгъай шайчи калхъан. Ахирра алзан ва, кроватьла дубличи кайиши, келра някъ зумати гъезличирад хляридарили, мурхъси гъигъбалта, гъакI-гъакIбарили бекI, улкъайличи гъамирар ва гъаши иру:

САГИД. Арякъун ца гъатIи чевяхIси адам. БегIла чевяхIти даргантазивад цаибил... Чевверхи, Гяли-Хияжи... Чевверхи, дила хехардешличивад, чурхли жаваб гирану. Ге. ЛебгIеб чурхли. Амма дила уркIи цумбикIулри. СенахIенну умцIулри ва васвасъайзиб сабри. бирхули ва урухли... Ге, нуни хIела сецад хIурматбирасра, хIела чевяхIдешла къадрира балули, мукIурли виасра, бекIла буйрухъличи лехIахъили, хIези ира: Дила «Супила дардлира» «Маллала гардла далайлира» сегъуна асарбирули адамтачи? ХIунира хIейубригу адамтас даршудеш хес, лерилра гIямру илдас къуллукъличив виадлира. Илданира хIела духудешра хIурматра пайдаладариб, гIур тядиварри.

ГIЯЛИ-ХIЯЖИЛА ТIАМА: «Ну вирхула, азис ват, дила хIяракат ЧевяхIил Аллагъли къабулбариб виалли, илала асар дугIси хIебирниличи. Гъар секIа вегI ил сай. Нушара. Нуни се бурули ва бирули виасра, илала буюр-буйрухъли дирахъути сари. ХIечи НухIкъадилра, хIела дудеш, разивиишира хIуни илди назмурти делкIниличи? ЧевяхIил къалли, шукру биаб сунечи, валтехIе, нуша мурталра илала арилизира.

САГИД. (*Къалабали улкъайлис къакъбиру*). Се биру, сунела вегIебш, гIямруличиб дурхъаси селра агара биалли. Илди багъандан нушаб цацахIели илбисуначилра вягIда бигъес чевкъули биалли?..

ГIЯЛИ-ХIЯЖИЛА ТIАМА: Наб уркъбирхъулрив? Дила вягIдурти, НухIкъадила урши, дила жан багъандан ахIенри. Нуни илди большевикуначилра, турканачилра, ХIуцIан Нажмудинничилра, Узун-ХIяжичилра, бурасли хIези, цархIилти илбисуначилра илди дилгъути, даршудеш багъандан, иман адамтазиб биахъес багъандан сари. ХIи катхIертIхъес дугIли. Адамти биалли – декIарти саби, гъарилли вегIлизир чевяхIдеш чебиути, сай чеввалкIни хIебалули. Нушала мурад, илдази аргъахъни, ил хатIала дякъличив виъни, иман бетахъахъили виъни. Ца чеббалкIунси мазалира абзур хIенкъла багъа буэс бирар бикIаргу...

(Палатализи тухтур айцIур)

ДАНИЯЛ РАШИДОВИЧ. Ассаламу гIялайкум, Сагид. ГIурра гъанкI агарси дуги беркIирив? Се биубли? Сели вачавархахъилри? (*Илдани цала цали някъби цIацIадиру*). Гъари кайхъен иша. (*Кровать някъли чебиахъули*). АхтардибирехIе хIела хIила тимхъ. (*Хъяб някъ буцили, сягIятличи хIерикIар. Ахтардибарили*) Къалабали саби. (*Сагид кроватьличи, тухтурла мякъла кайрар*). Гъу, гъайикIен. Се биубли? Се чебаири?

САГИД. Валлагъ, Даниял Рашидович, селра гIяхIси чехIебаира, муэрлизир чедиути цадехI къайк-къуйк, биса, бижгурси дунъя... сари.

ДАНИЯЛ РАШИДОВИЧ. Илди лерилра, бурасли хIези, (*ил тумбочкаличирти кланIрази хIерилзан*) хIуни дирутира чедиутира нушала мурадличи къаршити секIал сари. Нушала мурад се саби?.. Гъа?.. (*Сагидли уркIиличи хъат чебуруцу*) Вот-вот, уркIи... ил сагъбарес саби нушаб гIягIниси. Тяп, иш сягIятван, царугси тимхъличил бузахъес. ХIела биалли ил, уркула

хІулаван булкІули бучІули саби. Гъм... ХІятта, убван ахІи гІяхІил саби. Аритмия хебал... Ил багъандан, къадагъабирулра лукІахъес, вайти муэрти чедиахъес.

САГИД. *(ДукарирхІур, иличи хІерикІули тухтурра гъинчІилзан).* Бурагу, Даниял Рашидович, секъяйда муэрти чехІедаэс вирусил? Илдас къалли буйрухъикІес хІейрар.

ДАНИЯЛ РАШИДОВИЧ. *(ДукелцІи тІашаили, бекІ гъакІ-гъакІбирули)* ГІе, гъамадси ахІен, амма къайгъибарес гІягІнили саби. Вайсиличила пикрихІейкІес...

САГИД. Ил вегІлизибад дигахъуси биалри, вегІебш...

ДАНИЯЛ РАШИДОВИЧ. Гъу, бура, се биублил, ну Бакулизивти бурхІназиб?..

САГИД. *(Мурхъси гъигъбушили).* Се биэса... гъм... Шайхул-исламла хъалибарг бухІнакаили саби. Уршбира, илдачил барх урегцІайчиб имцІали адамра.

ДАНИЯЛ РАШИДОВИЧ. ГІяшли гъайикІен, Сагид, гІяшли. *(Тухтур вачавархибсиван, алавчарли хІерилзан, гІяшли гъайикІахъес мухІлиличи тІул чебуруцу, алзан)* ХІуни хІергъирив ишаб биубсиличила? Генерал Халиловла ца эпсер вакІили арукиб. Ил биалли верхІцІали дусла гІямрула ухъна сайри. ХІериз бурхІницун калунси, сенахІенну илала чархлизиб мадарси биркІан аги. Хаслира – уркІи. Арукили, нура хъараира, нуни ил валусиван. Гъм ... Наб се бариша илди, чи биалра? НукІун политик ахІенра, тухтур сайра. Наб гІягІниси зягІипси араварес саби. Вассалам – вакалам.

САГИД. Вари майкІуд, Даниял Рашидович. ХІу Советуначи илкъяйда авара агарли хІерикІнилизив, илдала душманти сагъбирнилизив гІяйиблаваресра бирарну. *(Илра алзан)* Ца секІал аргъес вирули ахІенра нуни, сен илдас адамла бирхауди, дин агардарес дигутил? Нунира делкІунра чумал назму супнира маллубира балтІули, сенахІенну балути ва нуни чебаибти илди тамяхІкарти ва гъаргъти бири. БекІлил адамла децІ-дардличила, илала яшавличила пикрихІебикІути. Дин къалли, азирти дусмазиб дургъбазибра гъара-чябхъинтазибра саби, ил ханжай къирбарес хІейрар.

ДАНИЯЛ РАШИДОВИЧ. Сен хІейруси? Бирулигу. Цалра шилизиб, шагъарлизиб я мижит я киласа леру? ГІекІилигу. ЦадехІ гъятІаили, цархІилти складуначи шурдатурли.

САГИД. ВецІал дусла бухІнаб шайхул ислам Ахъушан ГІяли-ХІяжини Дагъистайзиб даршудеш кабизахъес барибси хІянчи касахІелликІун, адам уркІухъеси тяхІяр саби. СенахІенну, ил бузерили хибси хайрила багъа абаахъес хІейрар. *(ЛехІдеи)* Амма... *(Ил тумбочкала гъалабси уталичи кайрар).* Гъанбикахъа, гъаибил дус. Дагъиста ва Северный Кавказла оборонала председатель СултІан-СагІид Казбеков кавшибти хІябцІали туркла эспер буцили Лаваша кибхІели. Илини илди кахІебушахъиб, тиладибарили НКВД-лизи. ХІямид ва МяхІяммад ТІалхІятхъайчи, Жалалудин Къоркъмасовличи дугъаизурли, марахасбатахъур.

ДАНИЯЛ РАШИДОВИЧ. *(МухІлиличи тІул чебуруцу, лехІкахъахъес лишанбирули, сай биалли, гъамиубли, къалабали унза ибхъу. Илав, лихІи унзаличи чебуцили, зягІипси тІашили сай).*

ЗЯГИПСИ, (*уркІухъи, васвасикІули*). ХІурматла тухтур, гъм... гъм.. хІегІив умцІула, бахъ дебали уркІи изесбяхІили. Ца укол хІебиридал... Гъм... гъи-гъи...

ДАНИЯЛ РАШИДОВИЧ. Бирисну, укьен палатализи. (*ГейкІу унза ва халгІятла кисмази дурхІубли някъби, вакІили Сагидла кроватъла дубличи гІяширар*). Чебиулрив ишабси аги, гъу, бура, секъайда зягІипси сагъируси, эгер иличил уркІигъаргси ихтилат барес хІейрули гІергъи?

САГИД. Ге, гъариллизив душман чейънили гІяхІдеш хІеху. (*Сунела белкІаначи хъат кабирхъули*). ГІяли-ХІяжи гъачам нушачи вакІили гъанбиркур, ну виштІахІели. Дила дудеш илала мурид сайри... (*Буруси къябиу*) Балулрив, тухтур, азирнара вархъли сай Чернышевский.

ДАНИЯЛ РАШИДОВИЧ. Селизив?

САГИД. СелизивкІун, дурути пикрумазив. Политикализив узес дигули гІергъи, улкала аричибачи къаршили ургъес дигули гІергъи, чІянкІли диргалабулхъуси хъалибарг саби. Ил, дабрилабси къаркъаван, хІед диргалабулхъан. Тамай азадли, урехи агарли, вяшикІес гъамадли хІебарар. хъалибаргліс урехи акІахъес ихтияр лебу гъатІи вегІлизиб? Илдачиб се гІяйиба? Ил, назикси мер баргили бяхъиб илдани шайхліс. ВиргІаиргили, тѣп хъяшаван.

ДАНИЯЛ РАШИДОВИЧ. Сагид, нуни балуливан, хІелара хъалибарг леб. Илбагъандан бурусилічи чекалзен ва (*тІама суненира гІяшбиру*) гІяшли гъайикІен.

САГИД. Дила, хІурматла тухтур, гъачамліс дурхІни агара, хъайчив виасліра, амма бахъал узби-рузби леб. Илдада хъалибарг леб. Амма гъатІи... Пикриухъенгу хІу... ГІяли-ХІяжи ШаригІятла диванна халалван ва Оборонала халалван дагъистанлантачи дугъаизурси хІейалри, 1919 ибил дуслизив, Деникинна гІяскуртачи къаршили дурабухъахъес, вирусирив гъатІи ил вѣчІес? Нуни итхІели белчІунсири илала «Молот» газетализи кабяхъибси дугъабиз. ХІуцІан Нажмудинра Узунра-деклар ил агарли вирусирив бячІес?

ДАНИЯЛ РАШИДОВИЧ. (*ХъуцІрумѣ гъунчІдирули*) Чили бала?

САГИД. Нуни балас – вирхІейри. Деникинна генерал Халиловли, валлагъ, ГІяли-ХІяжини дин-ислам большевикунас дицили, вершадеш дарили или, ил нуни Дагъиста БекІ сайливан, шайхул исламдешлизивад увкайсулра или хІукму дурасибсири ва илала мерлічи шайх Мустафа катурсири. Амма илала селпра бетхІеур, сенахІенну, сунени ГІяли-ХІяжини, шайхул-исламли, сай ухънаваилра ва вайтІа бикъулра или, Узун-хІяжи гъалаихъиб. Сай шаригІятлизилахъиб. 1923 ибил дуслизив ил дугъахІейзурси виалри, МяхІяммад ТІалхІятла тилади хІясибли, Дагъиста халкълічи, Октябръла уличилси канал, илцад жявли буркъес вирусирив гъатІи? Ил лебгІеб халаси мягІнала, багаласи стройка? ГІяя-Къакъала дергъ... даршудеш гъанти вягІдурти, дурала улкала вакилтачилра...

ДАНИЯЛ РАШИДОВИЧ. Чедибикібтас диван лебси ахІен, Сагид.

САГИД. Лерилра илала сурсатуни: пагъму, гІякълу, хІурмат пайдаладарили, саби бикІуси ва чус дигуси сархиб, гІур биалли... (*Сагали алзан*) авалра урши... халалгъуна МяхІяммадли къалли иш хІукумат багъандан халал къяан кабихъибси саби. Ил сай бикІули саби бегІла урехила агилизивси... МяхІячалра левалси виалри... Ил дебали гІевурцусири Шайхул-исламли. Вирхули... вири иличи. Сай МяхІячра вершабала макрули арухибгу...

ДАНИЯЛ РАШИДОВИЧ. Ну иша, хІурматла мугІяллим ва поэт, иша вакІбси, лекциялічи лехІахъес ахІенрану, хІела арадеш ахтардибарес сайра.

ХЕд биалли ил арадеш, хЕла кьасани ва урКИла гьуцІ пикрилизи касахЕлли, челябкьалализиб дебали хІяжатбиркур... СенкІун хІу паргъатти гІямрулис акІубси ахІенри. ХІу алкири...

САГИД. Ил сабри набзи шайхли бурибси. Дати иб дибГІанти, мискьилладила баркьудлуми. Ахъли хІерикІен ва мяГІничерти мурадуни сархес гьуцІикІен. Багалавиэсли ургъен, узен ва умцІен... УрухмакІуд, амма мяхІкамдеш бара... Вирхеси дунъя ахІен... вирхеси...

(Унзализи кьутІдирхъу ва медсестрали бекІ гьаббакІахъили)

МЕДСЕСТРА. Даниял Рашидович, хЕчи хІерси тев кабинетлизив. Ит баягъира вакІили сай, ит итхЕли вакІибси, гІясикар эпсер.

ДАНИЯЛ РАШИДОВИЧ. Лявкьулра *(Ил унзала гьала ваили Сагидличи хІерилзан)*. ХЕла муэр гІяхІдешлис биаб!

Кабинетлизи шала хІунтІена погонтчил шалати кьунбачил ва пиджакла хъябцІуртачирра илдигъунти кьунбачил кІел эспер ва илдачил варх Даниял Рашидович абицІур. Ил васвасикІули сай. Илис се сабил Сагидлизи эс дигули сай, амма вирули ахІен, эспер левли...

ЭПСЕР. *(Хамли, бирхаудичебси ва уктемси тІамаличил)* ОГПУ-ла хасси отделла оперуполномоченный! *(Сагид иличи ва тухтурличи яргали хІерилзан. ХІу Сайгид НухІкьадиевич ГІябдуллаев сайрив?)*

САГИД. *(Алзан)*. Ге, сайра. Ну Сагид ГІябдуллаев сайра...

ЭПСЕР. *(кисалабад кІанІи дурайсули)* Пачалихълис урехи хІебирахънила отделла начальникла хІукму саби иш, сунезибра хІу цархІил азарханаализи нушала госпитальлизи шурватахъес набчи чебигъунси.

ДАНИЯЛ РАШИДОВИЧ. Аргъира, гьалмагъ ОГПУ-ла комиссар...

ЭПСЕР. Ну комиссар ахІенра *(МухІлиличи тІул чебуруцули)* оперуполномоченный сайра... гражданин БяхІяндов, диргалатамакІуд.. хІура, ташмишагарли, илав вируд гІуррара... сенахІенну ишар аргъала ва дагъри арадирули ахІен... Дирхесли гІямруличи ва улкаличи арадирехЕ... гражданин ГІябдуллаев, айзи ва нушаб гьалав вашен...

САГИД. *(гьакІбирули бекІ)* Ну чичи ва селичи вирхулрал нуничиб балутира лебли биалли, башуста.

(Ургаварили Сагид, ил кьужра вирули, кІелра эпсер дурабулхъан)

БекІ буцили, сейкІусил хІебалули тухтур Сагидла кроватьличи кайрар.

КІИИБИЛ СУРАТ

Кьакьа-кьакьаси, амма дубурлантала тяхІярли баршили балкьаахъурси хъали. Унза агарси, гьаргси шкаплизир чумал кьаси дицІили жузи сари. УстІулличирра илди сари. Сагид цаагили пІагьбирули кьалиян, лукІули сай. Ахирра илини бекІ ахъбуруцули сай ва ил гьалабуцили, бучІули сай. Ил замана-замана сягІятличира хІерилзули сай.

Ил замана дурабад хъунул адамли бучІуси далайла тІама чебихули саби.

**Гьарахъларад ляркьути,
Чаргас урчала мурдни,
Агарав гІяхІла хабар –
Дила чинав ватада?**

**Урхъначи дирихъ башар
Я дягІлис я маркалис,**

**Лябкьутас гьала рашус
Я дардлис я дарманнис.**

**Унзала дягІ бакІалли,
УрКИла шалаихъур.
ХІулбала шала или –
Дила лявкьули или...**

*(Далайла тІама, аркъуси гъарахърркуцад, гІяшибикІар ва ахирра бетихъур)
Сагидличи гІямрули виштІал, цІуба хІева чевли, бекІличиб шІяпалчил
Башир айцІур.*

БАШИР. Ассаламу гІялайкум, Сагид НухІкъадиевич!

САГИД. Ваши, ваши, Башир Далгатович! *(Някъ бурцу, амма сай устІулличибси кІапІиличи хІерикІар).* Кайи... *(Ил устІулличи гъамирар, кІапІилизи се сабил лукІа. Башир иличи хІерикІули, шулгІибси уталичи кайрар. Илини лукІуси таманбарайчи, кисалабад гІярякъила шиша дурасили, устІулла дубла кабирхъу, истаканти чинарал хІерилзан. Гъу, се бурида, Башир... (Илини ручка кабирхъу ва къакъла чІала тІякъярбухъахъи, иличи хІерилзан).*

БАШИР. Се буруси? Чекабихъири хІуни набчи ца гъатІи мах. Вархибдешли се бирусилра хІебалуси наб камсилра мах чебкасахъес хІези директорлизи тиладибарахъес дигусири. Балулрив, дила гъар бархІи хъулир хъунуйчил цадехІ къалмакъар сари... ил...

САГИД. Хъунрачил къалмакъарли иркъес асубирусив? Илди дигахъес, гІеббуцес гІягІнили саби! *(ГъинчІизурли, кагъурти дубла дитІакІили, ца бекІа биру, гІярякъила шиша дайла битІикІу. Зубайдат, ва Зубайдат, беркеси хагу нушаб! (Чариубли) Истакантира!..*

БАШИР. ВявмайкІуд, хІуни чум сягІят дикилил балулрив?

САГИД. *(СягІятличи хІерилзан)* Хъумкартурра сягІятличила. Балулрив, Башир, сецад хІянчи дарес хъарлил нушачи. Сегъунти масъулти арзес?.. Иш, нушани дурхІни бучІахъуси программа, селра ахІен, гІямалагардешлис гІямалчи саби. ГІяжамлира латинна алфавитлира лерилра тІалабуначи балбикибси программа хІясибли дурхІни бучІахъес имканти лугули ахІен. Кириллицала имканти имцІали сари. Урусунала алфавитличи ва грамматикаличи шурдухъес биалри...

(Хъули вавнар чІянкІила халгІятчерли, някълизиб къумурличил Зубайдат арицІур)

ЗУБАЙДАТ. Вакирив, Башир? Сен саррая, Хадижатхъали, дурхІни?

БАШИР. Баркалла, Зубайдат, гъар секІал гІяхІил сари. Черрерхи, заманаличи хІерхІеили, вакІили или. Ишини адам валтулив я усахъес я бамсриахъахъес.

ЗУБАЙДАТ. *(Беркалара, алтІанагунира, истакантира кадирхъули).* Балулра, Башир, балулра... Абзур бархІи ишини беркунси агара, хІебалас итав, техникумлизив, укули хІейалли?

БАШИР. Гъа-гъа?.. Се рикІулри, гъари, хІу, Зубайдат? Техникумлизиб шин держесалра мугълат агарагу.

ЗУБАЙДАТ. Техникумлизивад вакІила хІяйна беркайчи живарра, иша къумур хира, амма пайда агара. МухІлилаб къалиян саби – някълизиб ручка... ИкІав, Лавашав, районна багъудила отделлизивхІелира ишкъяйда вири... Нуни хІебарасли, чили биру викІули сай.

САГИД. Гъугу, хІела жайчира, валтІулра рикІули, рахъ гапмарикІуд.

ЗУБАЙДАТ. *(УркІрухъи)* Гап!.. Бикъулрив, Башир? Гап викІар... Багъес дигадли, *(Сагидличи гъамриубли)* наб хъа вегІ сай гІягІниси, мурул, дунъяла гІилму дарсдирис викІуси гІялим ахІенну.

САГИД. *(Баширлизи)* Гъари, юлдаш, иш сунела арадешлис бержайчи архІякъянну.

ЗУБАЙДАТ. Ил агарлира гѳямал агара ишалану, картѳа, Башир. *(Ил дурарулхъан)*

САГИД. *(Истакан кайсули)* Ну гъану гехѳра дус виублира. Балугъ ваили-хѳеили левалли граждан дургъбала иманагартѳи анѳѳбукъуни чедаира, Совет хѳукумат гъанни кайзурра, Даргала округла хъубзурала барсур кумекла комитетла председателъли калунра, учителълли, школала директорли, ОНО-ла заведующийли, гъанна бусягѳят педтехникумлизив узулра. Хѳебиалли ну чи сайра, ишди гѳямрулизив ихдицад хѳянчурби дарсдарили виасли? Азир баркалла диаб дила дудешлис, набзи гѳяраб мез дагъахъурси... Гъари, дерхъаб! Ца-ца дужехѳе... *(Держили, истаканѳи кадирхъу)*. Урус мез нуни дяркъурра мадрасализив учѳухѳели ва илис гѳергъи ца дусла учителъти хѳядурбирути курсаназив учѳули. Нуни багъурра, севан миски сабил нушала белчѳудила ва багъудила даража. Дебали гѳелакадухъира... *(Лехѳдеи)* Хѳела мурад се саби ири хѳуни?

БАШИР. Дила... гъм.. *(Илини сагали истаканѳази гѳяркъи картѳу)* Дила, Сагид Нухѳкъадиевич, бурасли хѳези... *(Ил сунела мурадличила бурес урузѳусигъуна сай)* хѳуни набчи чебигъунси, пионервожатъѳити хѳядурбируси отделлизивад акъуватни. Се леба нуни балуси пионертачила ва илдала вожатъѳити хѳядурбирути дурсрачила? Сегъуналра методика, литература агара.

САГИД. Дирар. Хѳу гъамли урхъури Мяхѳячкъалализи. Курсаначи... Техникумлизир биалли, кѳел къукъя акѳахъес чебиркур. Вожатъѳити хѳядурбирути. Илди, Башир, комсомола гъаркъяти цакъани сари. Аргъирив? Пионер! Комсомол! Партия! *(Илди дугъби Сагидли, гъар дев бурухѳели, заки тѳул ахъбуриѳули дуру)*. Николай Павлович Чаплин чи саял балулрив хѳуни? *(Ил чи биалра цархѳил хулив сунечи лехѳихъуси тевли, илизи бакъахъесван гъайѳкар)*.

БАШИР. *(Хъуѳѳруми гъунѳѳдирули)* Бегѳ гъалаб иргъулра ил у.

САГИД. Ил, дила юлдаш, комсомолла ЦК-лизибси пионертала Центральный бюрола Председатель сай. айя-ай, илра хѳебалулрив?!

БАШИР. *(Ил дукарѳулил яра рихѳантаиркъулил хѳебалули)* Гѳур гъатѳи?

САГИД. Се гѳур гъатѳи! Хѳела имкан леб, хѳуни хѳу ахтардиварес. Хѳед гъалаб агарси секѳал, акѳахъес имкан леб хѳела. Хѳуни хѳу ахтардиварес, хѳела пагъмула ва устадешла хѳялумѳес! Иргъулрив?.. Иш дунъя барсбирути вакилтала наслу бяркъес!.. Дерхъаб!

БАШИР. Дерхъаб, дерхъаб! *(Дужа)*.

САГИД. *(Къалиян биѳѳес или махуркала кисализи тѳулби къуздиру, танбаку хѳедаргили, къамасла къанилабад напрусунала пачка кайсу. Улка ва зумали чуйнара-сера гав уѳѳдиру)*. Башир, нуша хѳердирулра дебали тамашала, амма къиянси замана. *(Пама гѳяшбиру)*. Адамѳи чула пикруми дурес урухѳули биалли, буруси пикри шивѳѳивбарес чевкъули биалли, ил урехила манзил саби. Ца дунъя бехъубли, цархѳил, уб агарси дунъя алѳахъуси манзил, урехила хѳебиѳс хѳебирар, сенахѳенну илди гъарил дунъяла чула вакилти ва къакъбяхъуни лебѳи сабину. Хѳу чевверхи, хѳечил иткъяйда гъайѳѳули или, амма ГѳѳУ-лизив баз кали гѳергъи чичи вирхусил балули ахѳенра.

(Сагидли сунес сунени картѳу ва цагъакѳли къярѳуу)

БАШИР. Се?... Хѳу набчѳира ташмишиѳѳулрив гъари?... Гъа?...

САГИД. Гѳямру мурити сари, сецад гѳядабли биалра хѳерѳес. Нуни, Башир,

ца секІал аргїира, дахъал пикридарра Гїяли-Хїяжи вебкїила. Гїямру нушачи дяхІ-дыхІли сари, дунъя биалли – къакъгъабли... Ил мурталра бяхІчили кахебилзан, амма. Узес, умцїес, бургес... дила дудеш викїи: «Сагид, учїен. Багъуди – мах ахїен, балхес урчи ахїен, амма хїед дебали багалабирар». Илди гъай дила Гїямрула мурадли детаахъес дигула... Хїу... гъм... чевверхи... Агъ вегїебш... сегъуна бархъдешагрил.

БАШИР. Сагид, агъ, хїябилра адам лехїахъесли гъайикїес балад къалли. Вирхести мисалти, пикриухъахъести баянти далад... Цїакъ леб хїела гъайлизиб... (*Лехїдеш. Истакайзи гїярякьї картїили, алзан*) Наб ишди дурибтачи чебатес дигула. Халаси хатїа бирар, эгер хїезиб ил пагъму гїямрулизиб пайдалахебарили калалли. Чїянкїли иш Дешлахїярла педтехникум ил пагъму хъараахъес бахъ биштїали саби. Хїед – капарай гїягїнили саби... гїилму-ахтардила капарай.

САГИД. (*Илала гъав гїярякьїли ахъбарили саби*) Багъи ца секІал, Башир. Дарган – зяхїматчи ва гїяхїбаркьла адам виэс гїягїниси сай. Илкъяйда сабра саби. Илди хъубзури, лацла, къисла, мегъла, мургъи-арцла, вачарла устни саби. Саби дарган ибси девлира ванадеш, умут гъанарахъули сари. Масала, дявила узби Мяхїяч Дахадаев, Жалалудин Къоркъмасов – ца кїарахъан сай, – итил – къумукълан. Илдала уми дихъили сари даргала кїел районнис. Илди дихъахъиб дарган узби Тїалхїятхъалани. Ил баркъуди гїяхїбилзули саби наб.

БАШИР. Гїурра хїуни уркїаира ну. Гъари, Сагид, хїуни ихтияр барадди, нуни ца далай бучїас. (*Илини хъа бяхїличибси чугур кайсу*) Иша ацїес гъалаб кїел жагъил къаршибикиб ихаб, паркла дублаб. Рурсили далай белчїун, «Нешла цїум-цїумъала». Илди гъайлира хїу миллатла излумачила, илала зугїлумачила, арзу-хїяйчила пикриикїуси виъни аргъесли саби. Иличи лехїахъибхїели, дила чархкад бизиси хїяйкат аязберхур ва хїулби нургъба дицїиб. Хїуни балулри дила дудешра граждан дургъбазив алхни...

(*Мурхъли гъигъа батурли, илини чугур къимбиру ва гїяшли далай батїу, Батїрайлайчи макъам мешубикахъили*).

**Хїуши дихъибти дига
Делири ахїдихъибти,
Хъар дубрїр мукъараон,
Ирира ну хворили,
Сирислиур гежбаон,
Чукуллехїирирану.**

**Хїуши духъунти карцїи
Делири ахїдухъунти,
Диъли далхул лачеон,
Дириб уркїи къугъали,
Зили къарчигъалаон,
Дигвили ахїдирибну.**

САГИД. (*Далай таманбиублихъалли, Сагид убяхъили ляжлиму хала тїул пикрумазииркур*). Дебали гїяхїил белчїунри, Башир Далгатович. Сен гїяхїси баррил Батїрайла белчїни. Илала иш жузлизир лер гїяхїцад далуйти. (*Илини кїантїити мужаллатуначилси биштїаси жуз кайсу*) Гъану гехїра ибил дуслизиб, кїел дус гъалаб Сягїид Гїямаровли дураибси саби. «Хїурхъила далуйтала жуз». (*Илини илала чумал бяхї садирхъу ва учїес вехїурхъур*).

**Ибкїмебкїаб гїяхїна гъвобза,
Эллира тулла душман!
Ибкїали гїяхїна гъвобза,
Разириар вайгъабза.**

**Гумай бацїбухъун или,
Зулму шибасиб или.
Хъадмалгъаб вайна гъвобза,
Элла варх вякьиб узи!**

**ИбкІалли вайна гъвобза,
Пашманирар гІяхІгъвобза,
ЖамигІят камбиб или,
ДурхІни ятимбиб или,
Хъунул гамъадиб или.**

**ГПурра мебкІаб гІяхІгъвобза!
УбкІул бархІи гІяхІгъвобза**

**Балли урчира беккІаб,
Дилара арц лир или
Исуну ца вархІяли.**

**ИбкІмебкІаб гІяхІна гъвобза!
УбкІул бархІи гІяхІгъвобза
Далли гъалмагъра дибкІаб,
Нура суб сайра или,
Архъуну ца хъунчали!**

(Жуз устІулличи кабирхъу)

Ишар илала, гъайгъайра, сунени делкІунтазирад хІябал бутІала ца бутІара агара. Амма цаибил ганз леб. ИлхІелира лебГѐб багъарси ва къиматчебси. Ил масъала ахъбуцес дигула наб, илбагъандан иш статья хІядурбарилра нушала «Дарган» газетализи бархъес. Нушаб мицІирдарес гІягІнили сари миллатла культурала хъулчи – мина, рухІла давлала сурсатуни. ГІягІнили саби нушаб нуша дегІси алфавит, синтаксисла, морфологияла жузи. Гъайла къантІа – Дарган мезла грамматика.

БАШИР *(Илини дурутачи тамашаиубли хІяккайзурли)*. Алфавит... ИлкІун нушала...

САГИД. Юх, ил нушала агара. Масала, нушани лукІулра иникъ, ахІси, ва илдигъунти цархІилти азирти-азирти дугъби. Нуша дарганти къалли иникъ хІедикІулра, гІиникъ дикІулра. ХІебиалли нушаб **ГІ** гІягІнили саби.

БАШИР. Чинаб бургуси ил? Пикрибирусив?

САГИД. Гъайгъайра, пикрибирусисаби. Масала, **Г** хІярпличи ишгъуна къяли-къел чебалтехІе, **ГІ** хІярп алкІахъехІе. Илкъяйда, **Г, К, П, Т, Х, Ц, Ч** хІурпрачи кІантІидешла, чІумадешла ишараби ва къяли чедалтахІелли, илди – кІирка хІурпри детарар. Ил секІал барес багъандан гъатІи нушани урусла алфавит – кирилица хъулчилибуцес гІягІнили саби. ХІебалас мурт дирехІел. Нушала гІямру, яшав, культура илдачил дархдаси диалли, белкІ-белчІра цугдикахъес гІягІнилигу. Гъари, кертІа. Сен уркІухъунри хІу? Гъа...

(Баширли кІилисалра кертІу ва, ишиа каберхни балахъули, ил бекІудибиру.)

Гъу, дерхъаб! Нушала гІилмула ва багъудила челябкъалалис!

БАШИР. Дерхъаб, Сагид НухІкъадиевич. Нуни бужула хІела арадешлис! СенкІун хІу чевяхІси адамри. ИшбархІи аргъибгани ну тамай тамашаварра. Се сари дила ва нугъунти цархІилтала пикруми ва зугІлуми, хІелайчил цугдуцибхІели.

САГИД. Юх, Башир Далгагович, нушала миллатла челябкъалалис дерхъаб!

БАШИР. Илала челябкъла бирар, эгер хІела арадеш биалли. СенкІун хІу парх-гІякълула адамри.

САГИД. Се ири хІуни? Се гІякълула?

БАШИР. ПархГІякълула. Дебали духуси викІулра. Урусуни бикІаргу гениальный или.

САГИД. Се? Гений?! Ну? *(ДукарвяхІили, илала хъуцІарличи, азадси алгъай някъ пахъ-пахъбиру)*. ХІела узис ват... ГІяхІси адамри хІу, амма... Гъу дерхъаб!

(КІилинра дужа)

БАШИР. *(Иличи хЛерикЛули калзан, истаканра кахЛебихъили)* Амма...

САГИД. Се?

БАШИР. Хуни бурси таманхЕбарри. Амма или, бурси къябаири.

САГИД. Амма ира, сенахЕнну илди пикрумицун сарину. Илала дурабадра, бекІсигъунара ил ахЕнгу...

БАШИР. ГІур се саби?

САГИД. Хуни балулрив даргала, гъарли-марли чум лугъат лерал? Гъа?

(ЛехІдеи)

Ахъушала – ца, хІурехъила – кЕл, мухІела – хІябал, мурегала – авал, губдалан – шел, къадарла, – урегал, мегебла – верхІел, хІябшимала – гехІел, усишала – урчЕмал, цІудхъурла – вецІал, бутрила – вецІну цара, муирала – вецІну кІира, сирхІя-тІантІала – вецІну хІябра, гІямухъ-къункъи- хуцуцІла – вецІну авра, сирхІяла – вецІну шура, санжи-ицІарила – вецІну урегра, гІяммузги-ширала – вецІну верхІра, гІярбукІ-гІяштила – вецІну гехІра, чирагъла – вецІну урчЕмра, хайдакъла – гъал... *(Камси лехІкайхъур, гІур даимирар)*. ЦацадехІ ишди гъандушибти дархдяхъес вирар, лер декІардарестира. Чум гъанхІедуширал... Масала, МикІхІила ЧебяхІ-МулебкІила...

БАШИР. Валлагъ дахъал сари.

САГИД. Гъанна алкІули саби бегІлара мягІничебси суал. БегІла... *(Сагидли ца кІанІи кайсу ва иличи хЛерилзан)*.

БАШИР. Се суал?

САГИД. Се суалкІун, дила юлдаш, чидил лугъат хъулчили бурцуси литературный мез акІахъес? Саби ургаб дарганти гъайбикІахъес ва школабазир илди дяркъяхъес. Гъа? Гъу, бура?

БАШИР. Валлагъ, Сагид НухІкъадиевич, хЕбалас. Иличила пикрира хЕвхъуна ну. Я ухъес гъанхЕбирки.

САГИД. ГІялибег Таха-Къадизи гъанбушира нуни. Дагъиста ЦИК-ла председателъла къуллукъличивад ил гъанна Москвализи шурватурли сай, багъудила министерстволизибси Лебилсоюзла гІилму-ахтардила педагогикала институтла директорра сай. Луначарскийличил сай ил. Иргъулрив? Илизи каберхурли биес викІула ца гІурра, миллатунала историяла Институтра. ХЕзи бурасли нуни, Башир, ит сай гъарли-марси, хІу викІуливан, парх-гІякъула гІялим ва машгъурси хІяракатчи. Юрист виалра, культура бала, экономика бала, миллатунала ва багъудила масъулти руркъули калун. Республикала прокурорли калун, калун Верховный Судла председателъли ва, ахирра, Дагъиста ЦИК-ла председателъли. Иш масъайзиб илини нушаб кумекбиру.

БАШИР. Илини къалли чидил лугъат гъалабирхъул багъес къиянни ахЕн!..

САГИД. Чидил бирхъув? *(Ил бацІси ишишаличи хЛерилзан. Баширлис лишанбарили)*. Ит къамаслизибад шиша каса.

БАШИР. *(Шиша кайсу ва, бекІла чеди буцили, хЛерилзан)*. Се шиша сабив иш? БегІ гъалаб чебиула ишгъуна.

САГИД. Илди наб ца юлдашли хибти сари Ростовлизирад. Балулрив чумьибил дуслизир дураибтил? Гъану кІира ибил дуслизир. Илис халкъ «рыковка» бикІар. Гъалаван РСФСР-ла Совнаркомла къуллукъуначивад акъватурси Алексей Иванович Рыковла у саби илдас бедибси. ХІябцІали

градусла «полурыковкара» бири. Ил вайси ахІен, авцІали хеб... (*ЛехІдеи*)
Гъм... Се декІардеша? Абхъану картІа.

БАШИР. Гъм... имцІабирар къа-а-алли... Сагид НухІкъадиевич... ЖагІял
педсоветра саби... (*Сагидла цІиваибси хІер чебаили*) ГІяхІси... гъи... гъи...
(*шалигъаббилзахъули, шишаличи хІерикІули*) «Рыковка» халбирехІе, гъм... хІед
дигули гІергъи. (*Истакунтала хъардубунази чуйнал шиша вякъ-вякъбухъахъи,
картІу*). Дерхъаб, или биубли гІергъи!

САГИД. Гъу, чидил лугъат гъалабирхъув?

БАШИР. Чили?

САГИД. ГІялибек ГІялибековичли викІулра. ХІуни иригу, илини чидил
гъалабирхъул итира якъиннигу или...

БАШИР. Да... ира. Гъайгъайра, хІурхъила. Итира аргъеслигу. Чинаб
сабив педтехникум, дарган мезла мугІяллимти хІядурбируси? Ишаб,
Къоркъмаскъалалаб, тфу... ДешлахІярлизиб. Чинав акІубсив Батирай,
литературала... гъм... нушала гъавкъяна?.. Илра ишавад сай... ГІур гъатІи,
иш нушала Даргала районтала дайлаб саби. Урхъуличира гъамли... Мегъла
гъуйчира...

САГИД. Мо-ло-дец! ЧІумати баянти сари хІела. МягІничерти сари. амма
бекІти ахІен. (*Илини някъ хІяршибиру*).

БАШИР. БекІти ахІен? ГІур бекІти сегъунтив гъатІи?

(Хъули Зубайдат рухІнарулхъан)

ЗУБАЙДАТ. Се саби хІушани бируси? ЧехІедиулрав урхІназирад шала
пякъдиркули.

САГИД. Иргъулрив се рикІулил? Шала пІякъдикес дирутив? Гъа?
Илди алкІути сари, дила гІяхІна, адамван. МицІирти жанван. (*Ил айзурли,
улкъайличибяхІ бекІ узбарили, хъарзабла шайчи, мусисиртличи хІерилзан*)
Марли рикІулри, Зубайдат. (*Ил сунечиряхІ ритІикІу, някъли гъяжриру*)
ХІеризи, Башир, их хъарзабла капарайлизи. Чебиулрив, царугси ГІякъ... хІятта
гидгариван... Илизибад дугъбулхъуси бухъуван, ихди савлила шала-хІунтІена
ранг алкІули. Камси гъатІи замана ва илди чяхІдулхъан...

БАШИР. Гъари, юлдашуни, шаладиркни вайси ахІен, амма вегІла хъули
укъесра балес гІягІниси саби.

САГИД. Ге... ге... (*Зубайдат ратиули*) Нушани ихтилат даимбирехІе,
Башир. Амма аркъянайла картІес гІягІнили саби. Нушани къалли хІебулэхІе
нушала миллатла гІядат. Гъари, картІа.

ЗУБАЙДАТ. Бержес дигалли, сабаб камбируси ахІен. (*истаканти кайсу*)

САГИД. Гъари, Башир Далгатович, ваши иш дила къуймур, даим рургъуси
ва мурталра даршуси Зубайдатла арадешлис бужехІе. Дерхъаб!

БАШИР. Дерхъаб!

Сцена билшан

(Хъарахъуд – гІурла номерлизиб)



Проза



**Ибрагъм
ИБРАГЪИМОВ**

ЦАЛИЗИБ ВА ХИЛИЗИБ

(Хъсрахъуд)

– Ишарад урчила нукубала къел хІеркІличи уряхІихъули сари.

– Хебиалли, гъайбарая хІеркІличи!

БиштІаси хІеркІла кІелра дуб къарлира халати хІякланира дерхъилри, сегъунтилла къел чедаэс аги.

Чамсул урчиличивад кацІиб, някъбани хІякли ита-ишадяхъиб. КІелра нукерра урчачибад кабацІиб ва, урчира гъардуцили, умцІесбяхІиб.

– Даргира къел! ИшадяхІ! – иб ца нукерли. – Илди хІеркІла итил дубличи дурадулхъули сари.

Нукерти сагали урчачи абииб, хІеркІра ахъили, итил дублабси шурмар гъунчиб тІашбизур.

– Гъанна чинадяхІ аркъутира? Ишар къел чедаэс агара къалли?

– ИкІ чедибси пурпила вацІализи! – буйрухъбариб Чамсулли.

– ХІурматла вегІбекІ, икІ зумаси вацІализив адам варгес, анкІила гавлаглизиб мучила къякъ баргесичиб гъамадли хІебирар.

– Чи сая гъамадли викІуси? Хъярхъдикирая! – вявбяхъиб Чамсулли, челис-че вацІализи гъамирули.

Ил манзил нукертала халалла бекІла чебкад урги шятІбухъун. ЛасяхъибхІели чеиб, секъяйда ца нукер, цІумра дурабушили, урчиличивад кайкибал. Илала вархкъяли урчи гІелабяхІ ласбариб, лебси мерличиб илра бархъбатурли, ванзаличив, канира буцили, герикІуси юлдашличи хъярхъикиб. СунечибяхІ гІурра арцурси кІибиб ургилис Чамсул къалхан гъабуцес бажардиикиб. Чегибси урги зянкъбухъи бячун ва кабикиб. Урехи лебни аргъили, Чамсулла урчиличивад тІяхІухъун ва мякълабси зурба пурпила гІела дигІяникиб.

– Эй, Заурбег! Ил сен сая?! – тІамадариб Чамсулли.

– Пайда агара! Урги канилизи атІи саби!

– Сахъдеш бара! Къачагъли гІурра ламарт барес асубирар!

Заурбегли вяхъибси юлдаш шурмала къукъла гІела хъусвариб.

Чамсул, урги-дергара хІядурдарили, вацІала ухІна хІеризур: чилра чехІеили, галгала гІелавад дуравхъун. ХъумхІергур къалхан гъалабуцесра. Юх, иличибяхІ цалра урги гІур ахІерцур. Ашкарли, дигІяникибси къачагъли сагали сунела гъуни даимбарилри.

Чамсул дуцІли шурмала гІела пяхъбикибти нукертаци ваиб. Заурбегла дуклав вяхъибси къагълири, дяхІ хъанцІдухъири, декІли цІумикІули, зумали гъигъикІулри.

– Се бирехІев? Табжила аги вайтІа саби? – хІеризур Заурбег бекІ нукерличи.

– Урги дурабитІалли?

– ИлхІели кани бицІибти хІи чяхІдулхъан... Таманкайрар...

Чамсул къукъубачи гІяшиуб: бекІ нукерлис ца се-биалра пикрибарес гъамадли ахІенри. Чула вархкъя нукер илав ватесра асухІебири. Арукес гІягІнилири. Гъамси шилизивси дяхънушачи хІеахъалри, Табжи ахиратла агълула ветаэс хІядурлири. Уцумила хъарбаркъра таманбарес гІягІнилири: къачагъ левгІев гъарахъикалри, гІур илди вайнукъябала урда чилилра баргес хІейри.

Вяхъибси нукерла кІунтІби шивкІивдухъун:

– Набзибад гъанна пайда агара... ну ишав ватабая... Пергъидикирая... ЧеббицІая...

– Нукертала хъя илгъуна ахІенри! – иб чІумали Чамсулли. – Заурбег! Урчиличи мурдаватурли Табжира, хІу гІелавяхІ чарухъен. ХІеркІла дубкад катхІел дашадалли, хІуша Чандила шилизи дурадулхъада. Илав дяхънуша левси сай...

Ил хІукмура дурасили, бекІ нукер харчизур, сунечи хІерли пурпила мякълаб тІаши урчиличи дуцІухъун.

ЦІябдаэс халаси замана кали ахІенри. ИлхІели вацІализивад ватихъни сукъур архІя бетари. Гъавухъунси къачагълира, чидил-биалра галгала гІела дигІяникили, ургнала къири бяхІчаэсра асубири. Биалра, бекІ нукерлис я тІашизес я пикруми гІячихъдарес замана аги.

Пурпила вацІара гІелаб батурли музаличи дуравхъунхІели, Чамсул урчиличивад кацІиб, сенахІенну илабад къаркъубала гъягъяла гъуни бехІбирхъулри. Мурдали ахІенну, хъуралира вашес тяхІяр аги. Урчила къяшмаурад гердулхъути къаркъубани ахъти тІама-гъама детарахъулри. ЦІябдешли илар къачагъла къелра белгили чедиахъули ахІенри: илбагъандан бекІ нукер сунела уркІила жи хІясибли гъалавяхІ ганзикІулри, умут хІевдулри, хІятта селрацад дурусдеш хІебиалра.

Сецад гъуни ахъибал, Чамсул жунабла халаси къадала мякълав гъигъбатес тІашизур: мегъла хІяннира къалханра хамхалис декІси мах сарри. Чердатнили урехи алкІахъули биалра, бекІ нукерли мегъла палтар улибхъаличи чекахъиб, алав-гъалав хІеризур, шурмачибяхІ мурхъбиркуси гъягъяла къяшла дякъ даимбариб.

Чамсуллис гІурра тІашизес гІягІнибикиб: удибси авараглизибад адамла цІумлагъуна тІама чебихесбяхІиб. Камси гъатІи гъарахъли ахІи дякъличиб халаси къаралдира хІисаббиуб.

«Сунела жан ас! Набчи хІерли сай!» – иб бекІ нукерли, къаралдилчибяхІ урги-дергали лишанайсули.

Юх, ЧамсулличибяхІ гъалабван урги ахІерцур. Къаралдили ахъли пурхурдахъиб. Гъамиубси Чамсуллис гъар секІал белгидиуб: ил къачагъла

урчи сабри, къаркъубазиб къяш бячи башес хЕбириуси. Ашкарли, вахъ къалабали виънили, къачагъ урчиличивад кахЕцџили, мурдали гъайбарили уилри ва урчи кабикахъилри.

Илди пикрумазив левли, бекІ нукерличи сагали цџум чехиб: иш гъакІлис ил тІама урчи кабикибси мерличибад бехІбирхъуси шурмала гъярбиклизибад сабри.

Чамсул шурмала дубхъиличи витІакІиб: ХІерикІалли – къачагъ шурмала гъярбиклизибси ганзухъгъуна къасиличив. Я дуравхъес, я лас-чаряхъес илала имкан аги, лусентала гъярбиклизи кайкес асубири. Кабиркуси урчили лайвакІибси ил шурмачив жибжирухъи калири.

АнцІбукъ тамашабизурли, бекІ нукер камси манзил иличи хІерикІули дадкайзур.

– ХІед чи бикІара? – сунесра хабарагарли, ахирра тамашала суал хъарбаиб илини.

– Дила у бургар хІед багъес гІягІниси? – жаниварлаван гІясили лямцІдухъун къачагъла хІулби.

– Ура багъес дигулдра, хІед кумек хІяжатли биалли?

– СалихІбек бикІар. Аргъирив?

– Аргъира.

– Аргъили виадли, селичи хІерлири?

– МицІирли калес дигулрив?

– Се абдал суалти дирутив?

– Суалти абдулти дирути ахІен. ХІедкІун жан ахІерли сари. ВебкІес дигули ахІенри... ХІуни чум гІяйибагар пакъирла жан дайдахъири?

Къачагъли жаваб чархІебариб. Шурла къасиличи ибкъкайзнили ил вамсурлири, декІли гъигъикІулри, уди кайкес хІядурлири.

– СалихІбек, душман виадлира, хІед нуни кумекбирис, хІуни набра гъай биха.

– Се гъай?

– Илавад дураватурхІели, хІушала урдализи гъуни чебаахъес вируду, ну ила арукес вируду?

– РяхІимханна бекІ нукер виадра, хІура духуси адам ахІенри.

– Сен или викІулри?

– Лезмила арилизиб агарси гъай набзибад абитІес дигуси.

– ХІела жайчиб къачагъунала урда дурхъалив хІед?

– Дила гъалмагъунала урдара гІелаб ахІен. Амма нушалара бекІ левси сай.

– Амирчупан?

– Амирчупан.

– Илис жан дедес хІядурли валанри?

СалихІбекли жаваб чархІебариб.

– ХІела вегІбекІ Амирчупан уцуми РяхІимханна илала арилизибти гІядатла адаталарацун душман ахІен. Ипра илала вайнукъябира уббедни багъандан, хІу верша ветарули ахІенри. Ил баркъудили камти-диалра хІела бунагъуни ицу.

– Нуша бунагъкарти детаурли, хІуша хІурулгІянти сарраяв? Уцуми РяхІимханна зулмурти чили хІедалули?

– Се зулмурти? Илини танбихІлабирути зулмукарти саби.

– ВацІала гъалмагъуни лебилра зулмукарти ахІен... Уцумила гуж-

зулмули ну хъалибарглизивад мяхІрумварира, ишди гІямруличи викахъира. Бахъалгъунти дила бархкъябалара къисмат цагъуна саби...

– Эй, СалихІбек, се дирулри дахъал гъай? Ну викІуси бирулрив, хІебирулрив?

– ГІур арукили ну РяхІимханниси хъяблавяхъяхъес?

– Нуни хІебалас: танбихІ хІебарили хІелтари.

– ХІуни нушала бекІ Амирчупан чеирив?

– Чеили, се вариша ил жаллад? Илала у аргъесра дигули ахІенра.

– Амирчупа вершабачи урклеці лебси ахІен... Ишав наб вебкІес кункли бирар...

– Дати абдал гъай! Буца някъ! Чамсулли къачагълиссеннира балуй някъ гъабатур. Илис гъанбиркусири, къачагъли илкъяйда гъамадли илала някъ хІебурцу или.

СалихІбек, дергаличи баршибси тІанилван тямхъухъи, Чамсулли гъабатурси някъ буциб ва шурмачивад суркавхъун.

– ХІура набчил варх архури лусентала урга! – вявбяхъиб илини.

Къачагъла ламарт бетерхесра асубири, нагагъладан Чамсулла алгъай някълизиб цацабарили урчила ургъур лебси хІебиалри.

– ХІугъуна вайгъабзачил наб бекІа хІяжатли ахІен, – иб Чамсулли, къачагъла някъ батиули...

* * *

ВацІала бухІнабси мер-мерлар чятирти кадяхъибси чІянкІ дугила лехІдешлизиб сабри. Къукънадбикибти къачагъунани итарра ишарра дикъурти цаамани алавла шалабарилри. Гавла вацІализиб гІяйкабиублири. Иличил лухъуси диъла ва гунтуразир дуцІути бехІцІурала тІеманира чедихулри.

Дай дуги баили биалра, къачагъунала ихтилатуни, масхурти, дукелці даимдиублири. Илдала бахъалгъунти жявлил бускаэсра асубири, эгер вегІбекІ Амирчупа чятирла гъалаб ца ухули хІебиалри. Ил паргъатли ахІенри, хІебиалли, вацІала гъалмагъунасна паргъатбиэс жагали ахІенри.

Тахличи кайили, кигъала белхъунси урдур кІелра някъли буцили, замана-замана ил къацІбуси Амирчупан бекІлил разиси гъавличив хІейъни багъеслири: урдурлизи гъар къацІикунхІели, илала шявчелси хІули авидбарили кабиитгачи вякъбилзулри. Ил вайси лишан сабри, рахли чичиб хІер бахъІи калаллира, вегІбекІли илис ца се-биалра вайси барес асубири. Илкъяйда илини гъалабра чумал марти къачагъ, хапли ханжай кІибутІбирули яра, гъуц бурхІили къакълизибад дурабиркахъули, кабушибтири. Сабабра, «валлагъ, ну мучлахІерира», «дила амру таманхІебариб», «набчи къакъгъавли кайзур»... – яра гІурра се-биалра гъатІира мягІнаагар секІал бурули. Ил гъимукІни балухІели, къуллукъчибира нукертира вегІбекІли ибси барес хІядурлири.

– Эй, Батай, замана хІебаилив нушала адамти чарбухъес?

Амирчупа бакъили, бекІ нукер Батай харчизур, гъамиубли, вегІбекІла тахла гъала къукъабяхъиб.

– Замана баили саби, хІурматла Амирчупан, амма чарбухъи ахІен.

– ГъатІи селичи хІерлири?

– ХІерлира, дила вегІбекІ, цалра нукер вакІайчи: илгъуна вакил вархъахъес гІяскарла бекІ СалихІбекличи хъарбарибсири.

– Чинава ил вакил, сунела ахир пучбиъ!

– Агара... Дихъалис дархъибти унци-уркура ва мицѝираг, дила вегѝбекѝ, вацѝала дукъбикад къалабадарес хѝейрар. Дугели карбан багълали башар...

– Рахли карбан лебкули биалли?

– Дила пикрили, хѝурматла Амирчупан, илдани гъай къянахѝебиру: нушала някъбазив талхъа урши лев.

– Левни балулра... Эгер хѝушани талхъа уршира илала юлдашра гаша бекѝахъили хѝедиадалли?

– Курлизи, хурегра бухахъили, къазанчи вархъибси сай.

– Батай, цѝами-алав палдакѝучѝуниван кадиили дуулраяв? Гъари, хъярхъли вархъа ца гъатѝи чяпар! Вацѝа-къада гѝяхѝли далуси, дугелибугливан хѝялумцѝес балуси. Аргъирив?!

– Аргъира, дила вегѝбекѝ, бусагѝят хѝела амру таманбирахъис!

Икрамра барили, бекѝ нукер Амирчупа тахла гъалавад гъарахъикиб, цѝами-алав кабиибти къачагъуначи арякъун.

Амирчупай гѝурра тѝамадариб:

– Живарая чягъирчи! Сенал ишдуги уркѝи батбулхъули ахѝен! Викая набчи чугурчи Шамсудинра! Ца-хѝябал аги къимдарахъалли ахѝенси, сунела вегѝебш!

Къачагъунала урдаличибад циила тѝядили, гъалли бухъна биризла галгала удибси курлизиб хѝяблабван цѝяблири. Дугъбазибад барибси чебхълаличилси ил мурхъси гѝянжукъла сабри. Ганзиличивад ахѝи ила кацѝес я дуравхъес хѝейри.

Хѝямзатра Жапарра ца-ца гѝямзила кабиилри ва гъарил чула пикрумазиб сабри. Курлаб хѝябцѝли биалра, ца гѝяхѝдеш, бугѝярли ахѝенри.

Къачагъунани илди чула гѝела-гъаладиклума балхулри. Хѝерели камси заманалис курлизибад дурара балтулри ва, някъбира дигъи, къунзбулхъахъулри. Кѝел къачагъ илдас дуги-хѝери къарауйчира кабатурлири.

– Хѝу ускаи хѝейиши? – хъарбаиб Хѝямзатли.

Жапарли чуйнарил хъехѝ-хъехѝиб.

– Ишаб ускаэс лебу? Илди вацѝала жанивартани нушаб цѝук-мага удушибти диалри.

– Нушаб дигни багъалли, къачагъунала вегѝбекѝли назбалишунни лерхахъу.

– Лерхахъу. Нунира балулра...

– Хѝу кѝантѝимайруд, Жапар, даг белчѝунсигъуна ца далайра белчѝен.

– Далай бучѝахъа ишди вайнукъябани, рахли хѝела дудешли дихъалис лебдеш хѝебархъалли...

Хѝямзатли юлдашлис илмадан жаваб чархѝебариб, гѝур, пикри-пикриухъи, иб:

– Дила узи Жапар, дудешли илдас селра хѝебурхъу.

– Сен хѝебурхъуси?

– Хѝуникѝун аргъири, къачагъунала бекѝли тѝалаббируси дихъаличила. Талхъан виублихъар, дудешла илцад давла лебси ахѝен.

– Хѝебиалли, нуша хѝязлис курлар дихѝутира?

– Илкъяйда биэсра асубирар... Ну вебкѝес хѝядурлира... Ну урухкѝули ахѝенра, Жапар.

– Нура урухкѝули ахѝенра. Дудеш кавшибихѝив, ну кавшаслира асубирар. Амма...

Жапарли буруси таманхѝебариб.

– Нуни иргъулра, дила узи, хѝед гъамадли хѝебирар: нуша багъандан, талхъунти багъандан хѝуни жан къурбандарни бетарули саби.

– Майкуд, Хямзат, хуникун балулри, дила узи агара. Ху узила мерличив сайри. Ну «амма» викуси сабаб цархил саби.

– Ил дигяндеш хебиалли?

– Ахен... Наб Гьидаят гьанриркули сари...

– Гур се биру, набра гьанриркуси лер.

– Илдани нушаб децI баресара?

– Хела Гьидаятли кьалли децI биру: илис ху дигахъни чили хебалули?

– Хела Хялиматла хабуртира хушала кIялгIялизирцун кали ахен...

– Сепайда, ил гIякан рурси кIялгIялизи кес бетхерули кьадин.

– Бетарар, эгер иш туснакь бархьбатес диахелли...

– Ил секIал барес, дила узи, гьамадли хебирар... Къзанчи къачагълизи дигянни ца-хIябал дев дурирагу, пишяхъили, жаваб чархебариб. Ишди лебилра къачагъуни чула вегIбекI Амирчупайс мардеш бихIути адамти саби. Илгъуна мардеш гьар-гьар талхъайс рьгIят адамтани хебиру.

– Барилира гIягIнили ахен. Илгъуна урехи чис гIягIнили? Къачагъунани, Хямзат, чула вегIбекIла хIурмат ахен бируси. Урехи саби илдани чебиахъуси. Ил жалладли уркецIагарли дев бехIсур бурибси къачагъ хъяблаирхъули сай. Илди се гIямру сарив, гьари, къачагъунала? Урехилизирти, мурталра хъям-къацIлизирти...

– Вархъли викIулри, илди гIямру ахен.

– Гьу, иши паргъатли дуэхIев? Ишдуги ахтардибирехIев?

– Курла чебхъла викIулрив?

– Сайра. Къараулти бускаунхIели...

– Даг дугелира чебхъла шикьбарес хIедиубра: ашкарли, къараултани чебхъла гIебикIли дебабирули саби.

– Бургар, биалра, вашигу, ца хIял балехIену, къараултала тIама-гьамара дикъули ахен... Гьанна ху дила хъуцIрумачи ацIи...

Жапар, курла бяхIлизи някъбира ибкъаили, кайзур. Хямзат юлдашла хъуцIрумачи ацIиб. ИлхIелира гьадатурти някъби бара сарри чебхълаличи адиути. Сеннира илини кIелра някъ виругIев чебхълализи ибкъаиб. Юх, курла чебхъла шикъра хIебухъун.

– Пайда агара, – иб Хямзатли уди кайцIули. – ГIебикI кIеб, ил хIебиалри, чебхъла илцад декIси ахен, ца адамли ахъбуцес вирар.

– ВегIебш, ишгъуна бекIа селис гIягIнили? ИтхIели нартаниван дергълизир кадушибти диахелри.

– Кешки илкъяйда бетаурси биалри, дила узи...

Дуги шалгIеббулхъулри, гьачамлис вацIа цIябдешла юргъайуб биалра. Шала шикъдухъес халаси замана кали ахенри...

Тахличи кайили, левси мерличив, держибти чягъирла асарлиув Амирчупан жявлил ускайри: илала хухла агили вацIа гIеббучIахъулри. ВегIбекIла итарашара кабиибти къачагъуни, сецад гьанкIбикIулихъар, бускаэс бирули ахенри. Илди, хумарли бекIра гIяшбуцили, цалис гIергъи ца макъамти дарсдируси чугурчи Шамсудинничи лехIирхъулри.

Рябхъбарибси урчиличив чяпар дураикиб. Лявкъукад урчиличивад тIяхIухъун, хъусли вашули, вегIбекIла тахла гьала ваиб.

Харчизурли бекI нукер Батай илис гьала кайзур.

– Таш! ЧехIейулрив, вегIбекI ускай сай!

– ХIурматла Батай! Сен-сен буриша хабар нушала вегIбекIлизи?

– Хебуреси хабар хилрив?
 – Хебуреси саби, валлагъ, хебуреси саби... Чевверхи набчивад!
 – Се бетаурли? Се баргири?
 – Чилра агара! Карбан Сарайлизиб кабушибти нушала узбала хИла хИеркI сабри кабухъунси. Илар я карбанна къел-хИерзи аги.
 – Агъ, вершаби! Агъ, чула ахир пучбиарти!
 – Се бируси, хИурматла Батай? Ну ватааба хИуни... Нушала вегIбекI чеваргъалли, набчиб гъими ихъу. Ну аркъяс ишавадли... – чяпар багълали къукъубачив гIелавяхI хъусухъун. Сепайда илис селрацад гъарахъикес бетхIеур. Хапли шявхълагъуна тIама дурабикиб: къачагъунала гъала чебяхъибси чяпарла бекI гербухъун.
 ИлхIелицун чеиб дагъбяргибти къачагъунани тахличивад харчизурси чула вегIбекI. Илала някълизиб хИили кIантIбикIуси халжан лямцIбулхъулри.
 – Батай! БерхIи гъаббакIибхIейс хIядурбара Гъазагала талхъайс савгъат! Нуша къиркъирти ахIенра... Дихъалис мас ахIерабарибси талхъайс савгъат бурхъехIе!
 – Аргъира, дила вегIбекI. Талхъа уршила бекI хIядурли бирар...
 – Эй, Батай, мурт бурсиурусири хIу мурхъли пикриикIес?
 – Чевверхи, хИурматла Амирчупан, – бекI нукерли, руржескайрули, хИилхIи хIулби ахъдуциб вегIбекIла някъбазибси ханжайчи: чяпарла гербухъунси бекIла мякълаб гъанна сунела бекIра биэс асубири.
 – Талхъа уршила бекI дурхъаси савгъат саби. КъалабамакIуд, иличира ярга биур...
 – Аргъира, хИурматла вегIбекI. ХIу викIукъяйда бирар, – Батай, ахирра, гIеламгъавли хъусухъун...
 Сеннира гъанкI чедибикили, бара рахаэс хIядурти ХIямзатличи ва Жапарличи гъамдирути гунзрала тIама чехиб. Илди къараултала тапаръала ахIенри, дигIянни кайцIутигъунти сарри.
 Курла чебхъла дебабарибси гIебикI вичъбухъун: камси гъатIи чебхъла гъаргиуб. Цябдешлизиб дакIубиубси закла ца бутIаличирад ясиргачи дишес хIядурти зубарти хIердизур. Ца заманализиб курла дублаб чиларил къаралди дакIубухъун.
 – Эй, тавлуми? Дусулраяв?
 Я ХIямзатли я Жапарли дубхIехъиб. Илдани селра иргъули ахIенри. Илцад жявли чус гIергъи къачагъ вархънила сабаб белгибарес аги.
 – Эйхъали? Иргъулраяв дила гъай, – Гурра къаралди гъайбухъун.
 – Иргъулра... Се хIяжатли? – иб ХIямзатли, айзурли.
 – ВягIда леб, хIуша къабулдикадалли...
 – Къачагъуначил нушала вягIдурти лерти ахIен!
 Жапарли юлдашла хъуцIарличи някъ кабихъиб.
 – ХIямзат, хIу къалабамакIуд...
 – Наб ХIямадар бикIар... Чабду бикIуси шилизивадси сайра. ХIябэсил дус Амирчупа къачагъуначил варх сайра... Аммаки наб вацIализирти гIямру детIили сари, арукъес дигулра. Сепайда, ишди вацIала вайнукъябани ил секIал хIебирахъу. Гъанбушибмад, каршура... Цяб-цIударли сари ишарти гIямру: хъям-къацI, кабурушу-бирхъути... ГIядатла адамтаниван наб калунти гIямру деркIес дигулра... Шилизи чарухъи, рягIят хъубзара виубли хIериес дигулра...
 – Нушачил хIела вягIда се саби? – ургаухъи, хъарбаиб Жапарли.

– Нуни хІуша курлизирад дурадалтарая... Гьардухъахъесра кумекбирис, сенахенну ишарти вацІурбазирад дурадухъес хІушаб гьамадли хІебирар: гІергъибикити къачагъунани гьарахъдикайчи дурцура... Илбагъандан дила тІалаб ишгъуна саби: хІушачил варх нура аркусира... Ил секІал барес хІуша разидиркудаяв?

Жапарли талхъа уршила дулай някъ буциб.

– Иргъулрив, ХІямзат? Иргъулрив? Илгъуна игъбар нушаб гІур хІебиэс асубирар...

Жапарла гъай аргъибси къачагъли иб:

– Ге, илгъуна имкан хІушаб гІур хІебирар. Нушала вегІбекІ Амирчупай, берхІи гъаббакІибхІейс, хІушазивад цала бекІ чеббирхъуси саби. Нуни аргъира ил хабарличила... Илис ну хІушачи вакІра вакІибсира. Калунси замана камси саби. ГъайдикІеная!

– Эй, хІу, ХІямадар викІуду? ХІечи вирхес вирусив? – хьарбаиб ХІямзатли.

– Дирхаэс чебиркур, эгер хІушаб жан ахІерли диалли.

– Къараулти чинаба?

– Нуни кепбарира, гъанна илди тІерхъали вирхъули ахІи чебаргъахъес хІейрар.

– Гъу, хІу хІядурлирив, Жапар?

– ХІядурлира, дила узи.

– Биаб хІу викІуси, ХІямадар.

ХІямзатла гъай таманбиубмад, курлизи къачагъли ганзи гъабатур...

* * *

БекІ нукер Чамсулли хибти хабуртани РяхІимхан бекІлил разихІериб. Къачагъунала урда хІебаргни хІебаили, илала марси нукер Табжира кавшилри: Заурбегли ил Чандула шилизивси дяхънушачи ваахъилригу, верцахъес хІебикили, таманкайублири.

Бургира къухІкадуцили, хатІализи бикили, танбихІличи хІерти никІа дурхІниван, Чамсулра Заурбегра уцумила гъалаб тІашлири.

– Нуни хІушачи дирхала бихъибсири, мархІебарирая. Гъанна сейкІусира ну Гъазагала талхъайзи? Чевверхи, дила узи, хІела урши верцахъес хІейубра?

– ХІу араираби, нушала талхъан, пурбанбара умцІлаби сагадарахъес. Ну вирхула, бургахІе илди кІикъяшан жанивартала урда, – иб бекІ нукерли.

– Бургули вегІ леври... Ит хІу ваибси вацІала чедибси музаличи гІяскар арбукес вируду?

– Вирус, хІурматла талхъан, илди мер-мусала сурат дила хІулбазиб кали саби.

– Чи сайри ил, хІед мутІигІхІейубси къачагъ?

– СалихІбек? Амирчупа тухумлизивад хІейиши?

– Юх, дила талхъан, ил тавлу сайри, гьарахъси махъилизивад вакІибси.

– АрагІеб гІяскар бучес бажардиикили валан ил бекІбяхъ Амирчупан?

– Викили сай. ИлхІелира сунес марти, жан дедес хІядурти къачагъуназибад.

– Къачагъуни нушала душманги саби. Илдачи уркІецІи-ряхІму диэс хІейрар.

– Нуни ил секІал балулра, дила талхъан.

– Балули виадли, чеббикѳбти бургъантала гѳскарра барх букили, дуравхъен илди мер-мусаличи. Ашкарли, илди улгу-миналичибад гъарахъли хѳебургар къачагъунала урдара.

– Хѳурматла Ряхѳимхан, гѳскарлизи сецад бургъанти бучиша?

– Хѳед сецад биура?

– Даршал бургъан баибтири.

– Даршлим шуѳали-дигара арбука, амма къачагъунала бекѳ Амирчупан миѳѳирли яра вебѳили набчи ваахъа.

– Бирар илкъяйда, дила талхъан.

Чамсул дуравхъес дигули левли, уѳумичи икрамличил нукер Заурбег гъамиуб.

– Хѳурматла Ряхѳимхан, пурбанбара набра Чамсулла гѳскарлизив виахъес?

– Юх, Заурбег, хѳед дила цархѳил хъарбаркъ леб, – иб уѳумини, къуллукъчи жирули. – Хѳечи хѳерли Гъазагала талхъа вакилти леб. Хѳу илдачил варх гѳскарлис гъалав дуравхъен, цархѳил гъуникад. Хѳушала мурадра къачагъунала урда баргни саби, гѳур биалли иличила гѳскарла бекѳлизи, хѳела юлдаш Чамсуллизи, багъахъни. Аргъирив?

– Аргъира, дила талхъан.

Илди гъайбикѳули лебли, уѳумила тавханализи ѳѳурмигѳя махъилизивадси Тѳалхѳятра Дибга гѳялизивадси Зелимханра абаѳѳиб. Талхъайс икрамра барили, унзала гъалаб тѳашбизур.

– Заурбег, хѳера, илди хѳела клел балликъянара. Чѳянкѳли илди хѳяннибачил ва къалхантачил бегѳбара. Хѳуша анхълизи гѳинѳби далѳѳахъес дурхъули ахѳенрая. Амирчупа къачагъунала дугати ургни лерти сари...

* * *

Гъанарси анѳѳбукъли къачагъунала бекѳ Амирчупа дагърилизибад держлара хѳехъбси гъанкѳлара асар кѳунбаѳѳахъиб. Илала гѳякълу бамкъурси хѳеркѳличи шурбухъун, цаѳун хѳули илѳадра вякъбизур, хѳятта дурабикес хѳядурлири.

Ясиртас кабатурти клелра къараулла бурги чердахъяхъиб, илхѳелира гѳясидеш бячлес хѳейрули, сунела гъала къукъмусикибси бекѳ нукер Батайра кавшес или халжан ахъбуѳибгу, цархѳил гъанбикли тѳашизахъур. Вяхѳлизи ванѳѳухъи, Батай къакъличи геризахъур.

– Хѳярамзада! Бархѳехълис илди агарли чарухъадли, гѳур дунъяла шала чехѳебиид!

Шала таманни пѳякъдикайчи къачагъунала урдализибад гъаббухъес бажардибикибти Хѳямзатра, Жапарра, илдас икъалабарибси Хѳямадарра катругси бяхѳкад дуѳѳбухъун. Галгубани дерхъибти чумал аварагра биштѳаси хѳеркѳра ахъиб. Берхѳи дунъяличи хѳербизес хѳядурбикѳухѳели, илди зумаси ваѳѳализи мурхъбикес бажардибикиб. Илабад илдас башес къиянни биалра, урехи камлири: сеннира къачагъуни гѳергъибиркни ашкарси анѳѳбукъ сабри, аммаки илди гъарил къада булан ахтардибарес бажардихѳебирки. Гъаббухъунти хъурали сабхѳели, къачагъуни ябначиб биънира аргъеси сабри.

«Нушаб хъумартес асухѳебирар гъарахълир чедиути дубуртачидяхѳи дашес гѳягѳнили биъниличила», – буриб, Хѳямзатлисра Жапарлисра гъуни чебиахъули, гъаввашуси Хѳямадарли. Клелра юлдаш хѳилхѳи илис гѳебѳиулри: дерхъибти тѳлурбикад ганзикѳес ва дуѳѳикѳес Хѳямадар ваѳѳала гѳямрули

бурсиварилри. Илала дурабадра, ясирбуцибти илдалайчибра ХІямадарла азадешличи гъира гъатІира имціали сабри.

Къадала дубла дурабулхъуси, чІянкІли сирмугла къадубани берхъибси биштІаси ваціализи баибхІели, ХІямадар тІашизур. Зумаси къада чеббикІили, илала уди кайиб, юлдашунастра кабахъес маслигІятбариб.

– Гъуни удиб саби, къачагъунани ишгъуна биштІаси ваціа къяйціхебиру, – иб илини, буркъа валчагъла кисализив халтІулхъули. Илабад илини чабала бергараг дурасиб, гъаргбариб. ХІяжланкІила бехІціарира хъатгъуна гІяшра лерри.

– Дила узби, камси бисмилла бирехІе: гушти кунбани нуша гъарахъ архІекура.

– ХІямадар, хІу гІяхІил пикриухъири, чІямбаресира барх касес багъурли, – иб ХІямзатли, хІяжланкІила бехІціари кавдули.

– Гашила къалли авара агара, ишди мер-мусаличирад гъарахъдикес бикалри, – Жапарлира бехІціарила бутІа касиб.

ХІямадарли чучи бяхІчиси дубурличи някъ гъабатур.

– ИкІ ГІяйхъула дубура саби. Иличи черяхІяхъес бикалли, тяништи улгу-мина гъаргдирар. Нуша аркъуси мерра гІячихъбирар.

– Къачагъуни ила хІякъяну?

– ХІякъян или викІес хІейрус, сенахІенну ГІяйхъу дубура илданира балуси саби. Илаб ца гІяхІдеш леб: дубурла хъариб халаси гІями леб, мурхъли ванзала бухІна аркъуси ва иникъ бетатурси. Заманалис ила дигІяндикес дирехІе.

– Илди бекІбяхъунира гІямилизи абаціалли?

– Абаціаллира, гъамадли даргес хІебирар: иникъла бухІнаб гІями хІябкъярякъбиркуси саби...

– Иларад гІур дурадухъес бажардидиркехІев?

– ДиркехІе. ЧердалкІахІелли, тІярхъилизирад катхІел аркъехІе. Ил ГІяйхъу дубурла гІелабси диркъаличи дурабулхъуси саби.

– ХІердикІехІе...

Урчала гудуръала чедихесдяхІиб. Илди челис-че гъамдикІулри.

ХІямадарли калунси бехІціари ва гІяшла бутІа сагали чабализи ласдариб ва валчагъла кисализи дигІяндариб.

– Гъари, лехІ, узби...

Батайла мурдабала халаси ахІенси гІяскар гъалли сирмугла къадала удибси дякъличибад къалабали шалгІеббухъун. ХІямзатлисра Жапарлисра тамашара бизур: саби хъурали гужли аркъуси дякъличибад къачагъуни мурдали гъайбиублири. Илдас чейгути къялубала селрацад урехи аги.

Урчала гудуръала гъарахъдикибхІели, ХІямзатли иб:

– Гъу ганна се бирехІе? ГІярмиван сирмугла къадализи дигІяндикили дуутирав?

– Даширая, – иб къантІли ХІямадарли, харчилзули ва тІяхІикІули удибси авараглизи кайціули.

ХІямзатра Жапарра, илис гІелахІебикес или, хъярхъбикиб. Авараг таманбируси мерличибад ГІяйхъу дубура бехІбирхъусири. Илабад лаг сабри, лагра ибхІели, къянкъубачи биуси, къаркъубар, чІянкІси. Илар шуркъла къадуби ахІенси, цалра галгара бугаги: илбагъандан гъарахъливад хІерикІусини илди гъамадли чебаес вири.

Байхъу дубура хІехъили лебай, ХІямзатра Жапарра гІелакабикиб, ХІямадар

биалли гъачамличив гъачам лесла удиб аждагъаван аъбяхъибси шурмала гъямиличи гъамирулри. Ил тІашизур, юлдашуначи ласяхъиб.

– ТІашмадилзадая, яхІбарая, гъанна гъями гъарахъли ахІен! – жииб илини.

ХІямадарла гъай тамандиубмад, къачагъуни шалгІеббухъунси гъунчир тІама-гъама адердиб. Гур, урчира ласдарили, дякълчиб гІелабяхІ чарбулхъути вайнукъябала тугъ дакІубиуб.

Дубурла хъарир къачагъунани рябхъдарибти урчи тІашаиб, тІяхІ-тІяхІбухъи, илдира дубурличи абицІес бехІбихъиб.

– ВеГІебш, нуша илдани чедаилра. ГІелабяхІ чарбухъи саби, гІергъибикили саби, – иб гъеркличиикибси ХІямзатли.

– Чедаилихъар, гъамадли иша хІебиур: илдалара дуклума агара, – ХІямадар чевяхІихъес даимиуб.

ХІера, илди хІябалра шурмала халаси гъямила гъала баиб. Гур илдас пикрибикІес замана аги. Къачагъунала гІяскарличил дергълизи кабухъесра хІебири: Я ХІямзатла я Жапарла някъбазир ярагъ аги, ХІямадарла сарри ургидергара вайлиуб ханжалра лерти. Къачагъунани илдала аги гъамадли ибги.

ХІямадар гъаввашули иникълизи ацІиб. КІелра юлдашра илис гІелабад цІябси гІямикад хІулихІясибли батбихъиб. Рах-магли гъярцІидикибти мерани лерли диалра, гІямикад тІашли вашес лебри. ЧІянкІли кабцла дабрили гъамадли дургути диштІати къаркъуби сарри илдас диргаладулхъути, къардбулхъахъути.

– ЦІаликъ биалри, – иб Жапарли, гъаввашуси ХІямзатла вайлиубси хІяба бурцули.

– ЦІаликъ асухІебирар, дила узи, – жаваб чарбариб ХІямадарли. - Шала хІясибли ва гавла тІем хІясибли, илдас нушала къел дучес гъамадли бирар. ДекІархІедикес багъандан, цализи ца даси гъуни даимбирехІе...

ХІябван цІябли, чебиуси агархІели вашес-декІар гъамадлирив? Шурмази чейгути бурги зявли дучІулри, цацахІели илди къардбухъи кабиркулри, хІябци гІямила бяхІличи хъутрира чедяхъили, гъигъбатес тІашбилзулри.

ДахъІиагарли гІеларад гунзрала тапаръалара тІама-гъамара дакІудиуб, камси гъатІи цІаликъунала шалмира цІилцІилдулхъесдяхІиб. ГІянручІ гІергъибикибти къачагъунани, ашкарли, цІаликъунира дарх касили бииши, гъанна гІямилизи абацІибхІели, гІурра адалкахъи сабри.

– Се бирехІе? – шивкІивухъун ХІямзат. – Илди гъамадли гІеббиур, нуша гъарахъдикес бажардихІедиркехІе.

– Гъари, ишадяхІ, дила узи, – ХІямзат, някъ буцили, ХІямадарли сунечил варх ца шайчи витІакІахъиб. - Ишаб ца гІурра гІями леб, цархІил шайчи ласбулхъуси. Нушала игъбар биалли, илди бархъкабизурли аркъян.

ВецІал-вецІну шура ганзлацад гъуни ахъибхІели, ХІямадар тІашизур.

– ГІелабад лябкъутала гунзри иргъули ахІен.

– Я цІаликъунала шала агара.

– Ил гІяхІси саби: къачагъуни гІямилизибад дубурла удибси диркъбикличи дурабулхъан...

– Дура къалли бухъес, гІелабяхІ чархІебухъалли? – вас-васъайчил хъарбаиб Жапарли.

– Дила пикрили, чархІебулхъан... Илдани къячІикІличиб иш гІями лебни пикрихІебариб. Пикрибаралра, чили бала, ванзала удир ишдигъунти гІур чум лерал?

– ЛергІер мурхъдикнира наб гІяхІбилзули ахІен, – иб ХІямзатли, – сенахІенну иш гІями дубурла удибси диркъбикличи дурахІебулхъуси бэсра асубирар.

– ХІу вархъли викІулри, ХІямзат, къячІикІличи чардухъни къулайли бирар, – ил гІевуциб ХІямадарлира.

– БамсриихъехІе... Дахъ къалабали гІеладяхІ чардухъесра асухІебирар...

Илди цаличи ца гъамли хІябци ванзаличи кабииб. ЦІябдешлизиб селрацад чебиуси аги. Илдала дурестира хъар-хъардаэстира лерри: ХІямзатлисра Жапарлисра гъанна вархкъя ветаурси ХІямадар, къачагъла у бихули виалра, зулмукар хІейъни, сабигъуна гІядатла дубурлан виъни гъачамличиб гъачам якъинбирулри. Илини дерцахъилри илдала ханжа бехІлизирти жанра.

ГІяхІцадхІи лехІкахъили гІергъи, ХІямзатли иб:

– ХІямадар, хІу гІядатла къачагъ ахІенри... ЧІянкІли сен-сен иргъуси ил зулмукар Амирчупа урдализив ветаъни?

– Дила узби, мабакІаб хІушачи набчигъуна балагъ... Я Амирчупан я илди вайнукъяби нуни балути ахІенри, я багъес хІейгахъира. Илдачил гъалмагъикес пикрира лебси ахІенри. Балагъли, гъанагарси балагъли ну илдачи вяхІягахъибсира...

– ХІед бурес хІейгули виадли?

– Юх, юх, бурис... Ил хабарра, бархъли бурасли, дила яхІагардешла, усалдешла хабар саби... Дила узби, сецад мискинни хІериублихъар, нура уздантала къамла сайра. Вабаъла изай бегІти жявли арбухили, цІуръали, гъаргли-гушли халакаира. Чуйнара чебуркъиб, хъали-хъайгІи вашули, урезила цІали игулихъар, къацІла бутІа тиладибарес, урхІла ламус чекасес. Дуразла гІели буцес виубмад, хъубзарли узес вехІихъира. Ну-вегІти унци, дукІ-дураз аги, хужаимтала ваяхІ ижаралис сайсули, узира. Вайхъу гушли, вайхъу гъаргли жагъдешла унабурхІ ахъира. Ца гІяхІдеш, бекІла чедиб дудешла эскибиубси юртла бурх лебнира. Ца бархІи пикриухъунра: «Иши рягІят хъубзара сайли лерил гІямру шалгІердухъес асубирар. Шакдеш агарли, къацІлисцун узули. Дила зиланти, давлачевли хІебиалра, саби-бегІти хъалибаргуначил хІеркабирули саби. Наб асухІебирусив гІямрула илгъуна бутІа биахъес?..»

Гъарбизур. Дила уркІи аргъибси мискин пакъир шан рурсиличи хъайчикайира. Нушаб мекъ-сяхІбатра хІедиуб, шилизивси маллази магъарра дихъахъили, дарх хІеркадиубра. Къудратла вегІли нушаб урши-русира гиб. Сепайда...

Ца бархІи нушала унраличивси ухъна ХІяйдарра нура шилизивси хужаимла хъумачир далцули къаршидикира. ХІерейс, дамсурли галгала дяхІцІилиу къацІбарес кадиибхІели, ухънани иб:

– ХІуни балулрив чила хъу сабил гъанна нушани балцуси?

– Балулра, – викІулра, амма хІергъули, сен ухънани ил суал хъарбиусил.

– Хужаим Асхарла ГІялила ахІену?

Ухъна хъубзара бара пишяхъиб.

– АхІен.

– Ил цархІил давлачевлис бицес бажардикилив?

– Юх, иш хІела хала бегІтала хъу саби, ХІямадар.

– Дила бегІтала сен-сен биэс бируси? Нуни балухІейчибад Асхарла ГІялила биалли? Гъар дус нуни балцусира саби.

– Эгъ, урши, хІуни хІебалад. ХІела хала бегІтани Асхархъалас хІябал

дуслис ижаралис бедибси хъу сабригу, гІур чархІебариб... ШаригІятла гъуйчибси къалпла кагъарра белІахъи, чусбариб. ИтхІейчирад гъанна хІябцІали дус шалгІердухъи сари...

Ухънала хабар уркІилизи занзиван атІун: «Эгер Асхарла ГІялини наб бузахъес хала бегІтала хъу пурбанбаралри, иши урцІакабиубси яшав циила гІяхІбухъишигу, хъалибаргла ицІайгІяла камкадири. Къиркъир давлачевли хъу чархІебирни къалли багъеслири, илкъяйда бузахъес разиикалрира, вайтІа хІебири. Сунес сабухъла ца бутІара гъар дус лугира...»

Ил гъанбикли дила хъуцІрумачир дуклума дакІахъибсиван кабизур, сепайда, дуклумикІун дахъ назикти сарри, илдани мажахІят ну гъаваличи арцанван ахъуцес диши.

Сен биалра, чумал бархІила гІергъи Асхарла ГІяличи гъаввакІира. Дила хабарличи ил велкъунси халахар ришхантличил пишяхъиб, гІур, «Вашен дила юртлизивад!» или, гъавяхъира.

ДецІагиб. Дила хала бегІтачив чевдукаряхІибси хужаимличи халаси гъими акІуб. «Хала бегІтала минала белгІуси ванза сунесбарила сай. Илцад сай вегІси мулк леблихъар, илис биули ахІен. РягІят хъубзури гашазибад улхули биалра, илис авара агара, сай велкъи, сунела хъалибарг нерхлизиб кІуцІулван биалли. Илкъяйда асухІебарар! ЧевяхІси Аллагъли дунъяла адамтас сунела лебдешла бутІа барибси саби... Юх, ну иши битибси житаван хІерли хІевъус!..»

Ва атхІебличил, гІегудилис кам-гъамти мяхІярра сасили, ил хъу бегІес пикрибарира.

Агъ, дила узби, ит бархІи! хъумартес хІейрус... Урчиличи мурдали ухъна Асхарла ГІяли гъаввашули, кІелра уршира къуллукъчибира гІелабад бикили, илди дурабикиб. Чебухъи гІярчумагунани бирхъули, къагъварира ва хъула дубла вебкІахъес лайкакІира. ДегІес хибти мяхІярра чус ардухиб...

Асубири, илкъяйда гъар секІал таманкадиэсра, яшавличи хъулли дакІахъибти дила хъуцІрумачирти дуклума чердикили, нура паргъаткайэсра, эгер ил дуги ухъна хужаимли сагаси бяхъ чехІегахъибси виалри: чевсаргъили ну чарухъайчи, илди жанивартани юртлизи цІадушилри. ЦІалира гавлира хъалибарг гІяндбикахъиб, бегІтала юрт палдаличи шурбухъахъун...

ХІязлис ахІенра наб ну «яхІагар», «усал» гъабза викІуси. ХІейубра ил балагъ набчи бакІахъибси цІудара душман Асхарла ГІялис чеббицІес. ХІебалас, сен илкъяйда бетаурал, итди кахти бархІи-дугилис гІергъи уркІилизи пикри дебакабиуб: «ВебкІес, дунъяра бархъбатурли, хъалибарглис гІергъи ахиратлизи арукъес... Наб се леба гъанна иш ванзаличиб? Душманти агарбаресра дила ахъри агара, цІахдешлизив хІериубли селис гІягІнили?...»

Баргили гъаяра, тяп ит минала бегІтала хъучи вакІира. Илаб сабицун тІашси хъярла галгала къялиличи гъая бигъунра. Хъябличи булра чебушили, гІяндикес хІядуриубра.

Рахли, ванзализибад дураберхуртиван, урчила хІябал мурда дакІубухъун. Илдала ца шявчебси хІулила вегІ викІар:

– Илцад вебкІес дигули виадли, нушани кумекбирехІе.

Нуни дубхІехъира.

– Эй, ХІямадар! ХІу се мурул адам сайри? Убкаса хъябличибси гъаяра, гъамии нушачи!

Набчи хІерли илди бахъхІи кахІелун. Гъамбиубли, илдани дила хъябличибси гъая убасиб.

– Дигулрив хІед Асхарла ГІялис чеббицІес? Ваши нушачил варх!

Илкъяйда, дила узби, ну Амирчупа къачагъунала ургав ветаурра. Ил дуги илдани Асхарла ГІялила мас хъямбариб. Нуни биалли гІямрулизиб бегІ гъалаб цаибси зулму дураберкІира: хІила душман кавшира...

– Нуни аргъес вирули ахІенра, хІу верцахъибси Амирчупайчи къаршили гъанна дуравхъни? – хъарбаиб Жапарли.

– Се бариша, дила узи, итди кахти бархІи-дугили ну къачагъуначи ваахъилихъар, кІинайс аргъира: илди дила гІямру ахІенри, я хъям-къацІ, я кабурушу-бирхъути дила гІабигІяитличи хаста ахІенри... Дирхаирая, гъар дуги муэрлизир чейира урла гІямру, хъубзарадеш, ну акІубти улгу-мина...

– ХІебиалли, ХІямадар, хІела шилизи чарулхъаду?

– Шукру биаб аллагълизи, илгъуна къасли ну хІушачил варх ветаахъурлира.

– Ил Асхарла ГІялила тухум-агълу шилизиб кали ахІену? Илдани хІу валтари или гъанбиркулив?

– Гъанбиркули ахІен... Аммаки, сегъуна танбихІ набчи хІерли биалра, чарулхъас, чекайсис душмандешра. Шилизивад дуравшасли, кахІевшили каласли, хъубзарала санигІят гІурра даимбирис. Чинаб-дигара. БелгІуси ванза чинабалра камХІебирар. Наб илкъяйда дигулра. Ца дус биалра, ца баз биалра, ца бархІи биалра наб къадарси, ванзаличи гъамли дигулра.

– Ге, хІед гъамадли хІебирар, – иб ХІямзатли. – Ягъари, ХІямадар, ваши нушачил варх. Нуни дудешличил, нушала Гъазагала талхъайчил, ихтилатбирис. Дила пикрили, дудешли хІела аги иргъу, къабулирури. Нушала дахъал гІяяби-махъурби лерти сари, хъубзурира гІягІнити саби. ХІед къукъабхъеси мер камХІебирар...

– Баркалла, ХІямзат, хІуни бурибсира пикрибирис... Биалра, гъала-гъала наб дила шилизи чарухъес дигулра...

– Гъу, ванзала удир вацниван сецадхІи дуутирав? Дурадухъес замана хІебаилив? – хъарбаиб Жапарли.

– Гъанна хІу викІуси баресра замана баили саби, дила узи.

Илди саби гъалабван ласбухъунси къячІикІличи чарбухъун, гІур ванзала удибси гІямикад катхІел батбихъиб...

* * *

ГІяйхъу дубурла удибси диркъбикличи, тІярхъиларад вацниван, верхІел къачагъ дурабухъун. Илаб гІями зумали берхъибси гІиччутІрала къадуба дигІянбирулри.

Къачагъунала халал Батай, хІялумцІули ва адамтала къяшмала къел чедаэс хІейрули, чуйнарил гІямила гъалавад вет-садухъун. ГІур, гІашизурли, сунечи аъбхъибти къачагъуначи вявухъун:

– Селичи хІерлирая?! Чинаба гъаббухъунти?!

– ХІурматла Батай, нушанира селра аргъес дирули ахІенра. Чилалра я къел чедиули ахІен, – иб ца къачагъли.

– ХІебиалли, хІерли дуутирав? Балулрив, илди гъарахъбикес асубирни?

– Балулра... Чидил дякъличибад арбъкъунал багъес гъамадли ахІен.

ИтатИбван, аварагла чедиб, гIурра вацIа саби. Ца кьяшла дякъ ила аркьюлира саби...

– Хиу араираби, Батай, дила пикри цархIил саби, – гъайлизиахъиб цархIил вархкья. – Илди гIямилизибад дурабухъи ахIен, илди илаб кали саби.

– Сен или викIулри?

– Дила гъанбик илгъуна саби...

– «Гъанбикунира» хIушара! Се гъай сари? Белгили балуси адам агара!

– Дубурла бухIнаб кали биалри, нушаб кършибирки, хIурматла вегIбекI, – сагали пикри аргъахъиб цаибил къачагъли.

– Илди вас-васъайзибад нушаб маслигIят агара! Амирчупа гъала дацI някъбачил чардухъес дигулраяв? Ясиртала мерлар хъитIаличи нушала бурги кархъехIев?

Цалипра дубхIехъиб, мукIурли бурги гIяшдуциб.

– Ит бяхIчиси вацIализидяхI! Абикиб къуллукъ!

Къачагъунала биштIаси гIяскар, аварагра ахъили, вацIализи бухIнаберхур. Илди къалабали сабри. Сахъли алав-гъалавра хIерра билзули, гъачамличиб гъачам вацIализи мурхъбиркулри. Гъарилла някъбазир цIацIадарили урги-дергара лерри. Гъанна илдас чула халал Батайла амру ясирти мицIирли буцес ахIенрину, кабушес сабри: илдала жаназуни Амирчупайчи даахъни баибси сабри. Сепайда, хъурали биънили селрацад гъуни ахъес бирули ахIенри. Гъунира сегъуна сабри? ЦIяб вацIализив вашес гъамадли хIебирар. Ахирра галгуби хъяшдиуб, ва уркурлагъуна бягIуси гъуни гъаргбиуб. Илабадра вайнукъябас гъарахъ арбукъес бетхIеур. Гъаввашуси, лебтазивадра бегIла кунксигъуна къачагъ рахли тIашизур, някъ ахъбуциб:

– ХIурматла Батай! Урчила гудуръала чедихули сари...

Къачагъуни тирхъбухъун, гъунира бархъбатурли, мякъларти зумати къадуби-тялурбази тIяхI-тIяхIкабухъун.

– Иши гъарахъли вацIализи башули хIебирар.

– ХIебирар... Сахъдеш барни гIяхIси саби...

Урчала гудуръала челис-че гъамдикесдяхIиб. Илдира ца-чумал урчила ахIенрину, арагIеб илхъи лябкъусигъуна тяхIяр сабри.

Къачагъуни бахъхIи хIерли кахIелун. БахъхIиагарли гъунчиб мегъла къапIначил, хIяннибачил, къалхангачил бегIбиубти бургъантала халаси гIяскар дакIубухъун.

Батайла къачагъуни бекIибтиван шипIбяргIилри: нагагъладан илдазивад цалипра сай левни багъахъалри, чарбарес хIейэси мусибат хIерлири, уцуми РяхIимханна гIяскарли ца гъигъла манзиллис лебилра таманбири.

Юргъа урчиличив гIяскарла халал Чамсул чумал ганзла гъалав сайри. Илис гIелабад хIябал нукер сахъли алав-гъалав хIербикIулри, чула вегIбекIла буйрухъ сегъуна бирарал, хIядурли сабри.

Гъалли къачагъуни къадубази дигIянбикибси мерличи баибхIели, Чамсулли урчи тIашаиб, шуряхъили, нукертас бекI гъакIбариб.

– ВацIала дубличи баайчи гъуни ахтардибарая!

Касдарили урчира, нукерти шалгIеббухъунхIели, Чамсулли гIурра иб:

– Ишаб багълабаралли сен бирара? ГIяскар бамсурсигъуна саби.

– Набра илкъяйда гъанбиркули саби, дила вегIбекI, – илмадан жаваб чарбирули, иличи ца гъатIи занта нукер гъамиуб. Камси гъатIи илини бургъанти тIашбизахъес ва илаб бамсриахъахъес буйрухъбариб.

Илгъуна агилизиб Батайра илала къачагъунира тѳимкълизи буцибтаци мешули сабри. Чус хабарра агарли РяхИмханна гЯскарличи бяхИягили, саби-сабил ясирти бетаурси тяхИяр сабри. Илабад дурабухъес я вацІакад арбухъес сегъуналра имкан аги. Къялуби вяшдухъалри, илди лебни ашкарбири: илбагъандан бируси биайчи хІерли кабиэс чебиркулри.

– Заурбегра илди жагъил тавлумира дакІухІебухъун къалли? – хъарбаиб Чамсулли, урчиличивад кайцІули ва гъунила дублабси хІешбиубси хъитІаличи кайрули.

– Илдацибад селра хабар агара, хІурматла Чамсул. Аммаки, дила гъанбикли, илди ГЯйхъу дубурличи баили бургар.

– Ил дубура къалли нунира балуси саби, нушабра гъарахъли ахІен. ВацІализирад дурадухъахІелли, хІулбала гъала лагбилзан. Се гЯхІдеша? Нушала архІя белгили ахІен: сукъуртиван гъайкадиубли сарра.

– Къачагъунала урдара ГЯйхъу дубурличибад гъарахъли хІебургар, дила вегІбекІ.

– Чили балуси?

– ВацІала ца вайнукъя нушала някъбази викалри, бахъ гЯхІил биишигу?

– Бииши, сепайда...

– Заурбегхъалира илгъуна мурадличил бархъибти ахІенрив, хІурматла Чамсул?

– Сабригу, илдала къаралдлумира чедиули ахІенра. ВегІебш, сукъур архІя саби иш!

– Паргъатии, дила вегІбекІ, къачагъунала къур сеннира бургехІе...

Занта нукерра урчиличивад кацІиб ва, гъаббуцили урчира, гЯскарла халалла мякъла кайиб.

Илди гъайбикІули лебли, лебилра бургъанти гъунила дубкад, цабехІ кабиили, цабехІ хъарбихъи, цабехІ биалли, беркайзи ахъили, гЯйкабиуб.

«Се бируси? – урехилизиб уркІи рурцІулри ва тимхъбикІулри Батайла. – Ишкъяйда дигІяндикили, сецадхІи дуутира? Мурт илабад аркъяна РяхИмханна гЯскар? Белики, гЯскарла бекІли вацІа артардибарахъес буйрухъбарес? ГъанхІебирки, вацІа-къадала «пачяхІуни» нушаб, гЯрмиван къадубазир руржули, диаркадиэс чевкъар или. Гъар секІайс гЯйибла вегІ Амирчупан сай. Гъергъиси замана пикриикІес балули ахІен. ГЯгІнили бурги илди тавлуми, талхъунтала саби или, ясирбуцес? Дихъа тІалаббарес? Нушаб итира баари напакъа лебли ахІенрив? Ахмахдеш ахІену? Амирчупан левгІев хІясадкар ветаурли сай. Лебдеш биули ахІен. Лебил дунъякІун сунесбарес хІейрар. Гъанна нушала вацІализибси паргъатдеш буи саби. Илди хІябалра ясирла Амирчупай заманаличир бурги чердяхъибти диалри, гъар секІал гъунчидикили дирутири. Я РяхИмханни нуша агардарахъес ишцад гЯскар хІебурхъи. МехІурдеш саби, валлагърагу, мехІурдеш саби!..»

Шимла галгала сурбухъунси къяли ахъбиуб. Иларад Батайла кумекчи къачагъла дяхІ гъардакІиб. Илини вегІбекІлис сунес гІергъи вакІахъес някъли лишанбариб.

Илмадан Батай хъусухъун. Ганзухъуни детаурти чумал гІянжукъра ахъили, чІянкІси сиртличи ваиб.

– Се барес къас саби? – хъарбаиб илини гЯшли.

– Дила вегІбекІ, ишарад удибси гъярбиклизи кадацІахІелли, нушаб гъуни гъаргли саби, урехи хІебирар... Гъардухъес бажардидиркехе...

– НушакIун гьардухьиша, къадубазибти юлдашуни? Илди лайбикIехIев?
– Илди гIяскарличи лебгIеб гьамли саби, илдас вяшбухъесра имкан агара.
– Юх, илкьяйда асухIебирар! Юлдашуни лайбакIес асухIебирар!
– XIу вархъли сайри, хIурматла Батай, аммаки гьатIи се барес вирусил,
балули ахIенра...

– Пикриухъен, хIелакIун гурдалагъунти гIямулти лерти сари.

– Юлдашунира ишабаяхI бакIахъес лишанбарасли?

– Бара, чIянкIли мяхIкамли...

Батайла марси къачагъ сагали вацIала ухIнавяхI хъусухъун.

Тяп ил манзил Чамсулла мякьла кайибси занта нукерли, се бирусил хIебалули, гьярцIа мурчIра касили, гъунчирти кIари ита-ишадирхъулри. Хапли илала хIер гъунила чедибси мяхIяулла берхъибси къадаличи бархъбизур. Илдани чебаиб, секьяйда ванзаличи чекадаибти мяхIяулла къялуби вяшдухъунал.

– XIурматла вегIбекI! Гъари, хIеръа икI мяхIяулла къадаличи. Къялуби вяшдулхъули ахIену?

– Сари. Дугелибуг-мага сунела пукъализибад дурабухъи хIебиалли?

– Дугелибуг хIерели дурахIебулхъан.

– XIу вас-васикIусигъуна сайри? Ахтардибириду?

– Бирис, дила вегIбекI.

– Дугелибуг някъ-някъли буцес дигули хIейадли?

– Юх, някъ-някъли буцес хIейрар, – нукерли хъуцIарличибад урги-дерга черахъиб. – Дугелибуг вайтIа къацIбашуси жанивар саби: гъачам илини буцибси, бикIар, гьамадли батхIейу.

– Гъари, сегъуна лишанчи сайрил...

ВахъхIи пикрихIейкIули, нукерли мяхIяулла вяшдулхъути къялубачибяхI урги арцахъур. Илмадан илабад чехибси кахси чIярла тIамали вацIа чебаргъахъиб. Гъанна бикайчи бекIибсиван лехIкахъибси вацIа мицIирбиуб.

– Къачагъуни! – вьавъяхъиб Чамсулли, чIяхIбарили шушкIара, лагвъяхI ватирхъули.

Бамсриихъути бургъанти харчбизур, зянкъярдикIахъули ярагъра, гIяскарла бекIлис гIергъи батбихъиб.

ДяхIчити къадубазирад ургни шятIдухъун, гьаб-гIергъили хIябал бургъан ванзаличи гербизур.

– Муза алавбарес! Илди гъарахъ арбукъес хIебирар! – буйрухъбариб Чамсулли.

ГIяскар къукънадбикиб. КIел къукъяли балуй ва алгъай шалубачибад шимла галгубани берхъибси музаличибяхI гъужум бехIбихъиб. ЦархIил къукъя Чамсулли сунечил барх арбукиб...

Илаб буресцад халаси дергъ кахIебикиб. ИмцIаливан тIама-гъама сарри вацIала духIнар гIер-гIералгъути. Шимла галгубала музаличира баахъес хIебатурли, шел къачагъ игъубти ургнани къядгначи мешубикахъиб.

– Сепайда, ишдазивад цалра мицIирли уцес бикибси биалри, – викIулри Чамсул, кабушибти къачагъунала жаназуни хIердирули.

– Илдицун сабрира, дила вегIбекI? – вас-васъала чехиб нукерла.

– Набра илкьяйда гъанбиркули саби. Гъаббухъес бажардибикибара?
– Багъес хІейрар... ВацІа цахІнаб чедибяхъира, гІур цалра къчагъ хІергира.
– Нушалара кабушибти-бяхъибти лебли ахІену?
– ХІябал бургъан таманкабиубли саби, кІел бяхъибтира леб.
– ГІяхІси ахІен, гІяхІси ахІен, – тикрарбариб Чамсулли, пикриулхъули. – Я селра белгихІебиуб. ХІязлис ахІенри ну хІушази сахъли диахъес махикІуси... ХІялумцІахъес бархъибти чархІебухъив?

– Леб чарбухъи, дила вегІбекІ, аммаки илданира селра сагаси хІехиб.
– ВегІебш, гІяхІси хабар аргъес агара! Се биру, нушала чебла ламусличил ахъес чебиркур...

ВацІала бухІнабси байла къадубани вахбаршибси гъярбикра ахъили, Батайра цайли ца калунси илала марси кумекчи къчагъра ГІяйхъу дубурличи баэс къалабали сабри. РяхІимханна гІяскарлизибад берцес бикили биалра, жявилл урехила мер-мусаличибад гъарахъбикили биалра, илдала гъигъбатесра тІашбизес къас аги. Гъар гІелабяхІ ласбяхъибхІели, илдас гъанарулри: «ХІеръая, итди! Итабад аркъули саби! Буцай ва бяхъя! Кабушая къчагъуни!..»

Сеннира адамла къуват кахІеберхес гІямал агара. Чус гІергъибикибти бугагни аргъибхІели, илди тІашбизур, зурбаси хивла галгала гІела дигІянбикиб.

– Дила вегІбекІ, вацІа кабурхули саби, ГІяйхъу дубура гъарахъли ахІен, – иб нукерли.

– Илизибад халаси кумек хІебирар: нушаб, вацІала адамтас, чІянкІси майдан ахІен хІяжатси, зумаси вацІа саби нушала гъалмагъ.

– Дубурличи даэс бажардидикишара?

– ДубурличикІун даиша, гІур се бирехІе? Нушала урчира кІелра юлдашра ГІяйхъу дубурла гІелар диалли?

– ГІурра гІямилизирад ардукъяхІелли? Илар чилилра хІедургура...

– Вари, вари, ил гІяхІси пикри ахІен, илди байтарманти бархъли гІямилизи бухІнабулхъан. Дубура алавбирехІе.

– Дила вегІбекІ, ил гъаргси гъуни саби. БажардидиркехІев? Нуша – хъурали, илди – мурдали...

– ДиркехІе... Дикес чебиркур, – сенрил умутагарли дурабатур Батайли.

Авараглизи дурабухъунти кІелра къчагъ чула мина-мулки бетаурси вацІали ил агилизиб лайбакІибтиван сабри. Къагъдиубти жанивартиван илди дубурла уди дурабикиб, се бирусил хІебалули, гъала-гъала гІямила гъалаб бет-садбухъун, гІур илабад ласбухъи, дугІла жанивартани кабердибси дякълчибад батбихъиб. Дубура алавбарес гъамадлирив? Гъуни гъарахъси сабри, илала дурабадра, къяшла дякълчир шурми-къаркъуби ахІенси, шуркъла къадара аги. ХІеризурсини илди хъатлабван чебаэс вири.

Гъалабван саби дурабухъунси гІямиличибад селрацад гъарахъхІебикили лебай, къячІикІла гІелабад хапли урчала хІябал мурда дурабикиб. Батайли аргъиб, илди сихІрула хабарлизибти нартаниван илаб дакІубухъунти хІебиъни. Илдани рябхъдарибти урчази саби ганзбарахъес пикрибарибсиван бизур.

Батай, дякъра бархъбатурли, чедирти шурмачи чевяхІикес бажардикиб. Аммаки илала кумекчи-нукер, хІябалра урчили ганзварибхІеливан, ванзаличи герухъун. Я айзес я ханжайчи ухъес бажардихІейкили левай, илала бекІлизи

ца жагъил мурдали мигла халаси тІерхъали бяхъиб. Пашбехъубси бекІличил ил левси мерличив, жайчил ургъули, даргъарухъун.

– ТпалхІят! ХІеръа, икІ вайнукъячи!

Урчира дархъдатурли, ханжултира чІяхІдарили, хІябалра юлдаш Батайлис гІергъибикиб. Къачагъ цІакълири. ВебкІесра хІейгулри илис. Лусентазиб акІубси ва хІербиубси пурс къяцаван тІяхІикІули, ил шурмала чеди айцІулри, гъачамличив гъачам гъарахъиркулри.

– Заурбег, ихтиярбара илис урги гІеббаахъес? – хъарбаиб халаллизи гъеркличикибси Залимханни.

– АсухІебирар! Нушаб ил мицІирли уцес гІягІнибиркур!

Батайла къаралди шурмазиб бетахъиб. «Къачагъуни сихІру дархтив гъари? Яра чІакниван арцесра бирутив?» – гъимили рурхъулри Заурбег.

ГІергъисигъуна шурла къасиличи чебяхІяхъибти хІябалра гІергъибикибти чебаибси анцІбукъли кІайбизахъур. Къачагъ я сихІрула хабарлизивван ветахъили ахІенри, я чІакаван арцурли арякъи ахІенри. Шурла лацличи къакъбарили, урги-дергара някъбазир хІядурдарили, илдачи хІерлири. Гъайгъай, шурла ил къасиличивад гъатІи лагвъаІ ацІес мер аги. КІелра шайчир лусенти сарри.

– Нажасуни! Батай хІушала някъбази хІеркни хІебалулраяв?! – иб ахъли илини ва урги-дерга тямхъбариб.

Ца ганзлацад гъалавси ТІялхІягла тІерхъа чІумабарибси някълизи урги атІун. Батайлис сагаси урги касес замана хІебикиб. ДуцІли чеветаибси Залимханни илала сурсличи ханжа бехІ чебуциб.

(Хъарахъуд – гІурла номерлизиб)



**Хадижат
ХІЯБИБОВА**



ЧАРБУХЪНИ

(Хъарахъуд)

Къачагъ узикъар увведибхІели, органтазиб Хаинутинничи бирхауди имцІабиуб. Илала урус хъунуызивадра урши акІуб. Цаибил хъуна дурхІнира Верачи башули, илини бучІахъулри. Хаинутин хІякимдешлизивра ахъиуб. ШуцІали ибти дусмазив ил колхозла председателъли узули калун. КІелра хъунул Хаинутинни гъар-се секІайзиб гІеббурцулри. Цаибил хъунуй илизи ибсири:

– Ну гІядат хІясиблира шаригІят хІясиблира хІела хъунул ахІенра. Дила гъалаб хІуни хъуна магъарличи хъя барри, къачагъунас ламарт хІебирис или.

– Нуни къачагъунас ламарт хІебарра. Къачагъуни уббедни ламарт ахІен, игитдеш саби. Нуни хъя барибсира хІела магъарличи ахІенри. Верала магъарличи сабри.

Хаинутин, уреси-урехи агарли къачагъ къяйда, гъинчІизур.

ГІяшурала илхІели авал дурхІя акІубли лебри, ца – канилавра. Верала сегъуналра магъар агни гъарилли балулри. Магъар дихъес гъалаб бусурман дин къабулбарес гІягІниси саби. Верани ил хІебариб. Адамти декІар-декІарти бирар. Илди хІябал бутІаличи бутІес вирар: Аллагъ уркІилавти, шайтІайчи лехІихъути, чичилра лехІейхъути. Вера азадти пикрумачилси, азадси уркІиличилси адам сарри. Сунела уркІилабси чизилра хІебури. Илала дяхІличи хІеръили, ил гІясиллил, разиллил багъес къияннири. ГъайрикІухІели дяхІ гъаман пишдяхъибтиван дири.

ГІяшура, сецад сари къабкъин диъба рукули хІерриралра, Аллагъ уркІилавтази карурхулри. Илала жагадешван гІякъура лебри. Хаинутинна шикъ, гъар ганз далули хъалли, сунела дурхІни ятимбиахъес дигули ахІенри. ЯхІбирулри, сецад гъимидулхъалра. ЦацахІели пикририкІулри: «Иш агарли дурхІни сен-сен абилкъутири нуни?»

– УрузхІейубли, набзи ил гъайра бирулри? – Верала у ахъибхІели, гІясириуб ГІяшура, дяхІ хумардиуб, хІулби къурдатур.

– ХІези нуни гъалабра бурибсири, Вера наб илцад ригули кариибси ахІен, ил наб дебали гІягІнисири. Илини нушаб халаси кумек бариб.

Хаинутин чичил-дигара, сегъунти-дигара мезли гъайикІес баланвиублири. Верази декІарси тяхІярли дурулри.

– Дила хуна магъар жявлил кабушибси саби. Ил наб гЯгІниси риалри, ишар набчил рири. Биалра, дила дурхІни саби. ДурхІначибад нуни някъ чебХейсис. Илди нуни цалайчибалра гЯхІил хІербарес дигулла.

– Бархъси саби хІела. ДурхІни бархъбатес асухІебарар, – рикІулри илизи Вера. Хьунуйчила Верани гъай камти дири.

ГЯшура Аллагълизирад урухриуб, ва Хаинутин сунечи хІешахъанриуб. ГЯшурала дудешла мер-мусаличиб Хаинутинни гІурра хъали бариб. Гъалабла хъа ца шайчи сагали барибси хъулив Верачил хІериулри. Ахирра Верара сунела мер-мусаличи аррукъес хъулрухъун. Хъулрухънила сабаб: сунени Хаинутин гъамли вагъурхІели, гъимидулхъанриуб.

РакІибмад, чилра валхІелуси Вера, Хаинутинни, сунела хъулзира каратурли, гъаман кумекиКули, гІерруцулри. ИлхІели Хаинутинра Верас гЯхІизур, гъайлис риргЯриуб. Илис шери рукъес разирикиб. Гъанна ГЯшурас авара аги, Хаинутин чичил хІериули виалра.

Верани сари аркъни багъахъурхІели, Хаинутинни урши сунечив ватахъес тиладибариб.

– Ил секІал бетхІерар. Ну, урши ишав ватурли, хІерриэс хІерирус.

– ХІу-декІар дугІайуси леву? Руэн хІура, – тиладибарибсири Хаинутинни.

– Ну аррукъес гЯгІнисира. Дила бегІази багъахъурра, ну чарриулра или. Илди набчи хІерли саби, – рикІулри Вера.

– Калес пикри агара биалли, кагъурти лукІен. Уршиличилара балахъен. Уршилизи дудеш, сунела узби-рузби балахъули вяркъя. Диубцад кумек нушанира бирехІе.

– Дарестира дурестира нунира далас, – ибсири Верани. Хаинутин виубцад лявикІулри, Вера чурхлири. Сари Хаинутинничил хІерриэс разиагарли риъни хІебурили хъалли, шикъличил аргъеслири. Вера аррякъи, камси замана дикили-хІедикили, Хаинутинни унра шилизирад жагъил рурси карукиб.

Хаинутинна хІябал хуна 15 урши-рурси акІуб. ГЯшурани баркъибти шел урши сунечил хІерхІебирули биалра, Хаинутинни илдази гЯхІси багъуди касахъиб. Сабира дебали секІал балути, дагъричебтили уббухъун. Дудешла кумекличир чула къайгъни имцІалири. Гъамадли илда ахъти меранира дуциб. Органтази бухІнабухъун. Илаб, гъайгъай, дудешла кумек биуб. Ил къачагъуни бурцули калунси игит сайри.

Верани сунела Василийлизира багъуди касахъиб. Сари гІур илди мераначи хІеракІиб. Урши биалли дудешличира узбачира чуйнара вакІиб. ХІябъибил хуна дурхІнира халатани гІеббуциб. ХІябалра рурсили мединститут белчІун.

ГІергъити дусмазиб Кайыпхъали дебали чула ВатІайчи карцІбиуб. БакІибхІеливан ахІи, ахирлизиб декІарбиуб, уркІби декІдиуб, чурхри изай дуциб, гъигъбикІес гъава хІебианбиуб. Адамтачил гъайбикІес балли хІебианбиуб.

– Гъачам хъа гъала дурабухъи, чула шиличи бяхІчиси хІеркІла ахъси бяхІличи хІеръили гъигъбатес бикалри, гІур дебкІахІелра селра ахІен, – бикІулри илди.

Итцад жигарчевли, вяхъяли вяшиКуси, хІянчилизив семцІурси Къайып паргъатлири. Занзбар някъли уркІи буцили гъажбарибсиванри. Пикрилира децІлира хамха хІялагарбиахъублири. Сарира илгъуна хІяйчир сарлихъалли, мурул дебали децІхІейкІахъес Патух рикІулри:

– Гъанна ишабти бахъалгъунти адамти чула мер-мусаличи чарбирули саби. Белики нушабра чардиэс бикес?

Урга-ургади ГІябдуллатІипли садухибти ВатІа гІянжи кайси, някъли хахамдарили, уркІби паргъатдири. ГІянжи байдири ва, Патухли ГІябдуллатІиплиса биса барили, гІурра стакайзи какъурли, шкафла духІна кадирхъи. Дурхъати мургъи-арцван мяхІкамли дихІулри илдани ВатІа гІянжи.

Ахирра илдасра ихтияр бариб чула ВатІайзи чарбухъахъес.

Поездличи кабиили Дагъиста ванзаличи сабаибхІели, Къайыпхъай халаси гыгъ абатур. Ил гыгъ гІядатла гыгъ ахІенри. ВатІайзи сабаили абатурси гыгъ – дурхъаси гыгъ сабри. Илала дахъал мягІнуби саби Къайыпхъаланиван чинилра хІедали.

– Ассаламу гІялайкум, дудешунала, хала дудешунала ВатІан! – ахъли иб Къайыпли.

– Шукру биаб Аллагълизи, – иб Патухли, – ил гыгъла ца мягІна иргъахъули, амма бухІнабси гыгъла мягІна мурхъсири. Ил дугъбачил аргъахъес къияннири.

– Агъ, тІяГІямла гъава леб къалли нушала ватІа, – иб Атанира, разидешла гыгъ абалтули.

– Сегъуна жагадешал! – тІамадариб Хайдакъличи хІеррикІули Айбиканира.

ХІера, илди чула ВатІайзи, биштІаси, халаси, дигуси, дурхъаси, жагаси Хайдакълизи сабаиб.

Къайыпхъали чула мер-мусаличи, чула ванзаличи къаш кацІибмад, чула ванзала гІянжи касили байдариб. Някъби ахъдуцили лебилра Хайдакъ дукла буцес, байбарес дигиатур. Илдала разидешла ахир аги. Разидешлира адам тамашала хІяйчи иркахъули уили сай. Илди халкъличи, мер-мусаличи дигиличил хІясратли хІербикІулри. ХІулбала гъалаб чІянкІли жагадешри. Гъанна илдас гІяГІниси селра аги. Чула ВатІайзир лерилра лерри. Илди талихІчеблири, мицІирли саби ВатІайзи чарбухъниличи разилири. Саби агарли дарсдешуни кадикилри. Гъалар чула бахчаби лерси мер гъанна ши бетаурлири. Ши кІийнали халабаилри. Шила дайлаб ахъси тІайчиб гъар бархІи радио бучІулри. Гъалаб адамти савли жявли абилзахъуси акбар бири, гъанна радио сабри.

БегІ гъалаб илини Советский Союзла гимн бехІбирхъи. Мижитлизи къуръан делчІес, дехІибала дарес вашуси аги. Ил культурала анкъиличи шурбатурлири. Илар гъар бархІи дяхъибти дам-дядла бикъулри. Удибси диркъбикличиб халаси школара лебри. Лебри больницара. Колхозла конторалис декІарбарибси юртра, Къайыпхъали арбукъяйчи, ца гІярбукІай барибсири. Шилизиб бахъал хІякимтира лебри. Илдала ургаб чула шанти, унра шанти, хІятта цархІилти районтазибад бакІибтира бархли лебри. КІел интернат лерри: дубурлан рурсбала ва дурхІнала. Илдала дурабад, декІарли Мажалисла школара лебри. БелчІудиличи улкала пикри халаси сабри.

Мажалисла удиван колхозла халаси ферма лебри. Колхозла къулала хІенкъ халабаилри. Илдала дурарад мазала дурзамтира лерри. Дерхъилри цІедешла унхърира. Колхозла хІякимти, школабазиб учительти, больницала тухтурти ва цархІилти хІянчизарти гІяхІси багъудичебти, багъуди касибти адамти сабри. Бузути адамтала ургаб урусунира лебри. Илди имцІали школализибра больницализибра сабри. Гъар секІал гІяхІла шайчи дарсдиублири. Къайыпла гІямрула адамти камкабиублири. Калунтира хІянбиублири.

Бахъал жагъилти дургъбани ибгилри. Саби аркъухъели биштъали лебалти, гъанна жагъкабиублири. Гъалав къяйда чилра шакъейкахъили, макруличил вяшкайкъули левалри Хаинутинра. Ил сельсоветла секретаръли узулри. Къайыпбеглис гъурра Хаинутинничи дугъаизес чебикиб. Бакъибхъели, конторализи букъес гъягънилири. Хъербикъалли – столла ца шайчи Хаинутин кайили. Сунела гъямрулизив яхъ-ламус, инсап-хъя се сарил хъедалуси адам, адамтачил узули, халкъ-ургаб бируси хъянчи бузахъулри. Къайып чеибмад, Хаинутин айзурли гъала дуцъухъун:

– Чарухъадив, ази? Се тяхъяр леба? Сена арадеш? – или, някъ гъабатур.

Къайыпбеглис илди гъай дуцъар цъала тъякъниван сарри, гъабуцибси някъ чъичъа бекъван сабри. Биалра, гъабза гъабзали виэс гъягънили сай. Илини уркъубяхънигъуна жавабра бедиб:

– Вайли ахъенра. Хъуша гъяхъилван делкъахъес, лерилра секъалра датурли гъарахъикирагу, амма хъела чарх-бекълизиб имцъабиубси чебиули ахъенра.

– Имцъаси се бируси? Дила халакабиули 6 уршира, хъябал рурсира леб. Жагъил хъунуй гъурра биркъу. Яшавлизивра вайли ахъенра, – Хаинутин пахруличил гъайикъниличичи ташти тамаша балли биуб.

– Хъела мурад бетатурли биалли, нуша селра дикъули ахъенра, – иб Къайыплира.

Илабад дурабухъи, гъар шайчи хъербикъули, бирхес бирули ахъенри чула Ватъайзи саби чарбухъниличичи.

Шанти, тухумти, гъарахъти гъяхъли балли илди чебаэс башулри. Башулри дугели, чилилра чехъебаэсли. Халкъла душмантачи башес асубирули ахъенри. Хъерели башути дебали гъамти тухумти сабри. Къайыпли гъала-гъала хъергъиб, сен чучи адамти дугели башутил. Илис гъанбикиб хъерели хъянчилизи ахъили, дугели башути бургар или. Мирзакъадичил ихтилатикъухъели, илини гъар-се секъал аргъиб.

Дявти адилкъути, дунъяла тяхъурти дарсдирути, гъямру дарсдирути, макрула суалти ирзути адамти сегъуна-биалра караматдеш лерти адамти биэс гъягънили саби. Илдани дунъяличиб бузнила, хъербирнила тяхъурти чуйна дарсдариба? Маркс-Энгельсли пикрибариб бузерила социалистический тяхъяр. Тамаша къалли, тяхъярли адамтала гъар-се секъал дарсдарес бирни. Илдада шикъ, уркъби, бузери, къантъли буралли, адамла бухъна дунъяра, чедила дунъяра дарсдарес бирни – халати караматдеш сари. Ташмишикъуси адам биалли, ца гъакъли ветихъахъули, халкъла душман сай или. Ил халкъла душмайзирад цархъилтас урехира алкъули саби. Чули чула гъямрулизиб чисалра вайси хъебарили хъалли, Къайыпхъали бакъибхъели, тамашали кабизурли сабри илдада шанти, тухумти, унруби.

– Илцад урухли биалли бекъли мабашаб, гъатъи, – ибсири Къайыпбегли, сецад сай сунела адамтачи хъясратиубли хъалли. Сецад гъар вакъибси уркъила дигиличил къабулирули хъалли.

Илди пергер мер-муса, уктемли, гъайбатли ва сахъли ши-алав ташти бяхъяни, зумати, ахъти галгубачилти вацъурби, сахаватли дерхъибти унхъри, аваданни тинтъидитъунти авлахъуни, лаззатли ва бизиси тъягъямли тъембикъули, адам кепирахъуси исбагъи тъабигъятли чарбухъунтачи халаси асар бирулри. Ил ванзаличи, сунела риганайличичи, ши-шантачи, узи-уршиличи хъясратли, уркъла ванзаличив калунси Гъябдуллатъиплис гъур илди мерани чедаэс хъебикиб. Сай биалли сунела лерилра гъямрулизив ясирли калун, къадарагар дигайла,

къисматла къяркъдешла, уркіла цундешла, гІямрула бархъдешагрила, заманала зиддешла, такъсирагар туснакъла ва, ахирра, дургъбала къяркъдешли къяраиб. Уциб илра ванзали. Биубара уцес? Паргъатбиубара илала уркіи? ГІямрулизиб сегъуналра паргъатдеш агарли сабемціурси. Гъар замана себиалра сагадеш баргес, багъес, аргъес, гІячихъбарес хъубикІуси уркіи. Амма селра сархахъес ватІетур. Чили? Ясирдешли. ХІетур илцад сунес дигуси ахіи хІебируси, азаддеш дигуси адам. Илала уркіла хъулани гъагултиван детихъи. Пѐ, ардаши заклизирад гъагултиван. Сай илдас вявикІули, гІергъи дуцікІи. Гъазалииркъи. Пашаэс, багъес чина аркъутил. ДугІла гъаза, дугІла дуці, дугІла вяв. Вебкіайчира аргъхІергъиб илини сай сен ясир сайрил.

Амма дигайли, бузерили, жагадешли ахъуцили вихІиб ил. ВихІиб гъалагъала ванзали, гІур закли. Чинабара илала хІяб? Пикрумиван лигубира ванзаличи тІутІули калунара?

Къайыпхъали селисалра гъалаб чула хала бегІтала хІябрачи бякъун. ХІябрачи гъамбиубмад «патихІя» или Къайыпли ахъли тІамадариб. Лебтанилра алхІям белчІун. Чула бекІибтала цІелдубала мякъла тІашбилзули къулгъу-алхІямти дучІулри, садакъа буртІулри. УрхІла ванзаличиб калунти кІелра ГІябдуллатІипра гъанбушиб. Ца-чули хІяблаварибси. ВиштІаси виалра, уршила къаркъала гъарахълаб кални декІлири. Итиллис – гъаннара бирхули ахІенри. Ил мурт-биалра чарирар бикІулри. Чинав-биалра урхІла улкализив хІерирули ургар, бикІулри. Иргъули хъалли, бирхаэс хІейгулри.

ХІябри занзбара хъалта-къарлира кІапІкадарилри. ГІергъила бархІи бакІили, хІябри умудариб.

Сунела ВатІа гъавали Къайып гІяхІулхъахъулри. Ца бархІи Урқаряхъи укъес хъулухъун. Белики суненира Залбеглира уббихъибси мургъила хъаба лебси мерличиб кали бургар или. Султанатлис ил вякъи дигули ахІенри:

– Лерилра детахъибхІелира дуулрагу. ДугІли инжитмайруд, дудеш, мажахІят даргиши.

– Илди чебаэс, гъайбарес гІягІнилигу. Хъар-хъарбаэс дигула, –икІули, Къайып дуравхъун.

Къайып илгъуна адам сайри. Сунени балути, гІяхІли, узи-урши илис дебали дигахъи. Илдацил кайрес, ихтилатикІес, сунела уркіла ванадеш гъариллис дугІес дигахъи. ХІекъли-марли, мургъиличиб илди чебаэс дигули ахъиб Къайыпбеглис. Халумли Къайыпбег-декІар гъалабван уркіла ванадешличил къабулхІериб. «Ил гІяхІси ретаахъурси Залбег уили сай» – уркіиличи бакІиб Къайыпбегла. ГъайрикІухІели, тІама балли ахъбирулри. Къайып хъулира атхІеціиб. УнабурхІличив тІашизурли хъар-хъардаиб. Халумла ца гІядатлис хъули аціи ибнира аргъиб. Чули мургъила хъаба уббихъибси мерличи вякъи ахтардибариб. Ил илаб аги. ХІебиалли Залбегли гІурра чизи-биалра бурили бургар. Дявтазиб сунес се-биалра бетаэс асубирар или, хъунуизи бурили ургар.

– Рахли Къайыпра чархІевхъалли, ил ванзалиуб кавлан. Вари, хъунул, илдала чи-биалра чариалли, чардара чула мургъи.

Хъунул урхІла секІайчи тІамяхІкарриуб. Ил кахІесили хІериуб.

Чилра шакхІейкахъили, дурхІнас кІялгІнигъунти хъулри дариб. Сари хІеррируси юртлизиб ца секІал хІебатур. Лерилра дурхІнас дутІиб. Илала хъули ухІнаухъалри, вегІли илис се-биалра бедесванри. Къайып чуйнара гъалавра Урқаряхъи вакІибсири, амма Залбегхъайчив ахіи тІашхІелзи, сунела

цархИлти балути лебли хьалли. Гьанна ил цархИл гIяхIяйчи ацIиб. Илаб дугира беркИли, хьули чариуб.

– Леври дила хабарла гIяхIял. Ветахьиб. Иличил дарх дахьал секIалра детахьиб. ЯхI-ламус, адамдеш детахьнира, дила гIяхIял ветахьибхIеливан, декIти дуили сари, Патух. Залбеггъунти гIяхIти адамти бебкIалли, гьар секIалра илдачил дарх дубкIули дуили сари. Патухли иргъули ахIенри Къайьплис се бурес дигулил. Илала хасият бирусире, буреси таманбиайчи, сабурличил лехIихъуси. Гьанна Къайьпли дурутачира лехIахьилри. Сунени бурусила мягIна ахирлизибра илини гьаргIебариб. Я сунени урдихьибти мургъи хIедаргниличила анталра хIеиб. Мургъи хIедургниличи Патухра шаклири. Илцад ванза бетахьили, лерилра чула хIяйван-къача, маза-мас детахьили буибти, гьанна илдачира гьаргъдеш аги.

– Аллагъли лерилра далдуршу. Лерилра чула мерличи кадалта. Нушаб къадарли дуили ахIен, – лехIдеш буун Патухли.

– Мургъи-арц детихъути ахIен, Патух. Илди гьачам цализи, гьачам итиллизи гечдикIули кавлути сари ва гIурра кавлан, яхI-ламус, адамдеш детахьалли саби къиянси. Ил секIал декIли саби дила уркIилис, мургъи детахьниличиб, – Къайьп чевсаргъес вирули ахIенри, Залбегла хьунуй барибсили. ГIур сунела уркIилис сунени маслигIятбирескайиб: «Белики мурул агарси хьунуйс урхIла мурул ацIили хIебигули бургар. Гьалар гьар вакIибхIели, Къайьпбег-ази, вакIирив или гьалариркули, яхши-хуш дирули, хьулив назбалишличи ахIи кахIелтуси гьанна дьаргIибти яхши-хуш, гьаргалав тIашкатни, гьарахьливад вакIибси гIяхIяйчи хьули ацIи хIеъни декIлири. МехIурлира аргъеслири, ил ацIахьес хIейгни. Заманаличил барх адамтира барсбиубли саби. Замана хIебалтутира адамти саби. Адамтани дарсхIедарили далтути чIянкIли дуслу авалра манзил сари. Яни вавни хIедухъар, дуцIрум дяхIи хIебирар. БарсхIебиубли лебалри сунела хьа гьала дураухъунмад хIулби дархъдилзуси бяхI. Манзилтазиб илала куцра барсбикIар, палтар дарсдирусиде адамлаван. Амма бяхIра бяхIли калун. Шурмачирад жибжирдухъунти галгуби балли я халадаибтиван ахIенри, я дабздиубтиван ахIенри, сунени анхьлизи убатурси курегала чIухIяр гьанна галга бетаурли хьалли. БяхIлизибси хIунтIена шури сунесра «Гелинна шури» бикIуси, гьаннара хIунтIей лебалри. Иличила тамашала хабар лебси саби халкъли бурули.

Душма гIяскурти Мажалислизи духIнадухъун. Адамти имцIали ахъти дубуртачи, зумати вацIурбази дигIянбиркутири. Халаси цIакъла душмайчил бургъес цIакъ абиули ахIенри. Душманта жагъил дурхIни ва рурсби ясирбурцулри. Жагати рурсби декIарбарили чус арбикутири. Гьурикъизлис мекъ барес бегIти хIядурбикIулри. Исбагъи Гьурикъизла гьалмагъ Арсланра, дубурла барткеллагъунти чарх-бекIра сайра, кайзурси гьабза сайри. Халкъ илдала мекъличи хIерлири. Душман шилизи ухIнаухъунхIели, дурхIнала къукъя шилизибад гьарахьбикили чебухъес укабииб. Гьурикъиз биалли, дурдибти палтарра чегъурли, сурили дяхIра дакили, сари хабархIерарахъес къайгъилизирри. Амма ил рагъур. РагъурхIели, гьаррухъи сари. Сунела мер-муса гIяхIил далнили, къантIси гьуйчирад ил дубурличи черяхIахьили, багълабарес тIашризулри сари. Гьигъбатесра бажардихIерикили, сунес гIергъибикибти душмантала урчала тIама бакъили сари. Илини закличи бекI ахъбуциб. Аллагълизи берцудира тиладихIебариб. «Арслан» – или ахъли тIамадариб ва, някъбира тIинтIдарили, уди тIяхIрухъун. ГIурра чуйнара

«Арслан», – иб. Ил у шурмара къадурбара тикрарбирули, бахъИи зайбикІули калун. Бахъли илала тІама бакъиб. Рурси карикбси шури хІунтІенбиуб. Рурсила гъунарли душмантI балли урКІбухъахъун. Рурси карикбси мерличи, урчачибад кабацІили, душмантI бахъИи хІербикІули калун. ИлхІели халати къукъу-рямкъ, миъбачил дарх чяхІ-заб кадашескадииб. ДягІбухъун. ДушмантI бяхІличибад кабацІес алавбухъун. Урчи вяшхІедухъун. Миъли ванза кІапІбариб. Саби урчачибад кабацІили, ургъурти дуцили, багълали башули, батбихъиб. БяхІ ахъили, диркъси мерличи кабаиб.

Чини балав, ил анцІбукъли илдала урКІиличи се бакІахъибал. ГІясили някъбазирти гІярчумагуни дяхъили, урчи дуцІдариб.

Сунези жирикІуси гелешмешла бакъили, Арслан сунела гьалмагъуначил варх илавяхІ дуцІухъун. Душмантачи чевхъун. Илди цацали кабуршулри. Цакъани царугти ахІенри. ДушмантI бахъал сабли хъалли, дурхІнала гъими халалри.

ЦархІилти шимала дурхІнира кумеклис башули, адамтала къукъя халабикІулри.

Дергъ даимбиуб. Арслан душмантала ургав дакІуири. Пашизни агарли ургъули, царугагарси дергълизив алхун ил.

Патухлис «Гелинна шурличи» хІеррикІули, ил хабар гъанбикиб. – Гъурикъиз Мариятхъала къамлизирадси ахІенрира? – урКІиличи бакІиб илала, Мариятла жагадеш Гъурикъизлайчил цугбурцули. ЦархІиллис шерира рякъи, кІел дурхІяла неш ретаурли хъалли, Марият чераэс дигахъи Патухлис. Тяп иличи гІяшикъси сунела ГІябдуллатІипван, рахъИи хІеррикІи. Марлира, ил хъунул адамла сунела урши ясируцари жагадеш лерри. ХІулбазибси лямцІ хумарлири. Балулри Патухли ГІябдуллатІип улхухІели, Гъурикъизли Арсланнаван, Мариятла у ахъни. Ге, илдигъунти сари дигай. ГІяшикъти дунъяличиб кахІели хъалли, дигай дунъя каберхайчи кавлули сари. Гъар манзиллизир дунъя чебяхІбирули лерти сари дигай. Илдала къурбунти сари жагадеш. Чедила жагадеш – чарх-бекІла жагадеш, духІна жагадеш – рухІла жагадеш. БекІибтала рухІ мерладиахъес акІахъубти алжана-жагъаннаб дунъяла адамта саби хІербиэс белшунси хъалигъунти сари. Удунъяла алжана-жагъаннаб чедунъяла рухІла жагадешра жяргадешра сари. Ил секІайчи бирхІерутира бирути саби. Алжана-жагъаннабличи бирхутира бирхІерутира бирули хъалли, дунъяличирти гъар секІал цагъакІли ахІи, багъла-багълали, ца-цали детихъниличи вирхІеруси хІергар. Амма гІяхІил пикриухъалли, дунъяличиб бетихъусира агара. Ца бетахъили итил алкІни –хІекъдеш сари. Вавни кадикур, гъе алкІан, гъе кадикур, цІедеш алкІан. Адам убкІар, – гІянжи ветарар. Ге, дунъя илгъуна саби. КавлутI чІянкІли дигайра гъими-къясра сари, сари-ургар дургъули. Дигайра гъими-къясра заманали мурхъли аргъахъиб Къайыпбегла жинслизи. Дунъя туснакъ бетаур, гІямру ясирли калун илдала. Гъанна чула мер-мусаличи сабаибхІели, гъар-се секІал дарсдиубтиван дилзулри. Гъанбикуниван, муэрван дилзулри илдас ардякъунти. ГІямру сагали дехІдихъибтиван сарри. Чузи декІарти рухІ кадихъибтиван сарри. Гъар валуси къаршиикалри, илди пишбирхъулри. Харидешли урКІби дирцІулри.

Шилизиб унзализи къутІдахъили башуси гІядат хІебири. Я унза гІеркІуси хІейри. УрКІбиван унзара гъаргли далтулри.

КъутІла тІамали Патух кункли ахъриахъуб. ХІеррикІалли, сунела гъалав

лацла бяхІгъуна, Атала гІямрула, жагъил мурул адам. Илис гІергъи – хъунул адам ва хІябал биштІати.

– Патух-аба! – Мурул адам иличи хъябруцикиб, тѣп чула дебали гъамсиван. – Патух-аба, сена арадеш? Сецад замана арбѣкьуна нуша цали ца чехІедаила? Ратаиб. КІелра някъ хъуцарла удирад дуцили, хІулбази, дѣхІличи хІеръиб. Патух-аба или гІурра дигиличил кІапІруциб.

Гъала-гъала Патухли ил чи саял хІегъур, гІур гъайибхІели, гъайличивли ГІяхІмад виъни багъур.

– АдацІарая, адацІарая хъули. Къайыпра лев, адацІарая, – разили пишряхъиб рухънараили, риштІакараибси Патух.

Илди абацІиб. Гулперира иличи хъябруцрикІескарииб. Къайыпличилра яхши-хушдариб. Гавлаглизибад ГІяхІмадли берубси мазала бѣхІяхъ дурасиб. Илала тІама разилири:

– Чуйнара хІуша гъандикирая. Багъурра ГІябдуллатІип дургъбазивад чархІевхънира. – Илра гъанушили гъай даимдариб. – Нура калунра дургъбазив. Душма хІярхІяли авна варгира. Ца дила игъбарлис мицІирли калунра.

– ХІела игъбарлирил, дила игъбарлирил? – дукарругиб Гулпери.

– ХІуша кІелра талихІчерти дуилрая. Ил хІушала талихІ хІушаб дигуцадхІи калаб, дила дурхІни. Гъанна хІушала талихІлис нуша разилира.

– Иш нуни, дургъбази укѣйчи, гъарритІунра. Хъарахълизир хІердирули калунра. ГІур Мажалислизи дакІира. Камси замана арбѣкьи-хІябѣкьи ну дургъбази арукира. Ну вакІайчи хІерли калун. Бархъли бурасли, пашманиубра иш кариъниличи, рахли кавшасли, – тѣп сай виштІахІеливан уркІи-уркІилавад гъайикІулри ГІяхІмад, – кІел дурхІя ятимли кавлан или. Бахъ гІядаблири наб.

– Гъанна чинар саррав хІуша хІердирути? – хъарбаиб гІянайчи хъаркайхъунси Къайыпли, бара ахъвиубли.

– Ишар сарра, Къайып-ази, Мажалислизир сарра. Их больницала итил шайчир хъулри дарира, гъалаб хІела анхъ лебси мерличир. Илди мерани адамтас хъулрас дутІиб. Нура колхозла букІуниубли узулри. ГІур шоферла санигІят касира. БусягІят хъарахълизирра. Нушала заведующий Султанатла мурул сай. ХІуша дакІни багъурхІели, разидиубли, хІуша чедаэс дурадухъунтира.

– ХІечила нушани чуйнара гъанбуширагу. Чина викибара? Се бетаурара? – или. ХІу ишав, пукъара белши, минавиубли уилри, – Къайыпла тІамализибад аргъеслири ГІяхІмад вакІниличи дебали разили виъни. Сунела неш-дудеш чебаибхІеливан, ГІяхІмадра илдачи разилири. ДурхІнас Патухли къугъати чІянкІи дедиб, хІевнас или. Гулперисра чІянкІи бедиб. ИтхІели чІянкІи дахъал аги, хасданра Патухли дедибтигъунти. Патуххъала биалли чІянкІи сегъунти-дигара лерри. Стахановецунас или, илдас Къиргъизиялизир гъар байрамла замана лугулри. Чулира исулри. БахъхІи илди гъайбикІули калун. Арбукъяс абизурхІели, гъала тІашкаризурли Патухли тІашаиб:

– Гъуя, дила урши. ХІу нушачив хІериубхІели, наб хІу дилаван сайри. ТІашдизарая циици гъатІи. Даширая нушачи гъаман. Нуша ита-иша дашес дирули ахІенра. Сен-биалра ляркъехІе хІушачира. ХІуша мубаракдарес. ХІушала гІяхІра-вайра чедаэс.

ГъайкабикІули бахъхІи калун. ГІур ГІяхІмадхъали арбѣкьун. Илди бакІили, бухънабала уркІби разидешли дицІахъиб. Разилири ГІяхІмадла

талихИличи. Илди арбякъунХели, бухънабани Каримра гъанушиб. – Пакъир, дила ГЯбдуллатИпван илра дявта вергун, – Патухла уркИи бисескабииб. Бухънабаъниличи хЕрхЕили, илди гъаман чула хъалицІализи абархили, паргъатбирули ахЕнри. Илдас алавла шявливан сабри. Шявли сабри гЕлабиркуси берхИили шалабарибси бяхІра. Алавла ахЕнри шявбиубси, илдала хІулбала шала шявбиублири.

ЦацахЕели хъа гъала кабихъибси уркъуйчи, хъулибад дурабухъи, кабири. Уллучайла чебкад ахъбиубси бяхІ чучи бяхІчили хЕрбикІулри. Иличи сабри илдира бяхІчили кабирути. ХЕрбикИи чуласун пикрумази ахъили. Гъай камли дири. Унруби илдала мякъла рахли ахИи кахЕбири. УруххЕебиубли гъамбирути кЕл бухъна сабри. Илдани хІякъикъат гІяхИил балулри. Илди цахІнабикалри, гъандиркахъи НикІалайла замунти. Хайдакълантас илдачир гІяхІти замунти диубти ахЕнри. Узуси адамлис ит замана дебали гІяхІсири. ХЕвзуси адамлис макру вяшдарес къияннири. Бузера багъа чихълири. ГІяхІсири ил замана Къайыпхъала жинслисра. Илдас Къиргъизияла ванзаличибра вайли ахЕнри. Вайдеш – ил чула ВатІан хЕебиъни сабри. Хайдакъла жагадеш, булдеш, эркиндеш датурли, чи вирара дурав хЕриэс? Виалра, дебали къиянни вирар. ГІямалагарли. Илдира буиб заманала бархъдешагрили дебабарили. Адамцун ахИи ВатІайзибад декІарли жаниварра децІлизиб бирар.

ДурхИни разибарес Хайдакълизибад северла ца шагъарлизиб хЕрбирути дагъистанлантани вакъчерб пясписаг кабухисири. Чумал дус дурхИначил разидешлизиб хЕрбирулри ил. Шинни бицІибси халаси гІас илис шарали бетаахъурлири. Гъар бархИи бизахъули, балхули, ванаси хъулиб бихІулри. Яни гъамбируси замана, сецад саби ванаси хъулиб сабли хъалли, илини бали. Диванна уди, хъа гІямзила дигІянбирки. Илаб ил, хЕеб дакІайчи, бусули кавли. ХЕеб дакІибхЕели, дуракабулхъи. Сунела «шарализи» – гІаслизи бухІнабулхъи. Гъала-гъала дебали сакІубли диъличи хъямбикІуси, багълали, паргъатли диъли бугесра бурсибиуб. Илкъяйда дурхИна дурара бухІнара бихули хЕрбирулри. ДуцІрумла замана парканази, шадиб-гъундурачи балли бикулри. ЦархИилтала дурхИна ил чебаалри, къясбирулри. Чузира абуцахъес, гачбикахъес тиладибикІулри. Северлизир вакъчер пясписагуни агнили, чили ил чебаалра, гъамбирулри. Дигиличил хЕрбикІулри, някъба хахамбирулри. Адамта ахъбуцибхЕели, бекІ бухІна хЕебухили, тамашали хЕрбикИи. Хъулиб телевизор абхъалри, бусяГят, саби чинаб биалра, дурабухъи, телевизорличи хЕрбикИи, тяп адамван. Хъулибтира тамашабири илала шикъличи.

Илкъяйда ардякъун авал дус. Ца бархИи илдачи чула мер-мусала гІяхІял вакІиб. Вакъчерб пясписагла шикъ декІардиуб. Ил ца мерличиб гІашкабизурли, гумайла ца дубличи кайили мурхъли пикриикІуси хІяна ухънаван кабизур. ГІяхІял чина укъялра, илис гЕргъи башули, гъайбикІусиван, гІамали биркъулри. ГІамара тилади-бусравбикІусилагъуна сабри. Гъаларти къяшмира цабара гъардакІахъили, гІяхІяйчи пашманни хЕрбикИи, се-биалра бурес дигусиван. Ил гІяхІяйзи «хЕчил барх нура ишабад дила ватІайзи арбукаба» бикІусигъунари.

ГІяхІял чарухъес замана баилри. Вакъчерб пясписаг абзур дуги гІяхІял кайхъунси хъа унзализи къутІбикІули къайхЕебикиб.

ГІяхІял арякъунхЕели, вакъчерб пясписаг гъатІира хумарбиуб. Гъанна я телевизорличи хЕрбикІули ахЕнри. Диванна яра шкафла уди дигІянбикили пяхъбиркулри. Гъалаб къяйда бугулира ахЕнри. ГІяхІял арякъи гЕргъи кЕл

жумягІцадхІи кали, вакъчеб пяспасяг бекІиб. Илис саби акІубихІи чарбухъес хІебикиб.

МицІир жанничив бегІлара секІал гІяхІил иргъуси, балуси, чебиуси, пикрибируси, духуси, уркІецІичевси, дигичевси адам сай. БегІлара вайта иркъуси, селра аргъес хІейгуси, къяркъси, уркІецІиагарси, къиянсира адам сай. Адамтани саби адамти балагъ-къадарлизи биркахъути, къиян-жапа чедиахъути, гІямрулизибад булхъахъути. Цаличи ца къаршили кабизурли, илди цали ца азиртадли, миллионтадли кабуршули саби. БуцІи буцІачи чедулхъути анцІбукъуни камли дирар. Яра чІичІлуми чІичІлумачи чедухъи, цали ца къирдируси анцІбукъ хІебиуб. Илди чедулхъан цархІилти мицІирагличи. БуцІи – маза-масличи, хІяйван-къачаличи. Илкъяйда цархІилти жанивартира. Жаниварта нушази гъайдикІес хІебалули хъалли, илдани хІергъулив адам бегІлара кахси жанивар виъни? Леб адамти имиала кабушес хІебирутира. Цалра адам левси ахІен цархІилличи гъар секІайзив мешуси. Шикъ, кабиз, куц-чедила, бухІнала, гъайикІни, пикриикІни, гІясиикІни, разивирни, децІикІни – декІар-декІарти сари.

Адамли адам кавшалри, шилизивад, сунела мер-мусаличивад дугІкайуси жавхІелла гІядат бирусири. Илгъуна танбихІ адам кавшниван кахси саби. ИтхІели чула мер-мусаличибад дугІкаибти адамта сегъуна такъсир барибсирил аргъес къиянни саби. Саби дугІкаибти мераначибад, хІятта чула мераначи карцІли саблихъалли, цацабехІ адамти чархІебухъун. Илдас адаббизурал, яра сагати мерани гІяхІдизурал, илаб калун.

ВегІла къисмат ирзнилизиб вегІла бажарди биэс гІягІниси саби бикІули хъалли, цацахІели тамашали адамла къисмат къутІкъубирар. Селра барес хІейрули кавлан. Сегъуна-сабил гІячихъли ахІенси цакъли адам вяшухъахъес хІелта. Вяшухъаллира сунени барес дигуси тяхІярли бетхІерар, ургІебли бетарар. Къайыпхъали къиянти аги-хІяйзибра бузерили уцахъулри. Бузериличи иштяхІ-гъира, цаван ламдикІулри, бузерили гъарли-марси талихІ, адамтала ургар хІурмат, рухІлашалси умудеш дургулри.

Къайыпхъали чула ВатІайзи чарбухъи гІергъи, гІурра чумал дус хІербиуб. Илди ишаб дурхІнала дурхІна дигили алавбуцилри. Атала хъали бегІтала мякълаб сабхІели сабрил, яра илди къиргъизунала ванзаличибра гъаман мякълаб сабхІелирил, дурхІни гъаман хала бегІтачи башулри. Илдас кумекбикІулри. Султанатла Зайнутдин биалли хала неш-дудешличив хІерирулри. БегІтачи Гулжанатла дурхІнира баши. ДурхІначибад акІубтала кумек агарли гъанна Къайыпхъалани селра барес бирули ахІенри.

Къукъу-лямцІлира бирхъули, дяхІи-бугІярдешра гъандурцули, берхІила нуранара ванабирули калунси чучи бяхІчиси бяхІличи мешулири, хъа гъала берхІилиуб кабиибти Къайышра Патухра. Къайыпла дяхІ шяхІрумардиублири, хивла бухъна галгала камван; деркІибти дусмала къел, заманали дарибси дебш, хъубзура хъучир каибти гъаршаначи мешути, дегъ ванзаличи буцІардешли дарибти тІякъаначи мешути, дахъалгъунти ГІябдуллатІипли делкІунти. Хъатличи хІербикІули къадурти дучІуси тяхІярли, Къайыпла дяхІличи хІеръили, илала гІямру делчІес вири. Илала къянкъличиб балли тамашала белкІ лебри. Сирисли дуцибти нудбаурад хумарли хІердикІути хІулби, се-биалра хъарбаэс дигутиван, ца мерличи тІашхІедилзули, ита-иша садирхъулри, сунезибад сегъуна-биалра такъсир кабикибсилаван. Гъар замана уркІиличи дашути къутІкъути гъанбикуна, пикрума, уркІилизиб

дяхъи бетаахъурли хЛебаили, хЛулбазибси лямцІра билшахъулри. Лебилра дяхІла куц къеланадбарилицун ахІи, биркІантира, тІашли берубси вацІала галгаличи мешулири. Илди имцІали лехІкахъилри. Чула уркІбазирти дяхъурби гъаргдарес, чедаахъес гъай хІедиъни иргъули бурги. Яра дяхъурби урхІли авараагарли хІянсавдахъу или, урухлирил? Илдачи рахливан дурабулхъути кІел бухънара, чулара уршби дургъба бергунти, имцІали лехІкахъили бири. Чузи чула уркІби гъайдикІулрил яра къаркъакаурлирил? Чилилра лехІдеш булъули ахІенри. Замана-замана «шукру Аллагъелизи» или тІама дурабурши. Гъарилла някъбазир субхІянти сарри. Ца-цали мачни садашахъули, къуръа аятуни дучІулри. ДучІулри цализи цали хІедикъахъули. ЧІянкІли кІунтІби вяшдикІнили илди бучІни аргъеслири. Илди цаличи ца гъамли кабиънили цали цала уркІила гІядаб убисули бурги. Чули дурес дигути хІулбала хІерли, чурхрала куц-кабизли иргъули дурги. Илди цали ца хІерли ванабирулри.

Лебри урухкІутира. Илди чебаили, цархІил гъуйчи ласбиубли башутира илдани чебиулри. Ца Хаинутин урези-урехи агарли илдачи гъамири. Яхши-хушдири. ИлхІели кІелра бухъна Къайыпличи хІербикІи. Селра хІеили хъалли, Къайыпла уркІиларти ва Хаинутинна шикъ иргъулри. Иргъулри Хаинутин илди хъарбаэс тІашхІелзни. Ил сай чеахъес сайри тІашилзуси. ХІера, Къайып, иш ну, икІусиванри.


Дунъяличир гъар-се секІал дарсдикІути сари. Аллагъли адамтас дедибти багъла-багълали керисути сари. Керасиб Къайыпхъайс дедибтира: цІакъра, давлара, жагъдешра, жагадешра, бегІла гІергъи гІямрура. Бикиб илдас чула хала бегІтала хІябрази кабихъес.

Саби лебси мер жагабирули, ванзаличир гІямру даимдариб гІурра ил жинсли. Гъарилти чула декІар-декІарти къадуртира, декІар-декІар гІямрура сабира, цабехІ белчІудилизи ахъиб, цархІилти – бузерилизи. Заманаличи мешули ганзбикІулри илди. Амма саби чинаб биалра, чула наслулизирад наслулизи дашути бузериличи диги – илдала жинсла адамла хІилизир, рухІлизир минадиублири. Бузериличи дигили илдани чула хІурмат-къимат ахъдирахъулри.

(Хъарахъуд – гІурла номерлизиб)



Поэзия



Имин
МЯХИЯММАДОВ

РУШБАТЛА ЯРАШ

Цаличиб ца гЯхІгъубзни
Узбикъурти леб дила,
Цаличиб ца кагибти
Рузбикъуртира дила.

Цабалгунси, берхъибси,
Шанти ургаб хІурматла

Леб дила жинс-насабра –
Ил давла саби дила!

Ил давла лебси гъабзас
Мискин викІес вирусив?
Я маслис я мургъилис
Насаб асес вирусив?

* * *

Авараагарли хІериахъесрав
Ну дила бегІгани, гъалмагъ, айкъурси?
Къел-хІерзи агарли Дунъяличивад
ПяхІли ветяхъесрав, гъатИи, акІубси?!

Лебси цаъкъ харжбирис ахІерси ВатІан
Даршули калахъес, калахъес жагъли,
Някъбази къуватра бекІлис гЯкълура
ХІязлис ахІенгу наб гибти Аллагъли...

* * *

ГІур диркалра, цІадикаб,
Ванза, хІези дигайла,
Дургъбала ца адикъес
Мералра кахІелесну.

ГІур дираллира, дараб
ХІечи чяхІ-заб карцІайла,
МаранкІила майдунти
ХІябкъярякъли духъарну.

* * *

КІайбизурси заклизиб,
ЦІала нурли бицІили,
Дирихъла гъурша кІана
Халабаиб, бемдурли...

ЧяхІдалтав забла къирми,
Ванза хІулбуркІахъули?

Адилкъав къукъу-рямкъяр,
ХІурхъи гардардирули?

Яра беткайхъуру ил,
Нураназиб базили,
Дай дуцІрумла берхІили
«ТяхІубяхъес» бержили?..

Гъанна хІечил жалукъван,
ВарсхІярхъус ну, Куругъли,
Хасмушличил жаликІни
ДугІлану, къупаюгъли!

* * *

АкІубсигъунари хІу,
Вайгъабза гІелагъамли.
Я лявла я маймайла
АхІенрину иргъули.

Хъуна къячІуба вячІун
Ца минала хъубзара:
ТІашкадатур дукІ-дураз,
Дицахъили бугънира...

* * *

ЧехІейид ургубалав,
Хъу далцули унцачил.

Гъанна ил къаршихІеркур
Шантала билхъаличив.

Хъунул вачрукъя сарли,
Вершариубси миршлис,
Сай къараул ветаур
Хъунуй бучибси маслис.

Цаличиб ца жагати
Дила кІел гъалмагъ лебри.
Ца набчи гІяшикъсири,
Цаличи – ну гІяшикъри.

* * *

КІиэсилли, багъурли,
Къакъбариб, гымрукІили.

Цаэсилли, дакІули,
УркІи абхъиб, ракІили.

Ну дигахъан аррякъун,
Сари ригуй варгили,
Наб риганра реткахъиб,
Сунес диган варгили.

Сунесра гъанагарли,
УркІи абхъиб уршили,
АнкІила лугиливан,
БекІ гІяшбуциб рурсили.

* * *

Сегъуна жаваб лугав
Жагъиллис исбагъили?!

«ХІу набра...», – ирув гІяшли?
Реткайхъуру ребшили?..

Дай закиб кІайбизур бац,
Бикъриван шипІбяргІили..
Ванзали лас тІашаиб:
Жаваб лугав се или?..

Мургъиличиб халаси
КъацІла къиматбирули.
УрхІла хъямла масличи
Хіясадли мяштІхІейкІули,

* * *

Дурхъал Аллагъла амру
Иманничил бихули,
ГанзикІен, дила урши,
Шантачил варх духули.

Ветеранти, бурибти,
ЧиббикІибти, чебяхІти –
Гіялимтас, мугІяллимтас
Дирхъули гІергъи уми,

* * *

БегІла чихъси у бедес
Чевкъулигу гІямрулис,
Адаб – рухІла, дагърила
Бяркъ лугути гъариллис.

ДугІли гъайэс уркІилис
Изалаван декІхІели,
ГъайхІейкІуси сай, бикІар, –
Буреси хІебалули.

* * *

Пикрумала декІдешли
БекІ къухІкабурцухІели,
КъухІкайзурси сай, бикІар,
Чузивад урухкІули.

ГІязиз рузбала хІурмат
Узбани хІебиралли,
ДулекІла узбас рузби
УркІецІили хІерзалли.

* * *

Я шилизиб, я дураб,
Къайгънабиркъули хъалли,
СахІерху илда хІурмат,
Сецад дигули хъалли.

– ХІерагу, байхъу бацІли
ГІела хъулибси уси...
Иш замана, хІялалли,
Ил сен-сен бирицахъуси?

* * *

– ХІелаван дацІли тІашли
Саригу шанталара.
Илгъуна аги саби,
ЦахІнабли улкалара.

АйцІухІели, ацІиб ил,
Даимлисван, тахличи,
Сархили хІякимла таж
Илбисла макруличил.

* * *

КайцІухІели, кацІиб ил,
Шантала нягІналичил,
Урибси рушбатчила,
Вайгъабзала уличил.

Билхъа биаб, мекъ биаб,
Кумеклис камагарси,
Балагълисра децІлисра
ДуцІли гъалаилзуси.

* * *

Леври унра... Агара...
Наб узиван ахІерси,
Лебил къатІ бацІкабухъун...
Ну цунварра калунси.

Гъанна хІякимла ута
Исули саб арц лерта,
Вачарла харж верхІкали
Чарбарахъес бирута.

* * *

Чинарад кайсутив арц
ХІялалли хІербирута,
ХІякимтас къакъла чІала
БулкІахъес хІебирута?

Гъелизирад дуари
Умудирули къяйда,
ГІяхІти-вайти адапти
ДекІарбарес виралри,
ГІямрула хъура духъи.

* * *

Бунагъкарти агарли,
Жагъаннаб къяпІкабири...
Дунгъара ахиратра
Цаван дигесли дири –
Алжанала детари...

Хуни, вирули гѣргъи,
ИшбархИ гЯхІси бара.
ГЯхІбаркъли, гЯхІси гъайли
Алавити разибара.

* * *

ЖягІяйс хІечи се хІерлил,
Бурес хІейрар чилилра,
ХъармайкІуд... Се къадарлил,
ХІебуру Аллагълира...

Ванзаличиб лебсигу
Сунела мер гъарилла,
Ил-гъариллис савгъат саб
Мусни-зубрала ВеГІла.

* * *

Амма, сенал, вецІнали
ИмцІали теб итала,
Нуниваналра Заклис
СуждахІебирусила.

ИшбархІила къиянтас
Къакъ чехІебаахъадли,
ЖягІяйс гЯмру гЯхІдулхъан,
Сабурбара, бикІули.

* * *

ГЯхІси жягІяйчи хІерли,
Сабурли хІянра варра,
Дусмадли яхІбурцули,
ЯхІли ухънара варра.

Дунъяличиб ну вегІси
Камси кали саб гЯмзи,
«Илра хІу вегІси ахІен!» –
Мурт алра, иру набзи.

* * *

«ИтатІибра» бикесгу
Къанниван къяпІси хъали,
Валкаркус, кабилзалра
Гъанна илра дурхъали.

Дарести лерли хъалли,
Чархлизиб гъунар камли,
ДелкІести лерли хъалли,
ХІулбала нур дамкъурли,

* * *

Къадармабараб кайэс
Бареси хІебалули,
ВеГІла уркІи иргъуси
Мякълар гъалмагъ агарли.

Хъалибарглис бекІахълис
АрхІяличи аркъутас,
Гъарахълибад шантачи
ГъаббакІес ша лябкъутас,

* * *

УркІецІи-ахърила ВеГІ,
Биалра чучиб бунагъ,
Гъалакти гъундурачиб
БяхІмайгахъидгу балагъ.

Шилизиб вайси лебли,
Вайсилис хІулби къяпІти,
Шилизиб гЯхІси лебли,
ГЯхІсилис лихІби гЯнцІти.

* * *

Дила уркІи далкъахъу
ХІушагъунти муйлани,
Шаха мирхъиван тухъли,
БацІли хІербирантани.

ГянручІ дуги, шалалис,
Бизити заб тІашдизур.
ХъуруцІличибад БерхІи
Пишбяхъили хІербизур.

* * *

Жагъбиубси ургуба
Исбагъиван къимбизур.
ТІягІямла дарма тІемли
Кепирусиван бизур.

БегІла дурхъаси чебла
Нушани чебахъира:
Гардбирули биштІати
Шел сири делкахъунра.

* * *

Ара-сагъли абикъес
Арадеш мяштІхІебарра.

ЧатІниван бучІахъира,
Мукъриван бумхІяхъира,

ДурхІни къалли баркъира,
Абикъесра диубра,
Сепайда, адаб-рухІла
Бяркъ бедес хІедиубра...

Жагъдешла дуклумачив
Урцули виадлира,
Ухънадешли варгири,
ГІянци-сукъурварадлира,

* * *

ХІулуркІен, мекъ сабливан
ГІямрула гъарил бархІи,
Ванал берхІи, шалал бац
ХІед улкули лерцадхІи.

ИшбархІира унрани
УркІи разибахъуб:
БулкІуси зехнилиу
Мигла тІал тІашбизахъур.

* * *

Гъариллис вагаласи,
Ил вахъ ахІмакъ уста сай.
Зехнилис тІалван, уста
КъатІлизив хІяжатси сай.

Хайриагар увухъун,
Увкасиб ил, арякъун...
Гумайли гъанхІевшили
Ца бархІи архІябкъун.

* * *

УбярчІун ил бекІбяхъли
Шантала хъул гІяхІличи,
Бургъар илис гІелабад,
НягІнабуршу бегІгачи.

Бурес сабаб агаркъи,
ХІуни наб вайси бурри,
Вайбаркъ гІеббаахъили,
ВайтІа децІагахъири.

* * *

Гъанна нушала урgab
Селра хІебиубсиван,
Дила мякъла кайрулри
БегІла гъамси тухумван.

ХІечила вайла хабар
Бакъасли, дила ВатІан,
Зимла изай бурцу чарх,
Сусбулхан гъарил биркІан.
ГІяйиб набчибси къяйда,
Варглизи урги адтІан.

* * *

ХІечила гІяхІла хабар
Бакъасли, дила ВатІан,
ГъатІира гІяхІбухъахъес
УркІилаб гъира алкІан.
СихІрула цІакъли бирицур,
ЧесалкІан гъарил биркІан.

* * *

Халкыла хабарла улка
Сен бехъубтил, хъарбаэс.
Горбачёвра Ельцинра
Судла гъала тIашбатес,

ЦахIнаб хIукму барили,
Хаинтази халбарес,

ИлдигIебтала тайпа
Вершабалайзи бейгIес.

Бучили, ясиртиван,
Сибирьлизи бяхIбарес,
Илдачи хIерикIахъес
Жириновский вяхIварес.

ДИЛА НЕШРА ДУДЕШРА

Жагабилзангу, жага
Сагал савлила бархIи,
ХIурхъличи чебяхIбухъи,
Нурли чярхIбикIухIели.

Дуравхъи, хIерикIасли –
Агъ, сихIрула гIяламат!
Нурлизибад алкIули
ХIекъли тянишси сипат!

Дигили ламирути
Нурли дицIибти хIулби,
ЧатIала дуклумиван
ГъярцIли арцурти нудби...

– Ну сарра, дила урши,
ХIу чез гъарракIибси,
ХIечила пикрумани
ХIярирад аруцибси, –

РикIуси къяйда дила
ГIязиз неш гъаларилзан,
ДягIлизиб нешла тIама
Гъанарусиван билзан...

Къугъабилзангу, къугъа
Бацла кабиз дугели,
Зубартала гумайлаб
Шадли кIайбизурхIели,

ХIерикIули кайрулра
ТIагIям касес дигули,
Дила дурхъаси Аллагъ
УркIилизи кавцили.

ХIеръаягу!.. Тамаша!
Бацла авидла вайлав
Чарх-бекI зантси тIамада
Вагъарсайрули гъалав!..

– Ну сайра, дила урши,
ХIечи хIерэс авхъунси,
ХIечила дикъутани
ГъанкIагариахъубси...

Дудешла малхIямти гъай
Зубартачир гIерагъур,
МицIирли дила мякълав
Сай левсиван гъанаур.

ЯРАШ ЖУРГЪБИКИАР РУШБАТ...

*ДР-ла культурала урибси
хIянчизар далай-делхъл уста Асила ГIиса-ХIяжис*

Тамашала замана
БакIибгу, дила узи,
Васвасъала делгIуси
Адамтала уркIбази:

Рушбат гъахIебурцуси
УйгIули сай урхIлизи,
ХIякимти убяхIбарес
КяхIибси дугIрухълизи.

Гъабурцули уцадра,
Виркулри хIу тIимкълизи –
Туснакълизи виркIеркуд
ЦIакъ биалли кисмазиб

Гъу, чинабад бакIибси
Ил анцIбукъ дубуртази?!
Секъяйда иргъахъуси
Иличила шантази?

Геламгьарси ласлизи
Ахъили биэс дунъя,
Убилчедариб гІямру,
Гелладушиб няслизи.

Гъаннаван барххІебархиб
ХІукумат законтази,
ЛукІахъули гьар бархІи
«БегІлара духутази».

Урцахъули сар илди
Шимази, махьурбази,
Баян-хІисабдарахъес
БукІуни-хьубзурази.

Мугълатагу лукІантас.
Чили дуйгІув делкІунти?
Къаркъа-гІянжицад лергу
Рушбатличи къаршити!

ХІукумат – законтазиб,
Законти – кагьуртази,
Кагьурти-папкабазир
Папкаби – къасурбачир.

БукІуни-хьубзурала
Майали тІемдикІути
Къурушуни рушбатлис –
ХІякимтала кисмази.

СупІ-чІяпІбирули ВатІан
Сунела билхІлализи,
Тамай буцибгу улка
Рушбатли къялшубази.

Яраш жургъбухъи саб ил,
Каибсиван абзлизи.
Биркулира ахІен ил
Кадихъибти «ТІимкълизи».

БУКІУН ДУБРИВ ТАЛХЪАН САЙ

КІаналиурад дигІяй
ХІеррикІуси къуймурван,
Дирихъла дукайубад
Бац хІербикІули саби.

Сирилав усаахъес
Гардварибси виштІалван,
Къадалаб тирхъси лехІдеш
Саби рахаурсиван.

Риганайлизи гІяшли
УркІи бурул жагьилван,
Удиб шивкІивбикІуси
ХІеркІла иргъули саби.

Палтарла чІянкІриубли,
РизухІели издагван,
ХІеркІлизиб мицІир чІянкІли
Бац куртІбяхІили саби.

ХІеблис хІябкабиубли
Чарбухъунси дурзамли
Кари – иникъла дуклаб
Бамериихъули саби.

Шурмазиб гІебалгъули
ТІумала тІама саби.

Илала баркълис Къара
Хьутурбулхъули саби.

Ужагълаб, бемжаличиб
Къазан рурхъули саби.
БукІун хинкІала кІабатІ
Гьигъла гавлизиб саби.

Урга-ургаб букІуйра
Макъам къумбирули сай.
ХъайгІир хІерси гьалмагълис
ХІябкубта кархъули сай...

Къукъу-лямцІра бурямра
Гъаман чедулхъаллира,
Дурзамлис хъанцІа хъунцІбар
Геллабадбиркаллира,

Вава-къарли кавцибти
Аваданти гІявнира,
Мирхъиван сабемцІурси
Давлачечси дурзамра...

Сунела дубрив букІун –
Тах буцибси талхъан сай,
Алжанала гІявначив
БукІун талихІчевли сай...

Муталим
МУТАЛИМОВ



СЕ САБИ ПОЭЗИЯ?

– Се саби поэзия?
– Чугурла аги саби,
Дардлизивси шягирла
Уркила агьи саби.

– Се саби поэзия?
– Мургыла ратгал саби,
Дугурбала гузетчи –
Шягирла хазна саби.

– Се саби поэзия?
– Дигайла мягдан саби,
Цаван алкунси херла
Лами, буцардеш саби.

– Се саби поэзия?
– Щудара гьими саби,
Дунья буэс гьаргьтачи
Ил тубирус саби.

– Се саби поэзия?
– Дуклумар пикри саби,
Адамла уркиличиб –
Зурхябла кьяли саби.

– Се саби поэзия?
– Шягирла ярагь саби,
Кикьяшан жаниварти
Байбирхьуси тур саби.

АЛИМЯХІЛИС ДЕЗА

Разили саб ишбархи
Дила шанданна кьала,
Кили уршбани берхи
Устадешлис икрамла.

Хулкюли сар ишбархи
Уркиби дила шантала,
Хурмат чебяхибарили
Алимяхла мажарла.

Кьугьали леб батбухьи
Пергер Хьанила бяхира,
Хера сен пишдяхьилил
Илала вава-дяхира.

Ташли саби памятник
«Мажуртайкьул» усталис,

Ил саб мицирси гьанбик
Чеалкюси наслулис.

Гьанна музейтазибцун
Кали биалра мажар,
Хлебубклар даршдусмазиб
Уста, хечила хабар.

Тарихла табтарлизи
Мажарли хатг делкунси,
Устадешла даража
Ца декла ахьбуцибси,

Чевяхиси Батирайли
Далуйтазив урибси,
Ну хед зедаикюлра,
Ва Алимяхи, машгурси.

ДАЛАЙЧИБАС

Азирли белкун дякькад
«ГъаладыхІ» хІедикІули,
Девла мягІна аргъили,
Ахъли далайдикІули,

Дардлис дармандиэсти
Дургули дарган дугъби,
ДалайдикІена ахъли,
Даргала далайчиби.

Дила «лачин» хІебикІар
Дарганти исбагъилис,
Я «жайран» бикІхІебикІар
Цалра мурул адамлис.

Риганайлис дучІена:
Дила жайран, мукъара,
Гъинта, гежба ва чатІа,
Лагъа, къакъба ва кІанра»

Иганайлис дучІена:
«Дила лачин, пурс къяца,

Арслан, къаплан, бецІ, гъалбецІ,
Къиргъу, къарчигъа, чІака».

АнцІхІебукъив мурталра
«Шан ва дурашан» дикІес,
Гъайла мягІна хІергъули
Яшавлис далайдикІес?

Гъар чякала диралра
Къугъати «чІивир-вичІир»,
Булбулла далайличи
ХъуликІен, хІу далайчи.

Далай – дезала багъа
Зубрачи ахъбурцули,
«Зубарти» детаэсра
ХІушаб ахъри бикІули.

ДалайдикІена ахъли,
Далайчиби «дурхъати»,
Адамтала дарданас
Детаэсли дарманни.

БАТИРАЙЛИС

Далайчиба сецада
ХІед далуйти делчІалра,
Поэтуна сецад
ХІед назмурти делкІалра,

Дарган далайла уркІи,
Пахру хІурхъан Батирай,
Къабулбара ца гъатІи
Дилара деза-далай.

Гъигълис зярхІси гъававан
Сабигу хІела далай,

Даргантас къибламаван
Дурхъасири, Батирай.

РухІла давлаличибли
ЧебяхІси саби миллат,
УркІи хІулкІули саби
ЛебхІели ил гІяламат.

Пайлаварилра нура
ГІямрули мас-хазнала,
АбацІили янаша
Далайли Батирайла.

САГЪЛИ ДУСМА ВЕЛСАЙЧИ

Агъ, къугъаси тІабигІят
ХІекъли гІяхІси адамла,
РухІ, уркІи дирар ряхІят
ДяхІ чедаасли хІела.

ГІякълу, пагъму, устадеш,
ХІела шантас даари,
Баркъудила асилдеш,
ХІуни сархес виубри.

Бузерила зубари
Хуни анкъани кири,
Адамдешла зурбаси
КІялГІяра тІашбатурри.

Баргири ГІямрулизиб
Хуни хІурматла мерра,
Ху вакІили, иш дунъя
Барри ГІяхІцад шалара.

Шантала хІурмат хуни
Ахъбуцири хІурхъачи,
Хела бидав хІерли саб
Сагаси дузабличи.

Гъуйчирти гъабизуни
Бурямливан ахъири,
ГІяхІлачи дугелира
ХІерли ГІямру деркІири.

Мургъила ратІалгъуна,
Къаркъала бутІагъуна,
ГІялихІяжи, ху сайри
Савлила арьагъуна.

Ургъаби, ху ватаби
Сагъли дусма велсайчи,
ВиштІал ГІялихІяжила
Мекъла тІяГІям касайчи.

ГЕХІЕЛ ТУГЪЛА

Къунби – муриси варъа,
Макрукъябала ярагъ,
Чумра ГІяхІна гъабзала
Акахъиб илдани аргъ.

Къунби – шахала занзби –
Агъу духІнати дару,
Чумлара баргаибти
Чумаси дебшла бару

* * *

Гъар секІал заманали
Якъиндиру, гъаргдиру,
Заманали манзилла
Къиблама белгибиру.

ЗайдикІар гъар наслула
Сунела далуйтира,
Манзиллис хули липІла
АлкІан сагал насура.

* * *

Царугси, диркъси, кункси
АхІен ГІямрула гъуни,
БекІлил хІерли ахІенти
ХІерли сар гъабизуни.

Бизили тІемдикІути
МискІла вавни салІахъес,
Чесби саб имтихІянти
ГІямрулизир гъандуцес.

* * *

Дугурбазиб гъархІели
Дила гъанкІ бумцІахъули,
Гъарушла хъаба къяйда
МехІе сари дучІули.

Бурбуниван къиздикІар
Пикруми мехІелизир –
ВяхІчили вашен, шягІир,
ГІергъиси гъужумличи.

* * *

Азирли белкун дякъкад
Вашадра ветхІел-сатхІел,
Ху дяхІцири дунъяла,
Агарли ху вегІти къел.

Дунъяличи ху вегІси
СалхІи хІебиалли хІер,
Ху-аринси, хІед хасси
Баргес хІейублири мер.

* * *

НяГІна мас-хазна гъанни
УрхІла къиян букантас,
ХІялалдеш къяриути
ХІяяагар ГІякърабтас.

НяГІна дургъби адилкъул
Пачалихъунас, пачнас,
УрхІла улкнас тІимкъ диршу
Дявчибас, гъарачибас.

УркИи – дила шилизиб,
Чарх саби – шагъарлизиб,
БекI – декIти пикрумазиб,
ХIебалас се бирусил.

ГIяламатла къугъадеш –
ХIерани адамтала,
Куц-кабиз, сипатуни,
Хасдешуни гъарилла.

КепХIелира хIу сарри,
МусХIелира хIу сарри,
Муэртазирра хIури,
ХIерла гъаларра хIури.

* * *

Ща саби – уркIилизиб,
Лами саби – бекIлизиб,
Дунъя саб хъям-къацIлизиб,
ХIебалас се бирусил.

* * *

ДяхI шалати, умути,
Къугъати хIял-тIабигIят,
Ил ахIену, адамти,
Нушала хазна, нигIмат?

* * *

Анхълизирра хIу сарри,
Анкъанирра хIу сарри,
Дила кепдешра хIури,
Дила мусдешра хIури.

АВАЛ ТУГЪЛА

Дуб-дубли хъумкартули
ГIядатунира мезра,
Гъунчирад гъайбарилра
Авараагардешла.

* * *

АнцIбукъи саб зягIипси
Ванзаличив хIериэс,
Агарсив ара-сагъси
ГIяршлизиб мер гечизэс?

* * *

ТалихIлигIив умцIули
Дунъя чедибяхъира,
ТалихI гъалли анкъилаб
Биъни багъХIебагъурра.

* * *

ХатIаикили ахIи,
Вари, мабурид бархъдеш,
Къяна бархъдешван бурес
Агуну хIед бехIсурдеш.

* * *

ЛебГIеб гIяхIил аргъили
Дунъяличибси аги,
УркИи саби гъапулли,
БикIули саби агъи.

* * *

ГIямру, адамла гIямру –
Урчила дуцIла гъуни,
Агъ, хIябилра дахъал лер
ХIехъести гъабизуни.

* * *

ХIедирхъялри гъар бархIи
Девла хIярхIяли мехIе,
Секъяйда бизибикIил
Сабил беркес наб цIулхIе.

* * *

ХIела халкъ хIед душмантив
Дирули убай нешла?
Чуйна хIили иркутив
Авлахъуни улкала?

* * *

БяхIягар хIякимтани
БицIили улкара леб,
ВацIала хIяв буцIиван
Гушли каримтира леб.

* * *

ХIеберкIира ца бархIи
Чичи-биалра къясли,
БицIили саби либхIли
УркИи чIумаси къясли.

Дагъиста халкъла поэт
Аминат ГІЯБДУЛМАНАПОВА



ДАРДЛА ДАЛАЙ

(Райзанатлис)

Чисалра гъанаги, рузи Райзанат,
Нушала абнала агри лябкънила,
Ахърила вегІли ил сен барибара,
Нушаб кахси балагъ сен бархъибара?

Дусми ардашалра, калун дяхъурби,
УркІбазир дихути дардла гІязабти,
Илди сагъдирути дарман агара,
Ахъри агарсира дяхънушалара?

Дусмани велсайчи хІетур узира,
Ахиратла хъулив сай узикъарра,
Райзанат дикІули дисур чатІнира,
ХІела дардла изай дебкІахъиб хІебра.

Се гІяйибла сарли акибсив Аллагъ?
ХІедакъиб бусравти я биса хІела,
АкІубмад цІуръаби сарригу нуша.
Нушаб сен цІябсира дунъяла шала?

Биса гъудурси саб дила далайра,
Агъила макъамти сар чугурлара,
УркІеци агарси леб иш дунъяра,
ХатІаикибара къадар лукІанра?

РУХІЛА ЦІА

Хъачлизиб алкун цІаван
Ухули саб рухІла цІа,
Шуррулхъас ну ахирра
Палдаличи гІямрула.

ЦІализир алкІули сар
ЦІумъала назмуртала,
Дарданар дунъяличиб
Паргъатдешра агара.

Кахти гъятІбулхъуначи
Дунъя шурбухъи саби,
ДурхІни улхули саби,
Абни бисули саби.

Иш дунъя гІяхІбухъахъес
АкІнила мягІни лебсив?
ГІямру селис гІягІнитив
Илди харжхІедиралли.

НАЗМУРТИ АХІЕН ИШДИ

Назмурти ахІен ишди
БетІахърилис лукІути,
Щумъала сар уркІила
Излумазир алкІути.

Иргъулра дягІла цІумла
Дилайчил бархбикибси.
Балагъуназибадли
Дунъя берцахъес къасли.

ДелчІеная, адапти,
Дила дисул назмурти.
Биса сари илдира
Наб шинкъя детаурти.

Дардла назмурта лукІес
Рамсурли сарра нура,
ДецІла нургъбала шинкъя
Дегъи сари дилара.

Улкъайла къутІбикІуси
ХІералтулра бурямли,
Дунъяла гъар шайчирад
Дихули балагъуни.

Назмурти ахІен ишди
БетІахърилис делкІунти,
Дардани сар дунъяла
Наб махван декІдикІути.

ДАРГАНТАС

Чумра далай делчІунра
Ну акІубси Дагъистайс,
ГІурра ахъли бучІулра
Далай дила даргантас.

Мургъила ва мегъ-шанда
ГІярбукІ-хъярбукла устни.

Багъара ура ахъси
Дарга багъадуртала,
Батирайла далуйта
БакІахъиб багъа гІурра.

Чили хІедалутив дебш
ГІямузгила шанданна,
Дамаскла шушкни чучил
Цугдуцибти чумлира?

ВатІан машгъурбарибти
МухІенти, мемухІенти,
Абикъурти чумилра
Дургъбала игитунни.

ГІилму-дагърила устни,
ГІяхІгъубзни сулевкантла,
ГІянжи-къаркъара далли
Цегъаван дицІахъути?

СирхІянти, ахъушанти
Хабарлизиб бурибти,
Чула гъунарта гІурра
Дубурти ахъдарибти.

Дагъиста хІякимдешла
Мина саби Лаваша,
ДихІибси адамдешра
ХІяяла умудешра.

Дунъяличиб пахрула
Саб дахадаевлантн,

Улка бехъубхІелира
Берхъибси ва жагаси,
Алжанала анхъ къяйда,
Миллатуни уржибси.

Гякълу мурхъти гЯлимти
Гялам-булан бяркърти,
Хурехъи, Сергокъала –
Къалурбира дагърила.

Хела сари хан унхъри,
Авадан авлахъуни,
Хайдакъ, баракатлари,
Даргантала пахрури.

ГянтИкIаби, къуймурти,
Губдалан издагуни,
Илдани хъумуртахъу
Парижла мадоннаби.

Хебла аргъван даршили
Хердирути даршули,
Хушаб саб дила далай,
Багъадурла дарганти.

ДИГАЙЛА ГЪАЙЛИ

Дигайла гъайличил хIу дугъайзурла
Хеб хъурадарири чархлизи дила,
Чардохъун булбулти хеб садаайчи
Жанай вавнабяхъиб дила гъаргала.

КарцIайла херличил набчи херъила
Муэрван ацIири хIяланазира,
Ветмайхъуд, рулгулра, хIуруцIлизивра,
СихIрула карцIайлис уркIи гъаргбара.

УркIила хIялани дура гIуррара,
УркIли хедагъесли хабурти дура,
СихIрула муэрти марти днахъа,
Дигайла алжунти набзи дагъахъа.

Дигайла хабурти сагали дура,
Шала шикъдияйчи кеприяхъаба,
КарцIайла хIяланас бедили ари,
АхIерси, хIу дила сарри а гIяшли.

ХЕЧИ ЛЯРКЪУЛРА

Дигайла хеб хили хечи ляркъулра,
Гъаргбара дигайла уркIи хIунира,
Гъуниваи набчил, ну хела сарра,
Вавнани аръаван кIапIсаруцаба.

ШипIбяргIили саби лебил алавла,
Хела гъайла аргъес лехIли чатIнира,
Дигайла хIяланас ари бедили,
АхIерси, гъамии, уркIи гъаргбара.

КIапIрачиб аръаван хезир релгъасра,
Дигайла цIализиб ряхIму бургисра,

Карцайла анкъани хьурарараба.
Гямрула геркъадеш наб савгъатбара.

Гядатла гямру наб алжанаахъа,
Хела хьябруцлизир херриахъаба,
Хед нуни дигайла къалтин убуршис
Акнила мягна-хял хези далахъис.

ДАЛУЙТА ДУЧЕХІЕ

Урши:
Уркилизиб гъав лебай
Рухлизир дигай лерай,
Къабулбарадли хуни
Бучулра хед ца далай.

Рурси:
Шаклирагу, шаклира
Бучадал селичила,
Хела далайли къяйда
Ну ванахерирура.

Урши:
Зубаригъуна хечи
Гъар даим гяшикьлира,
Шичирад ляркъухели
Цугрикили дигулра.

Рурси:
Дилара хегир хулби
Умцар гъалав хейадли,
Уркилизир ца сари
Ху чехейбси бархи.

Урши:
Къуймур, хела башрили
Кепирахулра нура,
Баршили дила чугур
Далайэс хядурлира.

Рурси:
Вай гъарай, се бариша,
Хабар чизи буриша?
Вакили дила гъала
Беркунри урки дила.


Урши:
Гъанна нуни багъурра,
Ахерси, ху дилари,
Наб хуван, нура хела
Ветаурли дигулра.

Келра:
Дард агар далуйтани
Дучехе нуша келра,
Кумекбиру далайли
Даахъес мурадлира.



Жабурти

**Тавсулган
СЯГИДОВ**



КУР

(Хабар)

Шайтунтала къярд биклар дила шанти ил мерлис. Гъарли-марли, илаб чумилра адам шайтунтачи бяхлягибти саби. Чумлара илар, шайтлай бяхъили, мухлуи далклахъун. Илбагъандан биэс адамтас ил мерличибад варх чилра агарли шалгеббулхъес хлебигути...

Зумаси вацала бухнабад аркъуси хан гъунила балуй шайчиб ахъси лес саби. Леслизиб гавли берхурси халаси иникъра леб. Хляжланкила дегнуиби цурмази датахъес колхозли кабалтути къараулти муртрил ил инкъиб бирутири. Бухнабани бурни хлясибли, иникъла бухразир жяв заманала гляюркъяба дарибти барткелтала, синкбала, цархилти дугла жанивартала ва мицирагла суратунира дирутири. Гъанна илди чедаэс вирули ахлен, сенкун илар дилкъути цамала верали дерхурли детахъили сари.

Инкъибад чумал вецал ганзла тядили леслизиб журуга тлярхъи леб. Ил ванзаличибад адамли тлярхъилизи бекл бетатеси ахъдешличиб саби. Илизи бекл бетатурли лехлахъалли, гляжаибти клухла тамри иргъу. Илди клухлизир чинарал ванзала духлар дяхъибти дам-дядла иргъули сари. Ил тлярхъилизи нунира чуйнара бекл бетатурра ва дам-дядла тамала аргъира. Илди веглис гъанарути сари биклутира бирар. Ну къалли илар илдигъунти там-гъама лер или кайзурлира.

Курла муза ил урхлешуагарси лесла чедиб саби. Музализиб дубуртази душманли лябкъниличила багъахъес ца абилкъуси ахъси къубба бирусири. Къубба бирули нуни ахленну, дила дудешлира хлебали, амма ил къуббала хъулчни бусягятра лерал. Наб хабар бурес дигуси ил къуббаличила саби...

Шилизи чевяхлихъуси лаглизиб «Гляш бетаурси» шури леб. Жяв замана шиличи чябхъин барес лябкъути гъармукаби сунечи гъамбиубхели сабри биклар ил гляш бетаурси. Гляшла пай бикахъес тамялкар гъармукаби шурлизи шушкна бирхъес бехлихъили саби. Шушкна датурти къел сари или чедиахъути къячлани шурлизир гъаннара лерал. Илди бухъмуй ургабилики вяв-

чІярбикІухІели, Къалала баруличибти къараулти шакбикили саби гъармукаби бакІниличи. Дила шилизир илдигъунти анцІбукъуначил дархдасунти гІурра дахъал тамашала хабурти аргъес вирар, бухънабачил ихтилатухъалли.

Сунела бунагъ- хатІаличивад Аллагъ чевверх, хІябилра гІяхІси адам вири нушала шилизив Ибрагъимхалил бикІуси. ВатІа дергъла бутІакъянчи сайри. Дергълизир кІелра къяш датурли чарухъун. Ну гъаннара ил адамличи тамашаирули вирус. ТамашаІейэс вирару, кІелра къяш агарси адам янила замана, гъяйличи кайили, вацІализи урцуйчи вашалли? БиштІаси шилизив хъулиб Ибрагъимхалилли барибси супелтар къулса агарси адам рахлира хІергар. Ил гъар дус колхозла хІяжланкІила, картошкала, хъарала дегІнубас къарауйчив вири. Гъар-урла гІямруличила илини нушаб лергІер тамашала хабуртира дури. Нуша иличи чедиб гъанбушибси леслизибси инкъив хІяжланкІила къараул вирухІелира чуйнара дякъунтири. Делхъунти ва дерзибти тІуйра далхира. Нушаб бегІлара дигути илини дурути хабурти дири.

Кур лебси музаличила хабар бурибсира ил сайри. КІелра къяш агарси адам нушачил варх леслизибси гъярцІа къяшла дякъличивад музаличи чевяхІулхъи ва илабси къуббала хъулчи чебилахъи. ГъятІбиълумачи шурбухъунси лацла хъулчи халаси лугІяна шури сабри. Ибрагъимхалилли бурни хІясибли, ил шурила удиб биэс гІягІнисири хала бегІтачибад нушачи хабар баибси шиличи гъармукаби чебухъунхІели, халкъли дигІянбарибси мас-хазнала кур. Ибрагъимхалилли бурни хІясибли, курлар мургъи-арцла дурарад, жяв заманала ярагъра диэс гІягІнити сарри. Нушаб, дурхІнас, хаслира гІяхІдизурти мургъи-арцлизирад дарибти гІянтІикІа матяхІ ахІенрину, мисри туранира, къирим мажуртира сарри. Илди някълизи дучес бикникІун хала бегІтачил къаршидикниличил цугбуцес вири. Секъяйдали жагабирил илдани нушала школализибси музей!

Ибрагъимхалилли дурути хабуртазирти ярагъ нушани дугели муэртазирра чедиулри. КІелра къяш агарси дергъла бутІакъянчис хабарчи викІесра асухІебарар. Нуша илини дурутачи ил сайван дирхарулри.

Ибрагъимхалил бекІ муцІрусли бялгІи ваши. Дергълизибад хибси илала бугаси муцІрус бири. Секъяйдали кункли гидгуриван лямцІдикІесиил иличил Ибрагъимхалилли нушала букІри! Халаси бухъмуйла бегІ нешер кигъа бедили хъалли, илини Германиялизибад хибси муцІрус барсхІебири. Къисбулхъан или, я нуша иличи къячхІедиркахъира. Илала бекІличиб мурталра цІудара маза къапІара камхІебири. Тамбакула верали къерхІдиахъубти дерхъибти супелтаубси муцІурлизиб душма гІярадала бургІяй барибси халаси хІянара лебри. Нушаб ил сунени дурути

хабуртазибти кахти къачагъунала цаличи мешуирки. Чезе сайри адавзи Ибрагъимхалил илгъуна. Илис дурхІни дебали дигахъи. Нушачил масхурта угъи. «ДучІеная хІуша, дурхІни. ДелчІунси ца хІеделчІунти вецІлизи улхъуси сай. Дергъилизиб чебаира ил нуни», – махикІусири ил нушази.

Илини сунени дакІахъибти танбаку дири пІагъдирути. Илдас «дила шамшамти» викІи. ПІагъикадри--къячІализи дурадирки. Гъачам пІагъикунси ну хъехІли гІяндуршули хІилхІи калунра. Илала танбаку халдарибси нушазивад цалра къалиянчи ветхІеур, шила дублабси лесличибси юртлизив

хЛериуси ХІябиб халхІералли. ХІябибли суненира лесла хъинжличибси столла къакъгъуна къасиличир танбаку дашахъусири.

Ца бархІи нушани жяв заманала къуббала гъятІбиълумаубси кур баргаэс, ва илизирти давлумала дегІти детаэс къасбарира. Тарихла къадрила къимат лебси памятник баргаэс ихтияр лебси хІебиъниличила нушани итхІели балули ахІенри. Ил багъандан сабри нушани кур гъаргбарни – халаси къадрила баркъудилизи халбируси. Нушала ургав илар даргибти мургъи-арцличивли давлачевиэс хъуликІусира аги, амма жяв заманала ярагъ някъбази дучес халаси иштяхІ бири. Ибрагъимхалилли бурни хІясибли, курлизиб баргибси ярагълизибад гъарил тарихла къадрила биэс бири.

Амма нушани илди матяхІ чедас ибси шури баргиулла или шилизиб хабар тІинтІхІебарира. Нушала къас сабри илар дигІяндарибти мас-хазна школализибси музейлизи дедес. Барх бучІути рурсбазилра багъахъурси ахІенри, сенкІун илдани нушала дигІяндеш карилаб яра гІинзиб шутІхІебатурли хІебалти. Дугатира дираргу рурсбала лезмуни!

Шантала мура удуси замана къялкъни дугадируси чарличиб нушани дигІян-гІяшли мегъла тІерхъа бугабарира. Илала гІергъи, гъар бархІи Курла музализи дашутири ва савлиличирад дехІдихъили, цІябдаайчи курла чеди чебихъибси шурилизи тІярхъибатес дузутири. Ил декІси мегъла тІерхъали шурлизи вирхъухІели бакІибси майа нунира чуйнара хІевала хъарли бушкира. ГІяжаибти пикруми даши итхІели дила бекІлизи. Дила гъалмагъунира карцІлири кур гъаргбарес. Мегъла тІерхъа бикахъес яргализи кадилзутири.

Школализир дурси аги ва имцІаливан бегІтани нуша кигъмачил дуки дашахъулри. Нуша биалли кигъми дуки дикесцун ахІенну, илди дирхІяхъесра устни сарри. Цалисалра хІейгахъи сунела кигъа урухъиубли. ЦацахІели нуша кигъми багъандан къалмакъарлизи булан диркира. Амма гъимдукІили дахъІи хІедуира. ГъимдукІиниличи пашмандиубли, дукаркІути анцІбукъуни дахъал дири. Курла музализир биалли нушала кигъмас къарра лерри. Гъайла къантІа, нушала кигъмира цІерхъидирулри шурлизи кабалтуси тІярхъира мурхъбикІулри.

Ахирра шурлизи кабатурси тІярхъила мурхъдеш кІел декІличира-сера абикиб. ТІярхъи гІурра мурхъбарес дигулригу, мегъла тІерхъаличил къухІдизурли дучес къиянни сабри. Нушала марси насихІятчи адавзи Ибрагъимхалилтира тІярхъила мурхъдеш биур или буриб. Ил шурми даргиули, дубуртазир гъундури дируйхІив дургъбас гъалав узули калунси уилри. Илини вералидиркъути цІудара янсав чердикІиб. Гъунар итилти янсавлайчиб илдала камси биаллира, илдачил узухІели къутІ-вякълиур даргуднила урехи камси сабри. Тупла хІярализиван дебадарибти янсавлизи цІадушес нушала биксфордла гъимирра аги. Ил багъандан нушани шурлизи батурси тІярхъила бухІна мегъла мурчІличи бергурси кагъарла силтІа кабихъира. ТІярхъилизирти янсавла чеди бамбара, салтІа гІянжира, дибгІяндарибти къаркъубала бетІура кадяхъили гІергъи, халаси къияйчил кагъарла силтІала бухІнабси мегъла мурчІ дурасира ва силтІала бухІнабси гъярцІа тІярхъилизи янсав какъурра. Гъайгъай, илхІелира нушаб гъуни чебиахъуси адавзи Ибрагъимхалил сайри.

– Агъ, дурхІни, курлизибси хазна ургабилики, хІуша-ургар къалмакъар детхІеэсара? Набра пай биридаяв яра «ХІу ухъна сайри» или, пайлахІерили валтарав? – дерхъибти супелтаувад пишяхъили, викІи адавзи Ибрагъимхалил. ЦацахІели наб «Иш нушачил хІязтаиркъуси ургар къалли» или булан

гъанбирки. Амма иличи дирххIерес сабабра аги, сенкIун илисра кур гъаргбарес нушаб хIябалван дигулри.

– Баргибси лебилра хазна хIези буртIахъехIе, – итмадан сунела уркIиличибси буриб лесла дублабси бахъхIила кIидерхIла юртлизив нешличил хIерируси ХIябибли. Илдала юртла мякълар дирутири гъалабла къалала къапу. Илдала юртла мякълаб саби «Хъаршила къапу» бикIуси мер. Илар гъанна къапула къел-хIерзилра агара. Шила Советлис юрт барес багъандан къаркъалис дехъубтири бикIар илди къапу. Зурбаси миглизирад дарибти илди къапу Ибрагъимхалилли виштIали вирухIели чедаили уилри.

– Синка кабушили гIергъи бирар гули буртIуси! – ургавхъун илини бурусилис хъаршан ГIусман.

– ХIу, гъари, поэт уилригу! – гъала хIебла берхIиван пишяхъиб адавзи Ибрагъимхалил. – ГъалакмайкIуд хIу, нушани синкалара анцIбукъ ибгехIе, – ГIусмайс хIули линкIбариб тямадани.

– Эйхъали, хазна нуша-ургаб бутIили, музейлизи се кабирхъутира? – паргъатагариуб ГIяшикъ шурла мякълав хIерируси Темирхан. Илала дудешра дергъла бутIакъянчи сайри. Илала михъирличир орденти дири. Дергълизир чедаибти къиян-жапала асарли ил жявли вебIахъиб. Сай Темирхайсра ил бара сай гъаниркуси. Наб къалли ишгъуна вири или гъанра иркули ахIен.

Баргиуси мерличи цIадушахъес Ибрагъимхалилли нушазивад бегIлара халасигъуна, сунела тухум Магъдичи хъарбариб. Се барес хIяжатсил илини Магъдизи аргъахъиб. ГIур илизи се бирусил сунезира бурахъиб. Гелар калунти нуша ца шурла гIела дигIяндикира. Тямадани сунесра мер баргиб. Ил вавалибяхъибси мяхIяулла къадалиу дигIяникилри. ХIеркI бетахъси вацIали буцибси музаличи хIерикIули, илини «шамшамтала» чIяжиулри. Магъдини кагъарла силтIализи цIадушиб ва сайра шурла гIеларти нушачивяхI вебшиб. ЦабехIли гурла тIамализибад мяхIкамдеш барес лихIбачи хъат някъби чедуцилри, цархIилти биалли, баргберд хIулба чебаэс дигули, шурла гIелабад дигIянали бекI гъаббакIахъили, шурличи хIербикIулри. Лерилра баргбердла тIамаличи хIерлира. ЛямцIличилси къукъулагъуна тIама гурбухъун ва, цалис ца ургадулхъули, нуша къуббала хъулчиличидяхI дуцIдухъунра. Метрлагъуна бабздешличилси шурла халаси бутIа шайчибяхI игъублири. Амма курла чедила гъаргбиубли ахIенри. Къукъубачив вашули, нушачи адавзи Ибрагъимхалилра музавхъун. Лерилра иличи хIердикIулра се бурул.

– Сецад къуватти биубли хъалли, дила дурхIни, нушала хала бегIтани гъатIи бабза шури курла чеди чебихъес хIебири. ХIебиалли, кур къуббала удиб буили ахIен. Нушани ил чинаб сабил балули ахIенра,--буриб илини, хала гъигъабалтули. – Ишаб кур агарси биалри, «Курла муза» хIебикIи. Хъулчи-алавси мер буркъес хIяжатбиркур. Дахъал хIянчи лер, дурхIни, нушаб гIурра ишар, – бекIли гъакIикIулри адавзи Ибрагъимхалил.

– Дашира, нушани иш шури гъачам гъатIира баргиэхIе. Белики, илхIели курла чедила гъаргбиэс? – викIар ГIябдуряхIман. – Итцад хIянчи барили, селра хIебаргили дуэс асухIебирар. Дергълизиб алхунтас памятник барес вирар нушани бакIахъибси иш авмузайзибадра. Удибси гъуйчи хъускабарес вирар, гъаймази бигъи. ХIяйдаровичли памятник барахъес икъалабиру. Ил урибси уста сай. Челябинкъуси Чедибдешла БархIилис ил балкъаахъес дирехIе.

– Юх, дурхIни, гъала-гъала курла суал бекIбирехIе. НушакIун дукелциличидирхъура, селра сархес хIедиубли паргъаткадиахIелли... – сунела

уркИилизисби децI дурабушиб се балбуцалра бегIлара жигарла бутIакьяндеш дирес хIядурси ГIябдулмуьминни.

Чисалра дигули ахIенри кур агниличичи къабуликес. Нушаван къакъавакIилри балагъла дургъби булан чедаибси адавзи Ибрагъимхалилра. Нушаб калунси ил викIуси баресцун сабри.

...Курла музализи шадив ну гъалавванра вякъунра. Ит нушани баргаибси шури гъаннара тебалри. Шимшали бакIилри. Нушани шурлизи кабатурси гIярхъила шалира хIясиббарес вирулри. Наб кур баргиънилизир бутIакьяндеш дарибти гъалмагъуни гъанбикиб. Илдазибад цацабехI гъанна нушала ургаб мицIирли агара. Амма дила уркИилизисб муртрил дила шан адамта жявлил нушала ургав агарси Ибрагъимхалилли бурибси хабарлизисби хала бегIтала курла къел-хIерзи дургниличичи бирхаудилис мер кавлули саби.

ИтхIели Курла музализисби шури баргаэс итдицад авара дарибти гъалмагъуназибад имцIатигъунти гъанна мицIирли агара, амма илди мицIирли лералтани хъумуртули ахIенра, чила-биалра мекъличир яра муръаличир къаршидикибхIели, курла музализичила гъайра думжули дирар. Шимшали бакIилри нушани баргаибси лесла халаси бутIара. ХIедиубра ил Курла музализибад хан гъуйчи бикайчи хъусбяхъили дурасес. ИшбархIила дурхIни сели биркъулил чебаэс нушала школализи вякъунра. Гъарилла кисализиб мобильник тебри. Интернетличил пайдалабирулри. Илда хIебалуси аги, ца нушани итхIели итцад къиян кабихъисби ва илизир дигIяндарибти жяв заманала ярагъ дикахъес итдицад авара дарибси Курла музализичила ахIенси. ГIямру дебали дарсдиубли сари. ИтхIеликIун нушазивад цалалра хъулиб телевизор ахIенну, радиоприемникалра хIебири. Дунъяличир кадиркути анцIбукъуначила рахли мага делчIес диркути газетабазибад яра гумаилизисб ихтилатбикIути бухънабазибад иргъусири.

Тарихли сунела дигIяндешуни мурт-биалра адамтас гъаргдиру, белики ит курлар нушани муэрли чедиути ярагъ дурхIначи даибси заманара бакIесгу...





**Патимат
МАЛЛАЕВА**

ЧЕРРЕРХУР

(Новелла)

Хамисла уркіилис гІяхІилри: виштІал узи хъайчикатурли, сари кумекриубли, – нешлис ца гъатІи масъала камбиахъниличи разидеш сабри ил. Гъамадли ахІенри къалли нешлис жявли цІуръабиубти хІябал рурси бекІбарес! Илдас хІяжатси тІалаббарес каряхІили, уршилис хъали тІашбатес ралкъІеур, илбагъандан халалгъуна рурси Хамисли сунела юртлизибад ца хъали декІарабарили, мекъ бариб, жагъил хъалибарг кабатур.

Хамисла мурул ревизор сайри, хъалицІа даресра, хъулибтас яшав гІеббуцесра илис къиянни ахІенри. БиштІати дуцІбикІес бягІуси гъаргара, хъулир шинра, юртла гъар гІямзилаб цагъуна ванадешра – къантІли буралли, гІямруличи разили хІербиэс лерилра шуртІри лерри. Илбагъандан кІелра хъалибарг уржили хІердирулри ил гъарзаси юртлизир.

Хамислис, хъалицІа умударес, дуббат балкъаахъес узила хъунул Зугъра кумекрикІулри. Зугъра медсестра сарри, ил санигІят Хамисла шелра урши-рурсилисра сунесра багалабирулри.

Узи Расулла ца-декІар хІянчи аги, ургади вачарлизи ихъулри, яра хъумала хІянчи дузахъулри. Илдирра гъархІедилзули, гъарахъти рейсаначи башути юлдашуначил араши. Гъачам дуравхъалли, баз-кІел баз чарулхъули ахІенри. Зугъра цацахІели нешличи араши, цацахІели хъулир кавли. Узис урши акІубхІели Хамис дебали разириуб ва, зангъдяхъили, бегІгъалаб илизи гІяхІла хабар буриб.

– Гъанна хъулрас мер асес арц дикиб, – иб цагъачам рейсличивад чарухъи, Расулли, – хъулри дарес цІакъ гъатІи бучес – ил саби дила къас.

– Къайгъибара, дила узи, Аллагъ икъалавиабну хІед! – иб Хамисли, узила архІя гъарбизниличи разили.

Расул сагали рейсличи арякъун. Уршира сарира Зугърас Хамис риубцад кумекрикІулри, урши гІяхІси беркайчил гІевуцес, ил халаваахъес къайгъназири.

ЦабархІи, базарличирад чаррулхъухІели, унраличирси ЖумягІ цугрикиб ва, ихтилатбикІули, гъайбиуб.

– ХІуни, дила рузи, бархъси барили ахІенри, узила хъалибарг хІушачи кабатурли, – иб илини хапли.

– Сен? – тамашадизур Хамислис илди гъай. – Нуни гІяхІси бирис или барибси биалли!

– ГІяхІси къалли барилри, амма – узи вегІла сайли хъалли, хъунул урхІла сари, муруйчира бахъ дебали бирхауди бихъес хъулчи лебси ахІен.

Хамисли сари секъяйда хъули сараибал хЕбагъур. ДецIагибдешли бекI изесбяхIиб, уркIи къизбухъун, баресиличи рархъхIерилзули, ца мерлар паргъатриэс хIерирули, чумал бархIи ардякъун.

«Белики, наб вайбаркълис рикIули рургар! – пикрирухъун Хамис. – Камлив, гъатIи, къяскабирути, бархбалгунти адамти чебаибхIели диргалабухъес хIядурти!» Амма илди гъайлис гIергъи муруйчи ва Зугърачи дигIянали хIеруди цакъбариб. Илдала шикъатIайзиб бехIсурдеш лебсиван бизур.

– ШайтIай се-дигара гъала дихути сари, адам гъирварес багъандан, –иб нешли, Хамисли сунела дард бурибхIели, – адатанира гъанна вайси эс бирули, гIяхIси ирули ахIенну, урхIла гъайлис гIергъи марашуд, дила рурси! БакъхIебакъили, чехIебаили, имцIаси дард уркIилизи хIебуцили, хIела дурхIни абикъес пикририкIен. Се –дигара бируси саби гIямрулизиб, къисмат сегъуна уббухъалра ил хIясибли! ХIу чус гъатIира гIяхIкарии, цахбизурли, гIела битIакIес асубирарну!

Нешла гIякълу чесес дигули хъалли, Хамислис ил барес челис-че къиянбулхъулри. ХIисабдарести дахъдикIулри. «Наб гъанарути дургар» или, гъарахъдарес риркънилизиадра гIяхIдеш бетарули ахIенри. Муруйчи рирхIусил, узила хъунуйчи рирхIусил, – шел дурхIя гIутIубаресра дигули ахIенри, гIур баресиара балули ахIенри.

– Агъ, сунес хIялалдиъ, хIела узила хъунуйс! – иб цабархIи муруй, разиси тIамаличил.

– Се? Се ири хIуни? – уркIрухъун Хамис.

– Черетаибси, бареси-батеси балуси адам сари. Ца илини дирцибти учебуш чедаадри, севан цIубдарилил!

Хамислис дунгъа цIяббиуб. Сунени се бирулил хIебалули, хъулирад дурарухъун. Дураб забли ургъулри, азбарлаб забла шинна шара учибикилри. ТIаш-тIашризури, Хамис игъубсиван Зугърала хъули рухIнарухъун.

– Дурарухъен хъулирад! – вявбяхъиб Хамисли.

РачарархIбси Зугъра, уршира някъбази касили, ита-ишарухъун, дайхъулир хIякризур.

– Къалабали дурарухъен! – Хамисли гъалар далдикибти секIал касили, дура иргъесряхIиб. – Дашахъен хIела сиркънира, хIела къантIа юбкабира! – вяврикIулри Хамис, някъбау бикибси дура иргъули. – Ихди хIела учебушра, дила муруйс тамашадизурти! – ахъбуцили халаси бергараг шарала бухIна игъуб.

Зугърани, се бирусил хIебалули, дурарухъесра хIерирули, – унзала гъалар Хамис тIашли, – хъулир калесра урухIули, хIилхIи дурабушиб:

– Хамис, хIу гIяхIси адам сарригу, се биубли хIед?

– ГIяхIси рикIуду? Дебали гIяхIсира! ИмцIякъ гIяхIси руилра! ХIугъунтани дукелцIиличи рихъесли гIяхIси руилра! Сен аъряхъибсири? Дурарухъен! – Хамислис Зугъра пишряхъибсиван бизур, илала някъбазивси уршира сунела узичиван ахIи, муруйчи имцIали мешусиван изур...

Хамисли, цIумрухъи, уркIиличи някъ чебуциб, багълали ванзаличи хIусрухъун...

Больницализиб буриб инфаркт бетаурли саби или. Тухтуртани ахърибкIуси бариб, сепайда...

* * *

Хамисла неш Зайнаб рурсила юртлизи гечриуб – дурхIначи хIеруди барес гIягIнилири. «Ва дила игъбарагар, бахъ дебали тиладибаррагу сабур барахъес, сунела биштIати багъанданалра, – гъамадлив наб гъанна ишди цIуръабачи

хЕррикЕес!» или, рисра рисули, дурхІни балкъарахъулри, халати – школализи, биштІати – садиклизи. ДурхІнала дудеш ХІябибли хІяжатси бихулри, дурсри дирахъулри, амма Зайнаб лерси хъули ухІнахЕлхъулри.

Илкъяйда дус кабикиб. ЦабархІи, ХІябиб хІянчилавси замана, Зайнабла урши Расул вакиб. Ил дебали хумарли кайзурлири. «ЗягІипикили хІейэс?» или Зайнабла уркІи къакъабакІиб.

– Неш, гъанна хІу ишар ралхЕериркуд, хъули раши, – иб Расулли.

– Сен викІусири, дила урши? – хъарбаиб Зайнабли.

– ХІябиб хъайчикайрули сай или бакъира.

Зайнабли, сунес хІейгибизни чебхЕебагъахъес къайгънариркъули, иб:

– ГІур се бируси! Ил бетарни якъинси саби. Ну биштІатачил парх руус.

РакІибсини дурхІначи сегъуна хІеруди бирул – чили бала!

– Неш, хІуни балулрив, чи сарил леркуси – Зугъра сари бикІулигу! – иб Расулли.

Зайнаб уркІрухъун. Даргъаррухъун, кариркули хІилхІи калун. Расулли неш руциб ва иб:

– Каса хЕла ваяхІра, раши, дякълаб машина хебну.

Чумал бархІила гЕргъи шилизиб хабар ахъбиуб: ХІябибли Зугъра карили сай.

ДурхІнази хъарбиулри Зайнабли, сунечи шадиб бакІибхЕели, «Сен-сен хЕрдирулрая, убайнешли дирхъулив, дудешли вявдирулраяв?» – или.

Илдани уркІи къакъабакІахъеси бурули ахЕнри ва Зайнаб паргъаткариулри. Дусцад арбякъунхЕели, биштІатани хабар хиб: «Нушала гІурра узира рузира кЕб!»

Замана аркъулри. Халатигъунти кЕлра рурси ца дус ургабли хъаллабариб. Илди шадиб кили, сунела учибкибси Зайнабли савгъатлис бедиб. «Аллагъли дихІябая!» или гъуниббалтухЕели, балга бариб.

ХІябибра Зугърара шагъарлизи гечбиуб, барх биштІатира арбукиб, кЕл – чула, кІилизанти, хІябал – Хамислизибад акІубти. Зайнабли тиладибариб цалра сунечив ватахъес, амма илис дигуси хЕебариб. «Чула чули бекІкабараб, хЕд дахъал авара селис хІяжатлив?» или, гъамтани маслигІяткабариб.

ЦабархІи Зайнабли аргъиб ХІябибла ва Зугърала кІилизантазирад ца, вецІу верхІра дус риубси рурси ретахъили сари или. УмцІули, хъархъарбикІули, гъар мерлаб ахтардибикІули хъалли хЕраргиб, Зайнабла уркІи ил рурсиличи къакъабакІиб, «Чинар вара, се бетаурлира?» или, чуйнара пикрирухъун.

Чумал дус ардякъи гЕргъира, рурсила къел-хЕрзи агарли или, гъайбикІули лебли, «ХІябиб хапли таманкайубли сай» ибси хабар ахъбиуб. «Рурсила децІли арухиб», – бикІулри адапти.

«БегІлара балбикибси саби!» УркІиличи бакІибси ил пикри Зайнабли къалабали гъарахъбариб. «Астагъпируллагъ, бусурман адамлис асубирусив цархІиллис вайбиубхЕели разивіэс! ПяхІли бетакъи, гъирбикІуси илбис!»

Дусми дуцІлири. ЦабархІи буркъунза ракІибси Салиматли гъанбушиб:

– Зугърасра вайси бетаурли буилигу!..

– Се бетаурли? – хъарбаиб Зайнабли.

– Чина-сабил аркъули буили саби, гъамти цалабикили, ретахъибси рурсила мер багъурли. Гъуйчиб машина ругъяхъили, Зугъра гъай агарли хер бикІар...

Дусличибра имцІаси замана бикиб. Зугъра ца тяхІярличир, гъайхЕерикІули сари или бикъулри Зайнабли.

Ахирра Зайнаб сарира зягиприкиб, гъамти учибикиб, шагъарлизибад Хамисла уршиби бакИиб, тухтурти киб, дармунти тIалабдариб.

– Машааллагъ, гIяхIси арадешла регI руилри хIу, дила Зайнаб, хIела гIямруличив зягIипхIейкили чи кавлуси? Гъанна жагъилталара арадеш агархIели! – ирулри бухIнабухъунтани.

ЦабархIи Зайнабла хъули къугъаси жагъил адам ацIиб. Зайнабли ил цайналра чеибси ахIенри, амма ХIябибличи мешуикиб.

– Сен сарри, хала неш? – или, мякъла кайиб ва иб:

– Детаурти анцIбукъуни нуни къанни дагъурра. Ну вакIибсира хIечи тиладиличил, дила неш-дудешличирад черрерхахъес, илди хIялалбатахъес.

Зайнаб шакрикиб вакIибси ХIябиблара Зугъралара урши виъниличи.

– ХIела нешлира дудешлира набзи бахъ къутIкъуси агъу бержахъибси саби, дила урши, черрерхес хIерирус, – хIилхIи дурабушиб Зайнабли руржуси тIамаличил.

ВакIибси урши айзур, хъуливад ветсадухъун,

Зайнабла мякъла гъамиубли, къукъубачиикиб ва иб:


– Аллагъ багъандан хIялалбатигу!

Зайнабла хIулбазирад нургъби гердухъун.

– «Аллагъ багъандан!» или тиладибарисси хIебарес асубирусси ахIен бусурман адамлис, – хIялалбаиб! – иб Зайнабли, – ХIуни къасбара цархIиллис децIагеси хIезибад кахIебикахъес!

ВакIибси урши ахъиуб, гердикIути нургъби душкес Зайнабла някъ абаахъес ахъри агарли чебаили, сунела явлухъли нургъби душкиб ва иб:

– Баркалла, хала неш!



Проза



**МяхІяммад
ТАХСУРМАНОВ**

ДИГАЙ

(Хъарахъуд)

Илала гІергъи Мусара ПатІиматра гІяхІцадхІи къраршиХебикиб. Муса дубурличирти совхозла мицІирагличив тухтурлис кумекчили узурли. ХІянчи демжурси замана сабри.

Муса узуси дус заб-марка, кахти хъябхъя, къркър-лямцІ имцІадиуб.

– ГІямру дебали тамашала секІал сари. Илди дархъли деркІес багъадли – илди гърли-марли алжанагъунти сари. Кърайгъибара гІямрулизив кърардХевхъес, – гІякълуми, насихІятунни дурули сай вахъХила хІяйвантала тухтур БяхІяндли. – ХІед иш гІямрула школа саби.

БяхІянд – ахъси къраркър вегІ, кърян-жапа гъамадли чекасес вирусни адам сайри. ХІянчи заманаличиб ва чебетаахъили бируси, челябкъуси гъала хили пикрибируси, сунела санигІятличи дигиличил ва жавабкардешличил хІерикІуси, чекайзурси ва кагисби гъабза сайри.

– Барх илдигъунти хІянчизарти биалли, узес, гІямру деркІес се –биеса? – пахрубирули сай Мусанира сунела насихІятчи БяхІяндличи ва мицІираг адилкърантаци.

* * *

Муса дубурличибси хІяйвантала фермализив кали, БяхІянд – районнизив тухтуртала совещаниеличи аръякун. ХІера, ил бархІи хабарра агарли чумал хала хІяйван изесдяхІиб.

Муса уркІкавхъи, анарханариуб.

– ИшбархІи изес калунтирив хІуша?! Фермализив тухтур агара. Шилизивад ил вакІайчи хІяйванти дебкІесра асубирар. Се бируси? Се баралра хІяйванти дерцахъес бажардидикес гІягІнибиркур. ХІерикІули хІяйванти дебкІахъес датес асухІебираргу! – урхъулизи хІуркІбиван чедашути пикрумани Мусала бекІ бархахъилри, гамуш кабихъунХели шарала шинван бамкърлири.

– УрухмакІудну, къралабали дармунти деда, – уркІичеввариб ил вахъХила дукикъряна ХІясбуллагъли.

ХІясбуллагъ – гъл дус мицІираглис къруллукърбарисби, илдала мез далуси, бухъа-зегъа дяркърурси хІурматла дукикъряна сайри.

Илдас дармунти дарес хІейгулригу, амма Мусас гІур бареси аги: хІяйванти дерцахъес чараагарли гІягІнилири.

ХІясбуллагълизи кумекра барахъили, Мусани хІяйвантас дармунти дедиб, илди цакадар черсакІуб.

Лерилра хІяйвантас дарман хІедаиб. БархІи ахъиб, цІяббирес бехІбихъиб. ИлхІелира БяхІянд фермализи чарухъи ахІенри.

– ХІясбуллагъ, дармунти керхурли сарину, ну шилизи аркъяс. БяхІянд къалабали урхъис, хІяйвантаци хІеруди имцабара, – хъарбариб Мусани, ва сай гъалаксаурли шилизи ватихъиб.

Заб-маркали делкъи, вава-къарли кІапІдуцили хамдиубти дубурти, хабарра агарли, бархІехълис багъарбиубси зумаси дирихъли, неш гІяргІяли чІикІниван, кІапІдуциб.

Зубрала хъанцІдеш хъярхъли цІябдешличи шурбухъун. Дирихъми дягІван уфдикІули арцур. Шинни дицибти цІудара гъагулти дубуртаци чекадиурли. Дирихъмас гІергъи дягІбухъун. Ил хъярхъли бурямличи шурбухъи, цІиркІли тІамаличил шятІбикІесбиб.

Адам гІянцІиести, уркІи урухбиести кахти къукъу-рямкъяр дехІдихъиб.

Къукъу-лямцІла вякъяръала илцадра цІакълири, хІятта верхІдехІалра мусни-зубри ванзаличи кайгулира или гъанбикеслири. ЦахІнабли лебилра дунъя булъусигъуна сабри.

Даргиути тупалагъунти къукъула кахти тІамри гъачамличир гъачам цІакъдикІули. Хъярхъти чяхІ-забла къири чина-дигара биурли.

Къукъули гъачамличир-гъачам дубурти гардардиурли, шурми чІякъярдикІахъулири.

Кахси лямцІли лебилра алавла шалабиурли. Дубурла бяхІлизибси балкІунси дякъкад лявкъуси Муса, шаралав герарибсиван, вемхІур. Гъачам каркули, гъачам алзули, гамушван чятли вясун.

ЦІябси дуги чебигъунси дирихълизив Муса чуйнара чеввалкІун, чуйнара хъинжличивад увяхІикиб.

Житали хъябшдарибхІеливан, дяхІ-някъ, къяшми хІили руркІулири, бекІ варгъиван кабизурлири.

ЛямцІла ургили алавла шалабарибхІели, Мусани вацІала бухІнабси дякъ баргиб ва иличивад къалабали ватихъиб. Дунъя белхъахъусиван, къукъули тІамадиурли сари, дубуртала лусенти даргиусигъуна тІамаличил Мусала мякълабад лямцІла урги ванзализи бухІнаберхур, ванзалис халаси ва мурхъси «дяхъи» бариб, Муса биалли, аваракъ урчили мурдаван, ца шайчи лайвакІиб.

ГІяхІцад замана дикили гІергъи, хъярхъти чяхІ-забли, цІиркІси дягІли Муса къагъдешлизивад чеваргъахъиб.

– БекІла аргъала лералли шилизи каэс, дармунтачил БяхІянд къалабали хІяйвантаци вархъес, – ибси сабри Мусала бекІлизиб хъумартес хІейруси пикри.

Мусала къаркъала бамсурлири, варгъи бетаурсигъуна бекІлизи къагъдеш чедашулири. Мякълабси галгала къяли бячи, халаси къияйчил ахъиубли, ватихъиб ва чумал ганз кацІиб. Ватихъес хІейуб. БекІлизи сагадан къагъдеш чедашесдиб.

* * *

Кахти кьукьу-лямцли тирхьдурхьахьунти мазала кьукья дубурла бяхкад бебшиб. Илдас гьергьи, чула гьядат барили, дурзамра бебшиб. Дурзамлис гьергьи буклунира дуцбухьун. Хулбази кьузбирули хьалли, селра чебиуси агара. Чина аркьулил чебиуси агара. Биклуливан, бец мурулла дуги саби.

Ахьси хьинжличивад берхьибси хьитаван кайкибси Гисас сунела удиб кантиси секлал гьанаур: уркулухь хьярхьли ца шайчи герухьун.

– Дибир! Дибир! Къалабали иша ваши! Ишаб беклибсил, бусусил жанивар леб, – вебкесли уркулухьунси Гисани сунесра хабарагарли вьвьиб.

Каркули, алзули, Дибир хилхли ила саиб. Иличил барх, ца талихлисван, кахси кьукьу-лямцла ургили цьядеш, дисли бухьмуйван, гьяраили, ил мер шалабариб.

– Иш – иш-кун Му...са сай! Ишис се бетаурсив?! – кахти пикрумала варачан Дибирла беклизи бухнаберхур.

– Муса, Му-са! Буклунани уцили гашватур, амма ил гурра хилгли кайкиб.

Муса урехила хьйзив чеибхели, буклуни кахти пирумази гелакиб.

– Гьал дус буклуй узулра, амма ишгьуна балагь гьачамалра чехебаира, – цумухьун Дибир.

– Адам гьар мурталра гьядешличи хьуликлар, кьисмат биалли иличиб дукарлар, – децлизи икиб ваххилила буклун Гиса.

Мусала бек гьачамлис кьагьли сабри, кьяшми каркардиклури, илди беклил удирхьули ахенри, хулби чедихили, вайти рангли вяхили, чилра валули ахенри, бурибси иргьули ахенри.

Мусас илдала суалти муэрлизирван бара гьанарулри, амма гьайэс вирули ахенри, жаваб чарбатес ахьри аги... – лямц... хьй...ван...ти... дар... мунти... кум...мек... Бхьанд... – илди чумал гьай дазуагарли кьакларад цацали дурадикиб.

– Мажид! Камалудин! Мазаличи хьерья! Цахнарли хулбира лихбира детаэс чебиркур хлушаб нуша чардурхьайчи. Муса арукили, нуша шилизи аркулра. Халаси мусибат бакли саби. Тухтуртачи ветаахьес гьагьибиркур, – хьарбариб буклуйчи, ва чули дубурла катруглизибси, чичалаван балкунси, чятла рамкьаурси дякькад, гьачам цаличи, гьачам итилличи яргаирули, цацахели килинилра урцули, Муса шилизи ветаахьиб.

Савли, дагьа белхайчи, Муса хьули ваахили гашатур. Илавра ил гашли уули ахенри.

Беккесли уркулухьунти неш-дудешли, хьуцрумизивад уцили, дурхьа кроватьличи кайхьахьун. Мусала вьхлизир, някьбазир, кьяшмазир – цахнабли кьаркьайзир хьабшдарибти, гьяркаибти, хили дясунти дяхьурби чедаибхели, неш-дудеш леблеб уркулухьун.

Хьулирти тама-гьамаличи савлила муриси гьанкли бусути Мусала биштати узи-рузира чебаргьиб.

– Муса... Муса... хед се биублив? Се бетаурсив? – руржуси, симкь бухнаси тамаличил, нургьба дицлибти хулбачил хьарбиулри неш-дудешли, мякьлаб кьуткьули бисулри Мусала биштати узи-рузира.

– Неш. Наб сел...ра. Дар... мунтира ардухахили, тухтур Бхь... янд фермализи вархьаая. Зьгипти хьйванти... иклар... дубурличир, – хилхли буриб Мусани, ва гурра хулби чедихьиб, гьанна сунела чебла таманбарибсван, гьар секлайзивад сай мурахасвиубсван.

Муса сунела рурцути, изути дяхь-хьасличила пикрииклули ахенрину, совхозла хьйвантачила кьакьаиклури.

* * *

Байхъала сягІятла гІергъи Дибирра ГІисара «скорая помощь» кили бакІиб ва Муса районна больницализид арукиб.

Муса больницализид 15 бархІи калун. Сагъкайубли дуравхъун, багълабагълалди къунзикІули, дяхъурбира сагъдиуб.

Бетаурси багъурли, БяхІянд Мусачи, неш-дудеш чебаэс вакІиб.

– Муса, се вайси, хабарагарси мусибат бакІибсид хІечи? Нура агархІели, хІейгести балагъ-къадарлизи викилригу хІу. Къукъу-рямкъ, дахъдаибси манзил къаршиикилри, дила виштІал узи. Сен-сайри гъанна? Къулайкайубли ахІенрив? Гъар се-секІайс гІяйибла вегІ ну сайра, виштІал узи. Чевверхи набчивад. Белики ну къаршиикибси виасри, хІу ил вайси анцІбукълизи хІейкесра асубири, – иб тухтур БяхІяндли.

– Ну атхІекІубси виасри бекІлил бетхІери. ГІяйибла бегІти ишди дила неш-дудеш саби, ну варкъибти, – дукарвахІиб Муса, хІяйвантала тухтур пишяхъяхъес дигули.

– ХІебиубси биалри, бахъ ГІяхІсири. Иличил селра цугхІебиркур. Биубли гІергъи, Амирханра Раисатра, децІана мадиркъудая, пикримадикІудая. БикІуливан, адам алкІукад адамли алкІуси сай. Илгъуна сай хІушала уршира. Тамай серхурси, семцІурси, халадеш агарси, сунечи хъарси заманаличиб ва чебетаахъили таманбируси, адамдеш лерси, цІала тІякъгъуна урши сай.

Къияндикибси мерличив, шиннизибад бятІван, дураухъес бажардииркуси гъабза сай. Совхозла хІяйванти багъандан Мусани барибси гъунар саби.

ГІягІнибикалли хІушала Муса цІализи тІяхІулхъан, дубурла багъбиубси варачайзивад ветахъиркур, бецІла хІузирад цІа дурайсу.

ГІяхІси гъалмагъ дулекІла узилити улхъан. Мусани барибси нуни гІямрулис хъумхІертис. Нуни ахІенну, цахІнабли шантанира совохозла хІякимтанира.

Мусас хала хІяйванти дерцахъни багъандан, совхозла дирекцияли баркалла багъахъур ва мургІила сягІятличил шабагъатлавариб.

– Баркалла биаб хІушаб, ахІерти неш-дудеш, ишгъуна урши варкъенилис, айкъенилис, вяркъенилис. Ил урши хІушалацун ахІенну, шанталара жамигІятлара сай, – гапла гъай дуриб БяхІяндли. – Агъ, иш тІабигІятлара къяркъедеш! Сегъуна балагъ бакІибал ванзаличи! Ил дяхъи-хъаслизи бикахъили, халаси палакатдеш бариб. Адамтира балагъ-къадарлизи бикахъиб, мазала мас, хІяйван-къача талапдиахъуб, – децІла гъай имцІадариб тухтур БяхІяндли.

* * *

Итни бархІи Муса, цакъадар кепагарли, хІянчила хІявкъи калун. Илала дурабадра, дуги-хІери тІашагарли урзули, авлахъ шараурлири, гъар чинаралра чятла рамкъни сарри.

Шила библиотекализирад жузи сасили, хъайгІи чурулхъуси Мусара дурси тамандиубли школализирад хъайгІи ляркъуси ПатІиматра дяхІ-дахІли къаршибикиб.

– Се бучІулри, Муса? ХІед къулайли саби, имтихІян агарли. Къарчигъаван шадли, азадли къунзикІес, шадиб-гъундури дирес, – ил мяштІвариб ПатІиматли.

– Гъалабван ГІяхІмадхан Абу-Бакарла «Даргала рурсби» бикІуси повесть белчІунсири. Ил наб дебали гІяхІбизур. Илала «Къалаларси рурси», «ДигІянти белкІани» сасира. Институтлизи керхайчи илди делчІес дигулра. Вари или

марикӀуд, ПатӀимат, ишдус институтлизи «шула» кьиматуначил имтихӀян дедес кьас саби. Акьуси замана учӀулра, делчӀунти тикрардирулра, масъулти ирзулра – ишдус илдас (преподавательтас) мутӀигӀхӀейӀӀс, конкурслизив бажардиикес, – цулбира хункӀира чӀумадарили буриб Мусани.

– Наб математика тамай бушинбарес дигулра. Ил мутӀигӀбарасли, дилара гьар секӀал гьардилзан, – рикӀар ПатӀимат.

– ПатӀимат, нуни хӀези буррагу, математикалис кумекбирис или, хӀуни сен...

– Нушала классла уршби-рурсби ишбархӀи математикала имтихӀянтачир ирзутигӀунти кьиянти масъулти арзес школализи цалабиркути саби вецӀну верхӀра сягӀятличиб.

– Нура льявкьяс: хӀушазибад сагаси ибсира багьиша, хӀушаб кумекра баришану.

– Марли льявкьяду? Вари вакӀи... ВецӀгьибил классла хьали. ХӀу учӀули калунси класс. Ну кьанрирулра. Гьу, аркьяс.

– Рукьен. Певкайус. Школализи ахӀенну, хӀу лерихӀи ну чина-дигара – хьанцӀ урхьнази, буцӀар цӀализи...

ГӀяшикьси Мусас дигусира ил сабри: ПатӀиматличил уркӀи-уркӀилавад гьайухьес, ил аркьна укьес, илизи сунела уркӀи бурес, илала суненира багьес.

Муса школализи вакӀибхӀели, вецӀгьибил классла дурхӀнани масъулти ирзулри, сагь-саламатли жалтабиркьулри, мирхьила тӀакьаван бучӀулри класс. Барх имтихӀянтачи хӀядурбикӀути, талихӀчебти, вава-кьарван балгунти, бац-берхӀиван ванати ва шалати дурхӀни-рурсби чебаибхӀели, Мусала иштӀхӀ акӀуб илдачил варх сагали парталичи кайӀӀс. Илдачил варх ихтилатикӀес, сакӀубли жалта иркьес, сагали имтихӀян дучес.

* * *

– Гьа..., Муса! Ваши, ваши! Сен гӀяхӀси баррил вакӀили! ХӀера, иш масьалала черкад пикридикӀулра, хьашниван жалтадиркьули, букӀри демдахурлира, – Мусас разили гьунибаиб 10-ибил класс таманбарибти.

Муса чеили, ПатӀимат разириуб. Ил разидешла рамч чархла азиралра биркӀайзиб ламбухьун, амма илала цӀуба дяхӀличи хӀунтӀен рангла лямцӀ, урхьула рамчван хьярхьли чедиберхни багьеслири, биалра, цархӀилтази хӀебагьахьес халаси кьайгьи бариб.

– ПатӀимат, хӀера, Муса вакӀиб, – някъ кьужбариб мякьла кариибси, белчӀудилизир гӀяхӀил бажардирикибси, бицӀибси кьаркьа регӀ, хьанцӀа хӀулбар Сайгибатли.

Муса кайиб, масьалала бухӀнабуц белчӀун, мягӀна аргьиб, ил ирзути тӀхӀуртазибад бегӀлара гьамадсигьуна чеббикӀиб.

– ИмтихӀяйчибра ишгьуна масьала бакӀалри се биишира? Иш масьала арзесван, чудни-хинкӀа укесра гьамадси биалри! – дукаряхӀиб Муса, пархдикӀути, разидешли ва талихӀли дицӀибти хӀулба классра чедибирхьули, ПатӀиматличира хӀерикӀули.

Илдани дегӀлара кьиянтигӀунти шел масьала арзиб.

БархӀи ахьиб. ЦӀябдешла дуклума дубурла ши кӀапӀбариб.

– Гьу, гьанна диур арзибти масъулти. Рурхьуси шангларти гурзиван букӀри демдурли сари. Лерилра ишбархӀи-декӀар арзес хьартив? Дамсурти букӀрас паргьатдеш бедес, мехӀелизи хӀелбагьахьес, дучӀутачи бекӀлил пикрихӀедикӀули, камси замана беркӀес киноличи аркьехӀе, – иб чилирил.

– Киноличи дак!ес дигути клубла гъала цаладикая! – т!амадариб царх!илли.
– Имтих!яйчир наб г!ях!ти кьиматуни дак!ахъес Аллагълизи дулгадалли, нуни х!ушаб лебтасалра киноличи билетуни исис, – масхара буриб «х!ябла» кьиматуначил уч!уси Бях!мудли.

Муса доскаличив г!урра масъулта ирзулри. Доска класслизир к!ел лерри. Масъулти делк!унти хъайг!и арбашулри.

Доскаличивад шурухъи х!ерик!алли – класслизир, берх!иван ухули, Пат!иматцун калири. Илини гъачамлис доскаличирти делк!и тамандарили ах!енри. Илди делк!и ралкъаэс илцад-дек!ар сарира гъалакрик!ули ах!енри, урк!илис къабул гъалмагъ класслизив левх!ели. Пат!имат масъултира делк!и, тетрадунира жузира портфельлизи кадихъили, партабала ургарад ратрихъиб. Муса биалли, столличи мелра кабихъили, г!ягали някъбира душкили, иличи дях!чили т!ашизур.

Мусара Пат!иматра цалис ца дигули хъалли, чула х!ялани гъаргдарес бирули ах!енри.

Илдала разидешли пархдик!ути ва талих!или ламдик!ути, дигайли лям!дик!ути х!улби цаличи-ца милигли вякъдизурлири.

П!яшикъти х!улба итира шаласи класс гъат!ира шалабариб, ванабариб.

– Гъу, раши Пат!имат, гъанна нушара аркъех!ену, чякали дурх!ниван, нуша дархъкадатурли, х!елара дилара балликъянаби арбякъи саби.

Мусани, сунела тимхъбик!уси буц!арси урк!иличил, гъалаксаурти някъбачил Пат!иматла ниъван ц!уба, бамбаван к!ант!ити, ц!аван дуц!арти някъби дуциб – илала някъбала ванадеш, урк!ила буц!ардеш Мусала къаркъа азиралра бирк!айзи т!инт!биуб, итира жагъдешли дуц!ардарибти х!и гъат!иралра демжур, гъалакдиуб.

Жагъси, рикъурси исбагъи рурси, макълат!исли мегъван, сунечи рит!ак!иб ва мурили уммайрариб. Урк!илис дигуси исбагъи уммайрирух!ели, Мусала урк!и дурабикесли къут!бик!улри.

Мусани сунечи гъажрарибх!ели, Пат!иматла урк!и миршлиубси к!анралаван т!ут!убиэсли тимхъбик!улри.

– Му-са, Му-са, се бирулри х!уни! Адам лявкъянгу...! Ц!ахли ах!ену х!ед! Уввац!и! Раткааба! Мусала халати ва ц!акъти някъбазирад уррерхес рируг!ер къайгънариркъулри, илала михъирличи някъби ибкъаили, тямхъяррик!улри.

Х!ера, ил Мусала келпатангъунти някъбазирад хапли ратрухъун, класслизиб портфельра батурли, хъярхъли коридорла унзала гъалар т!ашризулри. Пат!иматла портфельра касили, х!ярх!яли вяхъибсиван, илис г!елавад Мусара дуравхъун.

– Черрерхи, ах!ерси Пат!имат, хабарагарли бетаур. Гъандуцес х!ейубра. Дигайли ламбик!уси къаркъа ихтияр набзиб агарли увухъунра.

– Пат!имат черрерхахъес, сунела убла агиличи рикахъес сак!убли къайгънаиркъулри, ца шайчивад халаси такъсир барибсиван урк!кавхъунси, царх!ил шайчивадра лебил дунъя сунес бикибсиван, алжанала вег!и ветаурсиван, харидешли виц!ибси Муса.

Виркъули-валцули, Пат!иматлизи някъра буцахъили, даршура риахъубли, илди хъайг!ибях! батбихъиб – шадти, харити, х!улк!ути.

– Хамис..., Хамис! Х!ерагу гъаннара чинаб буибтил илди?! Чучил барх бак!ибти жявлил хъайг!и арбякъигу! – шутрара биртахъули, лезми бухъанбит!ахъун мезлукъя Х!явани.

– Се биублив, гъат!и? Сунела гъалмагъуначи х!исабти арзес вак!или сай, лук!ути-дуч!ути тамандиайчи кали бургар.

– Чили хЈелуси Амирханхъала Муса? ЦАдикибхЈелира ил вирар, хЈаб укъуйхЈивра ил вирар, билхъа бируйхЈив ил вирар. Ил – чисалра мурталра манпагЈятси, серхурси, гапличи лайикъси, шила багъагъуна урши сай. Шантала къакъбхъхъ сай. ХЈечи хъархЈедикибти бекхЈедарили руэн. – Суктурариб Хамисли ХЈява.

ПатЈимат ца гЈяжаибси хЈяйчир хъайгЈи ракЈиб, киноличира хЈярякъун. Ублайчирра жявли карихъун. Класслизиб биубсиличила пикририкЈули, тамашара риубли, шайчирад шайчи мугълатагарли ласрикЈули.

Ил анцЈбукъ хЈулбала гъалаб гъаннара гъанарулри. Сецад или биалра, харидешли рицЈилри, хЈулбала гъалаб талихЈ гъанарулри, уркЈи, сагализиб белкъи вава-къарлизи геркабухъунси бугъалаван, аваданнири, шадлири, пахрули бицЈилри. Ил дигайли кепрарибсигъунари.

* * *

– ИшбархЈи набчив талихЈчевси адам леввара иш халал ва шалал дунъяличив?! Дила уркЈи бахъхЈи хъулбикЈуси, ну сунечи вахъхЈи карцЈси ва гЈяшикъси исбагъи кЈапЈруцира, – пикриикЈулри, ухъалаб гъанкЈ бемцЈурли, шайчивад шайчи геркайкЈули харидешли вицЈибси, талихЈла дуклумани кЈапКавцибси, риганайли кепкарибси...

– Агъ, гЈабигЈятли ПатЈиматлис бедибси жагадеш! Эркинси, аваданси авлахъличиб вавни-ургаб нуни ца жагаси вава чебиулра. Гъайгъай, ил вава ПатЈимат сари.

Масъултира делкЈи, ГЈяхЈмадра Сайгибатра барх хъайгЈи арбьякъун, ГЈяхЈмад хъар шилизив, Сайгибат хъар шилизир хЈербирулри. Биалра илди мурталра гъамли бири, имцЈаливан барх бири, амма бархъдеш кабилзахъниличи бетикибхЈели, сакЈубли жалтара биркъи.

– Сайгибат, рашигу киноличи аркъехЈену.

– Хебалас, хъайгЈи рукъесра гЈягЈинили саби.

– Билетуни асили, хЈерли вирусну, ракЈигу, Сайгибат.

– Гъу... гЈяхЈси, – ляркъяс.

Ил дуги киноличи бакЈибти чула классла гЈурра дурхЈнира рурсбира лебри.

Ахъси къаркъа, рурхЈути хъанцЈа хЈулбала, цЈудара дерхъибти нудбала, гъярцЈа райла регЈ Сайгибат сунечивра ахъси, белсунси цЈудара бекЈла, халати цЈудара хЈулбала, цЈудара ва дерхъибти нудбала, дягЈути хъуцЈрумала вегЈ ГЈяхЈмадли, мурили гъайикЈули, ванали хЈерикЈули, Сайгибат гъунирратур.

Адаб-хЈяя мурхъси, мурталра бархъдешгЈевли калзуси, уркЈецЈи-ряхЈмула, жагати хЈял-гЈабигЈятла гЈяхЈгъабза сайри ГЈяхЈмад.

Жагъдешла манзил, адамла гЈямрулизиб бегЈлара жагаси, шаласи, талихЈли парчбикЈуси, хЈи дуцЈарси манзил саби. Ил манзилла дайлав сайри ГЈяхЈмад.

Илини Сайгибатличи цаибти ва умути дигай дихъилри.

* * *

ДуцЈрум. Июньна ца. Ил бархЈи ПатЈиматла имтихЈян дехЈдихъиб. Цаибил имтихЈян сочинение сабри. Дагъиста миллатунала дурхЈнас ил къяянсира сабри.

Ил бархЈи выпускникуни ургубала гулвавначи мешулири. Илди вавначибра гЈагЈамли гЈембикЈулри. Мякълав ваикибсини халаси лаззат касесли, чучи хЈербикЈутала иштяхЈ-гъира акЈесли, байрамласун балкъаурлири.

Илдала дяхІлизиб разидеш пархбикІулри, кІунтІби пишдяхІилри, ляжуби хІунтІей ухулри, амма цацабехІтала уркІбазиб сегъуна сабрил къакъадеш ва урехи гъанарулри.

ИмтихІян дехІдихъибхІели, школала гъалабси майдайчи, улкъайти-унзурбала гъала къукънадли выпускникунала бегІти, узи-урши, гъалмагъ-тянишуни учибикилри, илдачи къакъадешли гъандуцес хІебирули. Чула къакъадешли илдас кумекбарес, гІяхІдеш барес бирутиван.

Илди-ургав жагали вегІиубли, харидешли виціибси, талихІли парчикІули лехІкахъибси Мусара леври. Амма ил цархІилтиван къакъахІейкІули, сабурлизивад хІевхъи, паргъатлири. Илини балулри, ПатІиматли урусла литература цалиничибалра гІяхІил бални.

Сочинениелис ПатІиматли «шула» касра касиб.

– Къучакъ, ПатІимат, дебали разивибра. Мубаракриулри! ПІурилти имтихІянра илкъяйда дедлугниличи вирхулра, – Мусани ПатІиматла някъ чІумабарили буциб, ил гъатІиралра уркІичеррариб, ва илала жагъдешли лямдикІути някъбазибад ванадеш касиб, уркІила разидешра дигира хІулбачирли делчІун.

Илкъяйдали ПатІиматли гъар имтихІян бедлугухІели, Муса халаси дигиличил ва иштяхІличил школализи вашусири ва гъар имтихІя къимат балусири.

Сари ПатІиматлара, Муса имтихІяйчи къаниалри, хІулби иличи умціи.

– ИмтихІян дедес араціайчи Муса чеасли, дила лебгІеб гъарбилзули саби, класслизи араціес гъалав наб ил къаршиикалли, гІевдухъла устали мегълис дебш дарили, шандан бетарахъуливан, дила уркІи чІумабирули саби, ну уркІичерриулра, агарти бирхауди-гъав дакІудирли сари.

* * *

Гъарил имтихІян бедибхІели, ГІяхІмадра Сайгибатра цали ца «авла», «шула» къиматуначил мубаракбирулри, цали ца уркІичеббирулри.

ХІябал имтихІян дедили гІергъи, гъарахъси махъилизир хІерриуси халаси рузичивад лявкъуси ГІяхІмадра ургубалабси хъучирад къарла махчерли чаррулхъуси Сайгибатра гъуйчиб къаршибикиб.

– Агъ... Сайгибат! Чинар къаршидикирал! Сегъуна гъарбизал! Сегъуна талихІал! Азир рангла вава-къарла ургубалар! Баракатла, аваданси ургубалар. УркІила гъав лябкъяхъуси, иштяхІ алкІахъуси, пикруми цаладяхъяхъес кумекбируси тІабигІятлизир.

... Сайгибат, рашигу цакамси иш къалтийчи, вава-къарла хІярлизи кадирехІену, – лехІихъусила хІяздухъесли, уркІи сунечи битІакІесли, устадешличил ихтилат бехІбихъиб разидешла урхъулизив куртІикІуси ГІяхІмадли.

Марлира, илди малхІямти гъайли, уркІи цали ламбикІуси, жагати хъуланани риціибси къуймурличи асарбариб.

– Гъу, ваши, камси-биалра хІелра багъиша, жягІял имтихІяйчи бухес вавнала халара баришану.

ГІяхІмадличил Сайгибат хІярлизи карииб.

– Гъу, Сайгибат, имтихІян дайхъудиубли сари, шукру Аллагълизи, калунтира гІяхІил дедлугехІе. Документуни чиди ВУЗ-лизи дедес пикрибарилри?

– Гъалабра бурирагу хІези, медицинский институтла педиатрический

факультетлизи дедес пикри саби. Наб биштIати дурхIни дебали дигахъис. Илди мурталра ва чинабалра ара-сагътили, цIакътили ва чIуматили, къиян-жапа чекасес, ВатIайс, халкълис гъарли-марси къуллукъ бирутили бетаурли дигула. Илдала арадешлис ГIямру багъишладарес къасбарилра.

– Нуни политехнический институтла строительный факультетлизи дедес пикрибарилра. Наб халкълис ванати, шалати, жагати юртани тIашдатес дигула. Гъар инса уркIи разбирахъуси бегI гъалаб хъулрани саби. Сайгибат, нуни кIел-хIябал хъалила секция хIедра пешкешбирис.

– ХIуни къалли пешкешбиради, хIечиб халати къуллукъла хIянчизарти къаршихIебикалли, хIези илгъуна ихтияр бикалли.

– Сепайда, ишди нушачи хIердикIути вавни къяйда цадалги, уркIи гъаргли ва мартили диэс вягIдаладиэс. ХIябилра тIагIямли лебкъалли, вавни-урга кайили ихтилатикIес.

– ХIерагу ишабси жагадешличи: умуси гъава ва пишдяхъибти вавни, саламдикIути арцанти, гъай-мез агарли, паргъатли лехIкахъибси, аваданси ургуба. Сайгибат, ишкъяйда дигIянали сецадхIи гъандурцутив?

– Замана баалли, гъар секIа дуклума ляркъян. Заманали гъар се-секIал гъунчидуршу, ГIяхIмад.

– Цаличи ца дигайла ва карцIайла хIулбачил сецадхIи хIердикIутирав?! ХIулбала ва някъбала лишантачил сецадхIи гъайдикIутирав? Илданира мез дагъесра замана баилигу... хIечи хIерикIули хIулби дулкIулигу, мукIурвакIиб ГIяхIмад.

– Дила къаршидеш агара. ХIебалас бегIти се бикIарал.

– Ил нушазибад дигахъу. Нуша дикIуси бетарар.

ГIяхIмадли Сайгибатличирад разидешли рурхIути хIулби черасес вирули ахIенри.

Вавни-ургаб кабили ихтилатбикIуйхIиб, ГIяхIмадли Сайгибатла рай-алав някъ алавбарили, кIапIруциб, сунечи ритIакIиб ва уммайрариб.

Сайгибатла цIакъти някъбани ил къужариб, къалабали аризур ва ца шайчи тIашризур.

ГIяхIмадра уркIухъунсиван къалабали айзур, пяхIиуб ва Сайгибатличи гъамиуб, илала хъуцIари буцили. «Черрерхи, Сайгибат, сабурбарес хIейубра» иб.

– Гъандуцесра яхIбаресра набра гъамадли ахIен, амма хIуни ил бирни хIебагъурра.

ГIяхIмадра Сайгибатра ургубала байлабси гъуникад хъайгIибяхI батбихъиб. Шилизи кабиуйхIиб илдачи дяхI-дыхIли Сайгибатла къариган ГIяликъадира илала унра ХIяжира къаршибикиб.

Илдани, ГIяхIмад урухварили, Сайгибат ратахъес пикрибарилри. Илди мяштIаби ГIяхIмадра Сайгибатра барх чебаибхIели, чяхI-забла хIеркIван бамкъур.

Къариган Сайгибатличи чедяхъес къас сабри, амма илис ил чеэсра дигули ахIенри.

– ГIяхIмад, урхIла рурсбачил шадив вашес мурт бурсивиубсирив?! – мискъилладиварили, дукарбяхIиб вайкъасла бегIти.

– Къас-къасли шадив къалли вакIибси ахIенра. Махъилавад лявкъуси нура хъучирад ляркъуси Сайгибатра къаршидикибтира. Рурсбачил шадив вашесра илдачил ихтилатикIесра дигалли, я хIушази я хIушагъунти цархIилтази

хъархлебиис! Ил хушани муртлисалра аргъая! – гЯмал биалли ГЯхІмадлис гъай-мез дигули ахІенри, жягІял имтихІян сарли, кеп буэс дигули ахІенри.

– Къадагъабирни хІебаладу хІуни гъатИ?! Къадагъа ахІенну, рурсби чебаибХІели, гІяраван, гъавулхъанирури хІу нушани! ХІезирад нушани гантир дирехІе, – илдани ГЯхІмад, хъяшаван, мискъилладивариб.

– Дила гъанбикли, илдигъунти муйли ахІенрая хІуша! ХІуша хъухъуби, усалти вайгъубзни саррая! – вегІличи бакІибси урхІличи хІякъян или, чІумадариб ГЯхІмадли.

– Се ири?! Муйли! Усалти ирив?! Иргъулрив, ХІяжи?! – гъатИра уцІариуб Сайгибатла къариган.

Жиндралавиубси ХІяжини бяхъес някъ гъакІбариб, амма ГЯхІмадли, балуй къяшли канилизи ванцІухъи, ца шайчи гератур. Жанивараурли, бяхъес льякъуси ГЯяликъадила хъянтІализи балуй някъли бяхъ чегахъиб ва ил ванзаличи чІикъитІун.

Айзурли, чевхъес льякъуси ХІяжила вяхІлизи хункІ чегахъиб: илала къянкъубазирад хІи парчдохъун (ГЯхІмад мушулвашнила шайчивси разрядник сайри).

Хабарагарси анцІбукълизир уркІрухъунси Сайгибатли селра барес, бурес балули ахІенри.

– Ну чилилра ва чизилра ратахъесли ахІенра. Ну багъандан чилра вяхІмяхІяб ва чилилра къалмакъар мадараб. Дила къайгъи нуни бирис. Ца класслизив учІуси дурхІялизи гъайХерикІусирав? Ил – дила къуллукъ саби. Ил хІушачи бекІлил хъарси ахІен. Ну ратахъес нура бажардириркус, – тІашаиб илди Сайгибатли.

* * *

БархІехъ, вецІал сягІят дикибси замана, Муса кроватьличи геркавхъи, жузли учІурли. Ил замана илини хъунул адамтала чІярла, ахъли гъайбикІути мурул адамтала, бисути биштІатала тІамрала аргъиб.

Ил къалабали айзур, солдатливан хъярхъли палтар чегъур ва дураухъун.

Мусибат бакІибгачи цІала сегъуналра уркІеци аги. Иличи ургІебли, ил гъатИра бижгулри. ДягІлира цІалис биубсигъуна кумек бирулри. ЦІали шифертала бутІни зяв-или алавчарли хІярхІубиван урцахъулри. Рахли илди чегалри, адамти дяхъи-хъаслизи биркахъи. Илбагъандан музабухъунтас мяхІкамдеш барес гІягІнилири.

Хъулри-алав чукурбикили вьавбикІути адамтала къукъни, хъа вегІ язихъилзули, уркІбухъи бисути, ваяхІ, мас-мицІираг дерцахъес цІализи, гавлизи, чула гІямрулис урехи лебниличи хІерхІеили, бухІнабулхъути чебаиб Мусани.

– Гъуя... чедибси хъулиб дила биштІати уршби кІебтигу...! Гъуя, дила ахІерти дурхІни! Гъуя хІушала неш ребкІ, се баришара? Гъуя, дила ахІерти шантИ., дила дурхІни берцахъаягу., – хъарала къукъригъунти нургъбира гердикІахъули, дурхІнала неш някъба михъирлизи, бекІлизи рирхъулри, амма, къяшми руржули, тІашси мерличир вьашрухъес рирули ахІенри.

Музабухъунтала кахси суратра ряхъамара чедаибХІели, дурхІнала нешла

тиладира децџра аргџили, Мусас пикриикџес замана аги. Ил, тџяхџухџи, чџакџаван кџиибил дџярхџличив вагџариуб.

Дуцџли ветухџи, Мусани биштџлџти дурхџлни бисути хџа унза хџамџдарили абхџиб. Иларад, паровозла кџяпџиларад кџяџда, парчли гав дурадикиб.

Хџа мер-мерличи цџа чџябарличи гџяџкадиублири. Бекџра гџяшбуцили, Муса цџалира гавлира гарчли бицџибси хџайгџи ацџиб.

Илала хџулби гџямзилабси кроватџличи дархџдизур. Илаб кџагџбиубли бебџлала рангли бџяхџибти кџел биштџлџти дурхџя чебаиб. Кроватџличибад чџябарличи жибжиркабухџунси юргџа дублизи цџа адалкири.

Мусани хџямики кџелра дурхџя касиб, шалкџубуцили, дура ватихџиб. Мусачи гџар шайчибад цџа, гџуси бецџван, хџямбашусири.

Гџачам ца шайчи, гџачам итил шайчи чебашуси цџализивад мер-мерла тџяхџикџули, гџавулхџули, дурхџни берцахџес жан мяштџлџедарили унзаличи ветухџели, игџубсиван кџакџличи цџали абалкунси дехџ кабикиб. Хџунтџена байрахџван кџакџличиб цџала ламира, някџбазиб бебџлала рангли бџяхџибти дурхџнира сайра, Муса гџаргала дурайкиб.

Рисули язихџриубси, рикеси мер хџебалуси нешлизи гџязизти дурхџни бедиб, сай биалли тџяхџухџи гџянжилизи герухџун, сунечирти цџа дишахџун, чеббатурли пиджак ца шайчи игџуб.

Цархџилти жагџилтачил Муса сакџубли цархџил хџулира ацџиб, адам гџяндуршутџи гавличи, кџаркџайчи хџямбиџџуси буцџар цџаличи хџерхџеили, иларти ваяхџра дурасиб.

Хџа ваяхџI дерцахџили гџергџи, жагџилти маймунти кџяџда, хџалчи абацџиб. Шантани дихути шин цџаличи чертџули, мер-мераначи чџяхџбиџџули, халал гџаза бариб. Амма цџа гџачамличиб-гџачам цџакџбиџџулри, шифертала бутџнира хџярхџубиван урцахџули.

Хџалчибси аги дявила майданничџисигџунари. Ишаб дигалли дџяхџи-хџаслизи бикибти, дигалли чџихџиубти, дигалли цџа «кџацџбикунти» лебри, ама бакџибси мусибатлис сenniра мутџигџлџебакџиб.

Анцџбукџ селичи бетиркил Аллагџли багџаб, эгер цџа дилшахџан машина музабухџунси хџебиалри.

Илкџяџда цџакџси цџаличилси шантала дяви шел сџягџятцадхџи бухџянбџитџун. Хџулрала бегџтани, илдала узи-уршили шантас баркалла багџахџур, хаслира биштџлџти кџел дурхџяла жан дерцахџибси Мусас.

– Агџ, сунес хџялалдиџ! Сунела чархџлизи иза гџягџI мабик! Сунела някџби арадиџ! Хџекџли ахџмакџ урши ули кџалли Амирчупанхџа Муса!

Валлагџрагу, шантала пахру сай, залагџрагу, шантала хџарихџ сай, – Мусачила гапџала кадурхули ахџенри.

Леблалра ургар, сунела кџабул гџялмагџ Мусала серхурдешличи хџеррикџули, цџала ухџнавси иличи кџакџарџикџули, Патџиматлира хункџи кџацџдирулри.

* * *

Цархџилталаван Мусалара цџали дџигџбти мерани диуб, шиферла бутџа чегили, вџхџлизи дџяхџи бариб, тџяхџухџунхџели кџяш ласбухџун.

Шилизџбси больниџализир дирбахџубли, дакахџили, дџгџахџи дџяхџурби хџайгџи вакџиб. Хџайгџив вецџну шура бархџи тухтурла хџерудилиув калун.

Хџейрусџ Мусачи гџаббакџес узи-урши, унра-хунра, гџялмагџ-хџиланти бакџиб.

Гьарраклес, гьайгьайра, ПатИматра ракиб.

– ХатИализи викадигу, Муса. Сен сайри? Къулайкайубли ахИенрив? Ит цIа дилшахъуси замана, шинни рихули нура лерри. Набзибад хIуни чуйнара шинна бадира сасири, адамтала бахъдешли, гавлизиб, цIализиб чилра вагъес тяхIяр аги. ХIунира селра хIясиббириули ахИенри, вахъ сакIубли узули, – рикIар ПатИмат.

ПатИмат сунечи гьарраклес ракибхIели, Мусас чула юртлизи верхI-рангла зурхIяб абухъи саби или гьанбикиб.

– ПатИмат, набчи гьарраклес ракирив? Баркалла, алжана къадарбиаб хIед! Ил секIал нуни бекIлил хъумхIертис. ХIеракилихъалра, хIу набчила пикририкIни балулри нуни. Гьанна дила изути сагъдиуб, ПатИмат. Наб я дармунти, я тухтурти хIяжатли ахИен. ХIу дила дарман сарри. Разивиубдешли я ПатИматлизи карии эс шахIеркули, я сай кайибси мерличив валиркули ахИенри Муса.

– Карии, карии, дила рурси, дила чатIа, дила мукъара... Сен гIяхIси баррил дила Мусачи гьарраклес ракили. ХIечила дила Муса мурталра гапикIули виарар, жагаси сари викIули виарар, хIечи дигай дихъибсигъуна сай. ХIу гIямрули релкъла, дила лагъа, дила къакъба, – Мусала неш Раисатла разидешла ахир аги, ПатИмат чучи ракили, чула юрт шалабарили, ванабарили или, – хIу мурталра нушачир риахъес гIяхIсири, дила рурси.

– Гъу, ну гIурра ляркъяс. ХIура жявли сагъкайи. Гъамли имтихIантира тамандирар, вечерра дурабуркIу. Вечерличи хIура вакIи.

– Лявкъяс, лявкъяс! Иш дила нешра рарх леркис. Ишис хIура рахъ гIяхIрилзусигъунарину.

– ДакIая, дакIая!

(Хъарахъуд – гIурла номерлизиб)



Очерк



Патимат
ВЯХИДОВА

УРКИЕЦИЛА ГЪУНИКАД РАШУСИ

ЖамигЯтла бухИнаб камли биаллира кършибиркули бирар бузерира баркъудлумира халкъла къисматличил уржили дархдасунти, жамигЯтличира чула хъалибаргуначиван къакъабикIес бурсибиубти, саберхурти хъунул адамти. Илдигъунтала лугИлизирад сари Перзият Кърбановна БяхИндовара.

Тамашала ва чичил-биалра цархИлличил цугруцес гъамадли ахIенси, илгъуна рири Дагъиста халкъла поэтесса Фазу ГЯлиевара, республикализир ункъли ралуси политикала хIяракатчи сари ишди бурхИназиб юбилей дурабуркIуси, бахъли сунечила нушала Перзият или пахруличил буруси ил пергер хъунул адам. Ил дебали шаласи ва ванаси, гъар дус сабухъличил бузерила адамтала хIулбира уркIбира разидирахъуси август базлизир акIубхIели риэсра асубирар. Ил дебали гIямруличи уркIичерси, сарерхурси, алавчарти гIямрулизир жигарла бутIакъяндеш дирес мурталра хIядурси адам сари. Илдигъунти адамта сари нушала гIямру жагадирутира.

Ил пергер хъунул адам сунела дурхIнас, муруйс, узи-уршилисцун ахIен дурхъасили ва ригусили ретаурси, ил сари ралути лебтасалра ригахъуси адам сари. Къуллукъ лебли дугъабизурти ва бекIлил хабарагарли сунечил кършибикес къадарбиубти адамтара ил хъумхIерту, сенкIун адамтала уркIбази гъамадли гъуни баргес балуси ва рируси адам сари ил.

Куц-бекIлизирадра ил дебали жагаси хъунул адам сари, куц-бекIван сунечи далдикибти сари илала пергер хIял-тIабигIятра. ИлгъунахIели сари ил бахъал халкъла шайзирадра хIурмат-къиматличи лайикърикибси. Илдигъунти адамтачи бирар ВагIанра хъарихъуси. Илди адаб-хIяялизибра умути, давлачехси рухIла дунъяла бегIти саблин декIарбулхъули бирар.

Нуни Перзият Кърбановна 1976 ибил дусличирад ралуси сари. ИтхIели ил партияла МяхIячкъала шагъарла Ленинский райкомла кIиибил секретаръли рузулри. ИтхIелил наб иличила нушала журналлизи яра «Дагъиста бархъдеш» газетализи очерк белкIес дигусири, амма бажардихIериркус или гъанбиркули гIелайзи арбихули калунсири...

Ил духуси ва пасихIси хъунул адамличила, чIумаси ва халати гъабзадеш лерси партийный хIянчизарличила, бируси-балтусилизир дубурла чIакаван

мурталра ахъли рируси, нушала улкализир кадикибти итдицад тІягІямагарті аварала гІергъира уркІагархІериубси, сари рузуси партия анар-ханарбарили гІергъира жамигІят багъанданси хІяракатлизирад гІелумхІеризурси иличила гІяхІцад очеркуни делкІун ва дураиб, поэтунани ва писательтани иличила поэмаби ва далуйти делкІун. ГІядатла адамтазиб биалли илини сунес мер жявлил баргибсири...



Улкализир кадикибти тІягІямагарті ва халкълис мусибатли детаурти ряхямала гІергъира, илини жамигІятла гІямрулизир жигарла бутІакъбяндеш дирес цІакъани даргиб, адамтасра, республикалисра, халкълисра къуллукъличи каризес гъирара цІакъанира даргес риуб. Дахъал чедаибти

мурул адамтанира балли илдигъунти аги-къяйдализир гъандуцес бирули ахІенри, бахъли аварагарбиубли някъби булан итхІели даткаибтири. Перзият Къурбановна гІямрулизир илцадра чІумати дебш касес ралкъаурлири, гъар секІал сунечирад гъарахъдикили сари къалли или гъанбикибси заманализирра ил аварагархІериуб, кадизурти аги-къяйда дурусли пикридариб ва гІямру къулайдиахъес бузутачил рарх ризс ибси къаслизир гъатІира чІумариуб.

Илала дудеш вебкІиб. Сунела заманала багъудичебти ва дебали жигарчебти адамтазивад ца сайри илра. Ил гІяхІцадхІи шила Сетла исполкомла председателли узули калунсири. Гъачамра Къурбай сунела шанни цархІил адам кавшес абитІунси ханжал чІянкІ някъбачил буциб ва адам верцахъиб, сай биалли илхІели някълизивад чулахъиуб. Халати гъабзадешличил декларулхъуси адам сайри ил.

Дудешлизирад сарри рурсира сунени бируси гъарил секІайчи халати жавабкардешличил гъамрирес бурсириубси. Перзият БяхІяндовани камти гІямруличир лералли сунела узи-рузилис нешла мер буцибсири. Илди къяшмачи тІашбатес ва саби бегІти гІямрулизи гІяхІти адамти бетаахъурли дураэсра бажардирикиб.

Ил учительница ретаэс хъулрикІусири. Школа таманбарибхІели, Буйнакъсклизибси педучилищелизи ручІес карерхур. Жигарчерси, дебали сарерхурси, гъаркъянадеш дирес устадеш лерси ил ручІра дебали ункъли ручІусири. Сунечил барх бучІутас кумекбиресра гІелумхІерилзи. ЖамигІятла гІямрулизирра жигарла бутІакъбяндеш дирес бажардириркусири. Ил далайрикІи, рулхъи, волейболли риркъи. Гъар секІайзир гъаркъянали рирусири.

Педучилище таманбарибхІели сари акІубси шилизи чаррухъун ва школализир дурхІнас урус мезла ва литературала дурсри кадирхъусири. Школализибра илини жявли хІурмат сархиб. Илгъуна сарерхурси ва гъар секІайзир бажардичерси жагъил хІянчизар хІясибхІерарили рахъхІи калес хІерири.

Камси заманала гІергъи ил рузахъес ВЛКСМ-ла Лавашала райкомлизи жирариб. ИтхІели ил 20 дусцун сарри риубси. ВерхІел дус калун ил комсомолла Лавашала райкомла цаибил секретаръли рузули. Ил ВЛКСМ-

ла XIX ибил съездла делегатлира рикИбсири. Дебали сарерхурси, халати сиптакардешличил декларулхъуси хІянчизар сарри Перзият Къурбановна итхІелира. Ил Болгариялизи аркъуси Дагъиста партийно-правительственная делегациялизира карерхахъусири.

Ил къалабали гьаларяхІ рашули, жавабла къуллукъуначир рузули. Ил Лавашала районнизирад партияла МяхІячкъала шагъарла комитетлизир рузахъес аррукибсири. Шагъарлизир кІел район – Ленинский ва Советский акІахъубхІели, ил Ленинский районна комитетлизир рузахъес шурратурсири. Халаси район сабри. Илизир мерладиублири шагъарлизирти халатигъунти промышленностьла предприятиеби. Илис фабрикабазиб ва заводуназиб партийный хІянчи бузахъес чевкъусири. Ил сарира мурталра ручІусири ва устадешра багъудлумира имцІадикІахъусири. 1981 ибил дуслизир Перзият Къурбановна партияла МяхІячкъала шагъарла камитетла кІибибил секретарьла къуллукъличи гьаларихъиб.

Илала гьарил масъалала чебкад сунела пикри бири, ил мурталра бархъдешгІерли дурурулхъусири, ил бирес итхІелира гьамадси хІебиаллира. ИтхІелира илини дахъал гІяхІти далдуцунас сиптакардеш дирусири. Масала, Перзият Къурбановнала сипталичил МяхІячкъалализиб къайгимтала хъалибаргуназиб хІербирути 1210 цІуръа дурхІя страховатьбарибтири. ВецІну гехІра дус биубхІели илдазивад гьариллис азир къуруш хІясибли дедибтири (итхІели илди цадахъал арц сарри).

ИшбархІи убла манзил балтІни гІядатли бетаурли саби, Брежневли пачалихълис бекІдеш дируси заманалис «тІашкабизурдешла» манзил булан бикІули саби. ИтхІели селра тІашкабизурси аги, адамтира жагали хІербирули. Школабира лушули, заводуни фабрикабира тІашдалтули ва дузули, адамтазиб жягІяйчи умутра лебри, адамтас хІербирахъес пачалихъли квапртирабира лугули... ХІябилра гоІяхІси замана лебри, ишбархІилайчил бекІлил цугбуцеси ахІенри. Сецад адамтас итхІели Перзият Къурбановна квартираби касахъес икъалариубал! Иличила адамтани гьаннара хъумартурли ахІен.

Перзият Къурбановна кабинетлизи кабиили буйрухъбикІес бурсибиубти хІякимтала лугІилизирад ахІенри. Ил мурталра адамтала ургар рири, мурталра бузерилизи рархили рири. Ил сунела тІабигІят хІясиблира гъазализи каризурси адам сарри.

Илала бузерила бегІлара къяянси мер – ил социальный баркъудила Министерство сабри. Илди жапати дусми сарри – бархибдеш, гъятІарбукъни, къарциндеш гІердаибси замана сабри. Перзият Къурбановнас итхІели кІел Министерстволис бекІдеш дарахъес гьалабихъибсири: культурала ва багъудила. Амма ил илди кІелра Министерстволизирад гІелумризур ва бегІлара тІягІямагарси ва къяянти аги-къяйдализи бикибсилези –социальный баркъудила Министерстволизир рузес къабулрикиб. Илаб илини къяянти аги-къяйдализи бикибти, зягІипти, къарциндеш гІердаибти балтахъес гІягІнисири...

Министерстволизир ил рузес 1990 ибил дула январьличир рехІрихъибсири. Бюджет илхІейс къабулбарилри ва иличи асарбарес министрла сегъуналра имкан аги. Республикала чІукъаси бюджетлизирад Министерствола хІяжатдешуни гІердуцес имкантира аги.

Перзият Къурбановна Министерствола хІерудилиур дузути учреждениебазир кадизурти аги-къяйда сегъунти сарил дагъес музарухъунхІели, илдазир кадизурти жапати аги-къяйда чедаибси висикайэс вири. Хъулрала бурхани

дуклури, илдазиб бузутала хулуи дишунтигунти сарри. Амма ил сари илар анарханархериуб, кадизурти аги-кьяйдала черкад мурхьи пикрирухун. Илини берцуди баргиб. Гъала-гъала телемарафон дураберкиб, гур биалли кумекбарахъес предприятиебазирад къунзрухун, министерствобала ва ведомствобала руководителътачи дугъаризур. Социальный къадрила учреждениебала юртани ремонтдарес даари ац дучиб. Хулурира ремонтдариб, хулура чябуртира сагадариб, хулуразир хяжатти мебельра талабдариб...

Жапати сарри хаслира 90 ибти дусми – я продуктуни аги, илди асес арца аги. Амма Перзият Къурбановнани иб сунени херудилиур дихути учреждениебазивси цалра адам гушхейрар или.

Илини колхозуначил вягидурти дигун. Илдани шила хозяйства проодуктуни лугесли бариб. Ризкьи булан сайсутири, илди шинкунбазир дукьутири ва декь дирутири. Адамти къацличил глеббуцес имканбакисире.

Интернатуназир ва гьести гямрула адамтас хасдарибти юртанала хянчизартани чула хяжатдешуни ихъес мицтираг булан адилкьутири. Диъла хурегунира хядурдирес бирури, чула саби бегти ниъра лерри...

Перзият Къурбановнала сипта хясибли сагати социальный баркьудила учреждениеби аклахьубтири: чулахь-дурхъни сагьбирахъуси Центр, хъалибаргис ва дурхънас икъала-кумек гердияхъуси Центр, балугъла хебаибтас хасбарибси социальный приют. Я шагъарли, я республикала правительствои илди мурадуна хулури деклардирути ахенри. Министерствота тилади хясибли имкан лебти хозяйствобани, предприятиебани хулури деклардирутири.

Къяндешуначи херхеили, социальный баркьудила лерилра учреждениеби Мяхъчкъалализирцун ахенну, республикала гъарахъти районтазир булан компютертачил гердудес имканбакисире.

Министерствота херудилиур дузути учреждениебас хяжатти хянчизарти хядурбирахъес ДГУ-лизиб социальный факультет булан абхьибсире. 90 имбти дусмала бехъихъудлизиб Дагъиста халкъла социальный мурадуни далтахъуси Министерство Россиялизиб беглара гелакадулхъутала лугилизибад цализи халбируси биалри, Перзият Къурбановна илис бекдеш дирескарибхели гьаркъятала даражаличи абикес хебиуб биаллира, ургартала лугилизи дурабухъунсире. Гяхъси хянчи барни багъандан сари Парзият Къурбановна Гъалмагъдешла Орденничил наградитьрарибсире ва илис «Дагъистан Республика социальный баркьудила рурибси хянчизарла» хурматла у бедибсире.

Министерстволизир рузули кали гергъи, Перзият Къурбановна сари регъси бизнеслизи ахьиб. Жагадешла Центр абхьиб. Итди дусмазир улкализир цаагали арц багъагардирури, арц лертанира илди секъяйда мяхкамдирутил балули ахенри. Бизнес бара сабри гъалабяхъи башес бехъихъибси.

Перзият Къурбановна ДР-ла Халкъла Собраниелизи депутатли риркули сари. Ил депутатли вецал дус рирули сари. Илинира бикъридеш дирули сари избирательтала шайзирад ил бирхаудиличи лайкърикили рийнилис. «Ахерси Дагъистан» бикъуси жамигъятла хяракатли дураберкибси хьарбауд хясиблира Перзият Къурбановна гяхъсигъуна халкъла депутатлизи халрирули рийни ашкарбариб.

Дагъистайзибти гъай бузути ва халаси хурмат лебти вецал хунул адамла ургабра Перзият Къурбановнани цаибил мер буциб. Ил нушала

республикализиб бегларга гъай бузути хъунул адамтазирад ца сари. Илдигъунти политикала шайчибти хІяракатчиби нушала республикализиб бахъал хІебиуб.

Ил каризурси дубурлан хъунул адамра сари. Илини халкъла гІядатунни ункъли дала ва илди дузахъутазирад сари. Адамтала ургарра ил дебали ралрикибси сари. Сунела тухумтачилра илини уржибти бархбасуни дузахъули сари, хІяжатбикибси кумекбарес итмадан музарулхъули рирар. Сунела мурул МяхІяммад ГІялиевичла нешличилра ил дебали уржибси ва ралрикибси сарри. Илис къуллукъбарес гъазализир рири.

...Перзият Къурбановнани гІяхІцад дусмазир «Цаси Россия» партияла МяхІячкъалала отделениела исполкомлис бекІдеш дариб, ил Политсоветла секретаръла заместитель сарри. Илала бузерила гъарил бархІи минутунни хІясибли белкІунси сабри. Илини ЖамигІятла премнаялизиб адамти къабулбири. Иличи декІар-декІарти къуллукъуни бекІдарес дигути адамти бархІиахъайчи башули бири. Иличивад къабулагардеш дагъахъурли чибиалра арякъунси замана хІебиуб. Чумилра адамлис икъала-кумек гІердаахъес бажардирикиб ил.

Перзият Къурбановна сегъуна балбуц дураберкІес ралризаллира, ил чедибдешличил гІямрулизиб бетерхайчи паргъатриэс хІерирар. Цазамана нушала тах шагъарлизир учреждениебала ва адамтала саби бегІти юртанала бяхІрачир лергІер жагати вавни дашахъули лерри. Илра илала сипта сабри.

ИшбархІира ил акъули кариили ахІен: илини «Историяла-культурала букъурдеш» бикІуси жамигІятла организациялис бекІдеш дирули сари. Илини даргала халкъла ва поэтунала далуйтала «ЗайбикІен, далай» бикІуси жуз дураиб. Ил пергер жузла презентация Миллатла библиотекализиб бетерхур. Ил жуз даргала халкълира далайчибанира разили къабулбариб ва илис ахъси къимат бедиб. «Дарган-урус мезла словарь» дурабухъахъес халаси къайгъи бариб ва ил словарь школабалара культурала учреждениебалара библиотекабази баахъиб.

Перзият Къурбановнала сипта хІясибли Даргала гимнла шайчибси конкурс дураберкІибсири ва гІур ил къабулбарибсири. Даргала халкъла гІядатунни ва культура мяхІкамдарес ва гъаладяхІ дашахъес илини халаси къайгъи дакІубирули сари. Илала ил баркъудилизиб бахъал кумекчибира леб.

Перзият Къурбановнара МяхІяммад ГІялиевичра жагъли лебалли хъаллабиубтири. Илдала пергер рурсби леб. БегІта илдас гІяхІси бяркъра бедиб багъудила касахъиб. Перзият Къурбановна жявлил хала неш сари. Сунечибад акІубтала дурхІни СягІидлира Амирлира хала нешлис халаси разидеш бихули саби.

Бирар адамти чучил къарширикибмад хІед илди дила гъамти сабигу ишди или гъанбиркути. Илдигъунти адамтазирад сари Перзият Къурбановнара. Нунира пахрубирули рирус иличил тянишси риъниличи, сенкІун ил даргала халкъла гІяхІгъабза рурси сари!



Дарган мезла къисмат

Муса БЯХИЯММАДОВ



ЧЕЛУКЪУСИ МАСЪАЛА

Гъар секІайзиб гъарил адамли сунела гъала суал кабалтуси саби, илис жавабра лугуси саби. Баягъи иш белкІлизиб ахъбуцибси суал хІясибли, набзи нуни хъарбаира: «Се сари хІед, юлдаш Муса, дарган мез?» Ишгъуна жавабличи вақіра: «Наб дарган мез сари – бегІти, узби-рузби, тухумти, шишанти, дила миллат; наб бегІлара дигути ва нуни бегІлара хІурматбирути адамти. Илди мезли сабри наб дунъя верхІ-рангли гъаргбарибси».

Игъбарбаибти бахъал цархІилтасван, набра дунъя гъаргбиуб нешла лайлаличил:

**Усен, дила ахІерси,
Усен, хІулбала шала.
Жявли халавааби,
Дила ахІер мукъара.**

Дарган мезла мягІдунтази ухІнау хъахъунра даргала халкъла хабургани. ГъандиркахъехІе ишдигъунти тугъи: «Лебли саби, буили саби ца ухънара ца рухънара...» яра «Иш хъу дила, хъу дила, хъучибил галга дила, галгаличиб хІу дила, хІеурти дурхІни дила, мамбикишав, къацІбикишав, лайкабакІа наб ца дурхІя...».

Дарган далайла зайбикІудеш селилра гІянцІхІебиру.

Дарган девла мягІнала мурхъдеш бухІнабуцили саби буралабазиб. ХІерая: «МухІли – мукъарла, ганжи – бецІла» яра «БалкІа тІярхІила – балкІа тІерхъа».

Даргала багъирабани гІяхІил пикрира дулхъахъулра. Ца мисал: «БекІ – букул, чарх – иган, кам – ишхъян» (се саби?).

Гъачам дакъибсини, гІур хъумхІерту ГІямарла Батирайла далайла бекІаагарті тугъи:

**«Далай чум делчІаслира
Далай гІяхІна гъабзалис,
Къияндикиб мерличив
Даршлизи ца улхъанну».**

Дила пикри хІясибли, даргала халкъла мухІлила пагъму балусини, даргала назмуртира хабуртира делчІунсини нешла мезра хъумхІерту, илди чеалкІути наслубасра калахъес къайгъибиру.

Цакамти тарихла баянтира гъандуршехе. ИшбархІи дарган мез Дагъистан Республикала пачалихъла І4-дехІ мезлизирад цадехІ сари. БегІла гІергъиси сияхІ хІясибли, даргантала лугІи 590 І56 адам сабри. Дарганти гъайбикІули саби Кавказла хъалибаргла Дагъиста къукъялизи кадурхути мезли. Илди тІинтІдиубли сари Ахъушала, Дахадаевла, Лавашала, Сергокъалала ва Хайдакъла районтазир. Дарганти хІербирули саби Агъулла, Бабаюртла, Буйнакъскла, Гъунибла, Дербентла, Къаякентла, Къизларла, Къарабудагъкентла, Ногъайла, Хасавюртла районтала шимазиб ва шагъуртазиб. Илди гІяхІцад леб Дагъиста дурабра. Дагъиста І576 шилизибад дарганти хІербирули саби 32І шилизиб.

Дарган мезли дурабулхъули саби художественная, гІилмула, белчІудила ва цархІил литература. Илкъайдали, дурадулхъули сари районтала газетаби: «Бархъдешла гъуникад» – Ахъушала районна, «Шила гІямру» – Дахадаевла районна, «Сагаси гъуникад» – Лавашала районна, «Эркиндешличи» – Сергокъалала районна, «Хайдакъла зяхІматчи» – Хайдакъла районна; «Бархъдешла шала» – Къаякентла районна; республикала «Замана» газета, журналти «Лачин», «Дагъиста хъунул адам», «Гъалмагъдеш». Лер радио – ва телепередачаби.

Избербаш шагъарлизиб саби ГІямарла Батирайла уличилси Даргала пачалихъла музыкала-драмала театр.

Республикала шимала ва шагъуртала школабазир дарган мез руркъули сари. Ца миллатла дурхІни бучІути школабала І-4-ибти классуназир нешла мезли дурсри кадирхъули сари, 5-ІІ ибти классуназир биалли дарган мез ва литература декІарти дурсри сарливан руркъути сари. ДекІар-декІарти миллатунала вакилти бучІути школабала І-ІІ ибти классуназир дурсри урус мезли кадирхъути сари, дарган мез ва литература биалли декІарти дурсри сарливан руркъути сари.

Дарган мезла учительла санигІят бедлугули саби Избербашла педагогический колледжлизиб, Дагъиста пачалихъла университетлизиб ва Дагъиста пачалихъла педагогический университетлизиб.

Бусурман дин тІинтІбиъниличил барх ГІярабла белкІра тІинтІбиубсири. Нушачи даибти дарган мезла гъалар-гъаларти гІяжамла белкІани І493-ибил дуслизир дарили сари. ГІяжам бузахъусири І928 ибил дусличи бикайчи. І928 ибил дусличибад І938 ибилличи бикайчи латинна графика хълчилизи касили барибси белкІ бузахъусири. І938 ибил дуслизиб дарганти урусла кириллицаличи шурбухъунтири.

Даргантала баркъудлумазир, куц-кабизлизир, хІял-тІабигІятлизир сецад-дигара гапдарестира пахрубарестира лер. Амма наб дарган адам сайливан хІейгилзусицун ахІенну, цІахбилзусира секІал саби – дарганти цаличил-ца дарган мезли гъайхІебикІни. Се сабабли?

Дарган мезлизир дахъал лугъатуни лер. Ил секІай литературный мез руркънилис къияндешуни алкІахъули сари. Литературный мезличи даргантала хІяжатдеш акІубсири Дагъистайзиб Совет хІукумат кабизурти гъалар-гъаларти дусмазибал. Даргантала белкІ илис гъалабра лебсири, сабира ГІярабла,

гГур латинна хГурпрачи хъарахъили балкъарахъуси. ЦГудхъурла, хГурхъила, муирала, ахъушала ва цархИлти лугъатуначил дарибти илдигъунти белкЛани даргала шимазир гъаннара лерал. Лугъатунала мезли художественное произведениеби алкАхъутири: ГЯмарла Батирайли – хГурхъила, Сукъур Къурбай – цГудхъурла, Мунги ГЯхИмадли – гЯрбукЛа. Школабас хасдарибти ва цархИлти цаибти жузира лугъатуначир дурадулхъутири. Масала: букварь дураибсири хГурхъан С. ГЯмаровли хГурхъила лугъатли, Р. Нуров лукЛусири цГудхъурла лугъатли, ГИ. Иминагаев – хГурхъилайчил. Иличи мешуси къисмат сабри шурбалтуси литературалара: ахъушай шурбалталри, ахъушала лугъатличил кабирхъусири, хГурхъай шурбалталри – хГурхъилайчил... 1921 ибил дусличибад дурабулхъуси «Дарган» газеталара гъаланачи белкЛа шайчиб чебетаибси кабиз хЛебири.

Илбагъандан даргала литературный мез акАхъес чараагарли гЯгИнилири. Баягъи масъала хЛербарес 1930 ибил дуслизиб орфографияла цаибил конференция дураберкИибсири. Илаб дарган мезла дахъал лугъатуназибад даргала литературный мезлис хъулчили касибсири ца лугъат – ахъушала.

Се сари литературный мез? Литературный мез сари ирнилалаш ва белкЛалаш мезла устнани лугИндарили, хаста нормаби кадизахъурти, лебил халкълиси цати, чучибли саби лукЛУти, бучЛУти ва гъайбикЛУти, илкъяйда учреждениебала, школабала, художественная, гИлмула ва цархИл литературала, газетабала ва журналтала, радиола, телевидениела ва театрла мез. Литературный мез гЯгИнити сари деклар-декларти лугъатунала вакилти саби-ургаб гъайбикЛес ва ункъли цала цали дурути иргъес.

Дила суайс «Сен хЛуша – дарган адамти – цаличил ца дарган мезли гъайхЛебикЛУтира?» или хъарбаибхЛели, имцЛали ишгъуна жаваб бирар: «Валлагъ, *МяхИяммадли* дила мез иргъули ахЛен». *МяхИяммадли* жаваб ишгъуна саби: «Валлагъ, *БяхИяммадли* дила мез далули ахЛен». Илкъяйда бикЛУли саби *ПатИматра*, *ГЯйшатра*, *ГЯлира*, *Валира* ва бахъал цархИлтира. Илдани балули ахЛен я аргъес дигули ахЛен саби гъайбикЛУти лугъатунни, цала цали аргъес багъандан ЛИТЕРАТУРНЫЙ мезли гъайбикЛес гЯгИнили биъни.

Ил шайчиб дила юлдаш МяхИяммадзапир ГЯбдуллаевли ишгъуна дев бузахъу – МИЛЛАТЛА мез или. Ил бархъсира саби. Эгер школализиб вецИну цара дус даргала литературный мезли бучЛУли кали биалли, сен гъайхЛебикЛУтив илди мезли?! ХЛебиалли, ил шайчиб школалара дарган мезла учительталара хатла леб ил секЛайчи камли пикри бяхИчиинилизиб. Дагъиста учительтала цаибил съездличиб хайдакълан М. ХИсановли сунела докладлизиб бурибсири литературный мез руркъухЛели, сунени бирусил хИянчиличила ва сархибдешуначила. ХЛебиалли нуша ил шайчир гЯхИил дузес гЯгИнили саби.

Дарган мезли гъайбикЛес цабехИ урузкЛУли саби, цабехИли илди мучладирули ахЛен. Ца балбуцличир, нешла мезли гъайикЛес лайикъли ахЛен ибси ца хИякимла къадагъалис наб гъанбушес гЯгИнибикиб Дагъистан Республикала Конституцияла II ибил статья, сунезибра гЯчихъли белкЛунси: Дагъистайзир пачалихъла мезани сари урус мез ва Дагъиста халкъанала мезани.

Словарьтала агира даргантала гЕлакабухъунсири. Ил гъаман гъанбуршусири. Амма гЛергъити дусмазиб ил гъалабяхИ арбьякун.

Россияла халкъанала умала словарьтазиб, сарира 1965 ибил дусличибад бехІбихъили, чуйнара дураибти, гъачамалра даргантала уми кадерхахъурти ахІенри, илди цархІилталайчи мешути сари или. Ил секІал наб хІейгибизур. ХІялумцІурра. Словарь балкъаахъурра.

Дарган мезла дугъби баяндируси словарь (толковый словарь даргинского языка) хІядурбарибсири Къарабудагъкентла районна Зеленоморскла урга даражала школала дарган мезла учитель, Дагъистан Республикала урибси учитель Ражаб ШяхІбановли (гІяпабаркъабну сунела, гъалавван ил гІямрулизивад арякъун). Чумал дус дуцІкайкІи ил словарь дураэс. Кумекбареси адхІехъиб. Дагъиста пачалихъла университетла ректор МуртазагІяли Хулаттаевич Рабадановли ил дураиб.

Дарган мезла – урус мезла словарьличи дарганти бахъхІи хІерлири. Иличиб жявлил бузес гІялимти бехІбихъибтири. Филологияла гІилмуртала доктор Запир ГІябдуллаевли ил балкъаахъес халаси хІянчи барибсири, амма мицІирли левай дураэс имканхІебакІиб. Словарь балкъарахъули чумал дус узули калун филологияла гІилмуртала доктор МяхІяммадшапигІ ГІисаев. Чумал дус иличив узиб даргала машгъурси писатель Ильяс ХІясанов. Ил хІянчи ахирличи бикахъиб Хизри Юсуповли.

Даргантала мер-мусала уми бегІлара камти сари или белкІунсири ца профессорли, пикрилизиб сабри илди дучес ибси масъала. Гъанна ил масъалара цархІилталайчиб ункъли арзили саби.

Дагъиста цархІилти мезанала тяхІярли, дарган мезла шайчирра гІяхІцад къияндешуни гъаладилзули сари. Гъанна чараагарли къабулбарес гІягІниси саби Дагъиста халкъанала мезанала хІекълизибси закон. ГІяхІцад цархІилти республикабала илдигъунти законтни лер. Илгъуна закон агниличичи тамашабиуб гъалабван Москва шагъарлизиб мезанас хасбарибси мажлисличиб. Илини лерилра суалти ирзхІерзу, амма гІяхІцад масъулти арзес кумекли бирар. Пикридухъенаягу хІуша ца ишгъуна секІайчилацун: ишбархІи цабехІ хІякимтани нешла мезла дурсрала темаби журналлизи вегІла мезли лукІахъес, тематикала планти, программаби нешла мезли лукІахъес къадагъабирули саби. Илдигъунти ва цархІилти гІягІниагартни аварра хІедиахъес кумекбиру баягъи закон къабулбаралли.

Гъар бархІи ибкъли ва бамсниагарли чебетаибси иргъахънила хІянчи бузахъес гІягІнибиркур нешла мезла къадриличила радиолизиб, телевидениелизиб, газетабазиб, журналтазиб, школабазиб, колледжуназиб, республиказир дурадуркІути далдуцуначиб.

Заманаличир ва лайикъси къадарлизир школабас нешла мезла ва литературала жузи дурайэс гІягІниси саби.

Гъалар дурхІнас хасдарибти писательтала жузи дурайутири «ДурхІнала библиотека» серия хІясибли. Илди агнила зарал ишбархІи нушани якъинни чебиулра. Дила пикрили, ил секІал Багъудила ва гІилмула министерстволи сагабарес чараагарли саби. «Нешла мезла учительлис кумеклис» серия сагабарес ва методикала литература дурайэс чебиркур.

ЦацахІели нуша гІяйибта диркъулра жагъилтани нешла мез хІедалули сари или. Амма пикрилра хІекулхъулра гъарил адамли се барилли ил шайчиб, вегІла хъалибаргличибад бехІбихъили. ВегІла кулпетличилра вегІла мезли гъайикІес гІягІнибиркур.

Даширая, жагъгас гъарли-марси кумек гІеббиахъехІе, нешла мез дагъес

дигутасалра. Илди Дагъиста пачалихъла университетла, Дагъиста пачалихъла педагогический университетла, Избербашла педколледжла студентуни саби. Илди жагъти адамти – Даргала челябкъла саби. Даширая, юлдашунни, дарган мезлични уркъецила дегъти, дарган мезла челябкълаличила пикридиклуги, гъайгъайра, кисализиб се-биалра лебти, къулбасдарая илдас дарган мезли дурадулхъуги журналти «Лачин», «Гъалмагъдеш», «Дагъиста хъунул адам» ва «Замана» газета. Илди дахъал ахъен. Илкъяйда вири сагали дурадулхъунти даргала писательтала жузи пешкешдирес. Ил барни гъарли-марли дигеси баркъудили бирар. Виригу гъахъити гъунти студентунас Гъямарла Батирайла, Гъахъимадхан Абу-Бакарла ва цархъилти машгъурти адамталала уличилти стипендияби кадизахъес.

Замана хъебаилив Дагъиста халкъла писательла у бегъгъалаб сархибси писатель, драматург ва киносценарист Гъахъимадхан Абу-Бакарла вециличирра имцикъ художественный ва мультфильм Дагъиста халкъанала мезаначи, бегъгъалар дарган мезлични шурдатес? Илала произведениеби сунела замана дунъяла халкъанала вециани мезаначи шурдатуртири.

«Гъалмагъдеш» журналлизир ва «Замана» газетализир «Дарган мезла ва литературала учительлис» мургалра дузуги гъямзурби аклахъес, илдази нешла мез ва литература дучинилис хасдарибти белкани кадирхъес?

«Лачин» журналлизиб «Нуша пагъмуртагъир умциулра» гъямзи аклахъес, сунезира дурхъанала белкани кадирхъуси

Даргала газетабала, журналтала, радиола, телевидениела хъанчизартас чевкъар чула белканиачи талабунни имциадарес ва даргала литературный мезла нормаби ункъли дузахъес чебиркур.

Нешла мезла аргъбаибти масъултачила дарсур пикруми дурес ва лайикъти тяхъурти далдурцес ибси пикриличил кел дусли гъачам (яра дусли гъачам), гъагъинити адамтира жибарили, мажлис дурабуркъес гъахъисири.

Муса БЯХЪИММАДОВ,

*Дагъиста пачалихъла университетла
Дагъиста мезанала кафедрала заведующий,
филологияла гъилмуртала доктор.*



ДАРГАН МЕЗЛА УЧИТЕЛЬТАЛА ПИКРУМИ:

«Нешла мезла къисмат: аги, челябкъла, берцуди»

Дагъистан Республикала лерилра-сера шимазир ва шагъуртазир нешла мез руркъули сари. Илди руркънила аги деклар-декларси саби.

Хаслира дахъал къияндешуни алкъули сари шагъарла школабазир нешла мез руркънилизир. Илди камли ахIен шимала школабазирра.

Ну дарган мезла ва литературала учительтачил гъуниваира, нешла мезла агиличила ва челябкълаличила илдала пикрумачил тянишиубра. «Гъалмагъдеи» журналла бучIантасра илди гъаладирхъурла.

Муса БЯХIЯММАДОВ,

*Дагъиста пачалихъла университетла
Дагъиста мезанала кафедра заведующий.*

ПатIимат МАЗГАРОВА,

Бабаюртла район,

Хамаматюртла кIиибил СОШ

Дарган мез даргала халкъли азирти дусми гъалар дузахъули лерти сари. Дарганти чула мезли лукIес ва бучIес бехIбихъибти саби 1925 ибил дусличибад. Амма итхIели гъарил автор сунела лугъатли лукIусири: сирхIян – сирхIяла лугъатли, цIудхъран – цIудхъурла лугъатли... Нешла мез, нушала делхъани, далуйти, гIядатуни, миллатла палтар, музыкала гIягIниахълуми – лерилра нушала хала бегIтазирада даибти сари. Илди мяхIкамдарес ва чеалкъути наслубачира даахъес гIягIниси саби.

Дарган мез, нешла мез гъарли-марли чихъ-черяхIдарес, чедицIахъес бузути бахъал журналистуни, учительти, поэтуну ва писательти лебниличи пахрубарес хIяжатли саби. Нешла мезличи дурхIнала диги нуша учительтазирадра дигахъути сари.

Дарсличирцунра ахIенну, акъуси заманара нуша дурхIначил нешла мезли гъайдикIес хIяжатбиркур.

**Загъидат КЪУРБАНОВА,
МяхИячкъалала 59-ибил школа**

Дарган мез давлачердахъес халаси къайгъиличил бузули саби гЯлимти: М. М. Мусаев, А. А. ГЯбдусаламов, Р. Г. Муталов, Г. Г. Сулайбанов, Р. М. БяхИямадов ва бахълал цархИлти.

Биалра, дарган мезла цацадехI тIамри, кIирка хIурпри хIедирхахъули ва дархъли делчIес ва белчIунсила дурусси мягIна иргъес къиянбулхъули саби. СенахIенну дарган мезли гъайбикIути дарганти гъанна камли саби. Илди саби-ургаб урус мезли гъайбикIули саби.

Нуни иргъули къяйда, дарган мезла аги дебали вайтIа саби, сенахIенну школабазирра дарган мезла дурсрала сягIятуни камдарили сари, дарган мезла учебникуни агара дурхIнала, илди жузачи хасдарибти методикала пособиеби камли сари. Илбагъандан учительлиса къиянбулхъули саби лебгIеб гIягIниси багъуди дурхIнас бедес. Илди лерилра къияндешуни хIердаралли, нушала дарган мезла челябкъла гъамадсилизи халбарес хIейрар.

Амма гъар къиянси гъуйчиб гъамадси дякъра баргес вирар. СенахIенну гъар адамлис нешла мезличир дурхъати мез лерти ахIен.

Нешла мез калахъес багъандан гъарил адамлис гIягIнибиркур нешла мезли гъайикIес. Гуррара гIягIнили сари дураэс учебникуни, словарьти, хабуртала ва назмуртала жузи, жура-журала методикала пособиеби.

Дила пикрили, мезлара нешлагъуна хIурматбирес гъарил адамла чебла саби.

**Жамалудин РАЖАБОВ,
Сергокъалала кIиибил школа**

Ишди бурхIназиб, сецад хIейгеси биалра, нешла мезла къисматличила харили гъайикIесли ахIен. Шагъарла школабазиб нешла мезла аги, бурни хIясибли, дебали гIяшси даражаличиб саби. Илгъуна даражаличиб саби нушала шилизисси агира. Далилти гъандушес вирар. Цаибил класслизи дурхIни лябкъухIели, урус мезлицун гъайбикIули саби. Илдада бегIтира илдази урус мезли гъайбикIули бирар, нушаб илди мезли гъайдикIес гъамадли саби или.

Иличибра вайси – Дагъиста Халкъла Собраниела депутатуни нешла мезла дурсрала лугIи камбарес къабулбикили саби. Ил хълчилизи буцили школализир ишдус 5-9 ибти классуназир жумягIли хIябал сягIятцун сари датурти (2- мезла, 1- литурала).

Илкъяйдали, школабазиб цацабехI хIянчизартани литературала мез руркъниличи пикри барсбарили чебиулра: «чула лугъатли гъайбикIес биралли, биусигу бикIули. БехIбихъудла классуназир нешла мезла дурсри чули мез вайтIа далути учительгачи хъардарили сари. Учителътазирад жура-журала отчетуни тIалабдирули сари, амма илди кагъарлизир делкIунти далдуцуни гъарли-марли дурадъркIилил, ахIенал хIеруди агара.

**Гябдулмалик МЯХИММАДОВ,
Цунимахъила школа, Ахъушала район**

Нешла мезла къисматличила кел-хябал гъайли селра бурес вирхейрар. Дусличи-дус нешла мезла къадри камбикгули саби. Нешла мезла дурсрира камдиклахъули сари. Биштатачи далдикибти, чула психология хясибли делкунти жузи агара. Дигахъира челябкълализиб дарган мезличи имцали пикри бяхичаили. Нешла мезли делкунти, биштатас хасдарибти, къулбасдарибти журналти, газетаби заманаличир дихули ахен.

**Патимат ГЯХИМАНОВА,
Шаласи ши, Дахадаева район**

Зягипси сагъирути, убкуси мицирирути, бегла гьалар дикъути, хела дурхъаси неш гъайрикути мезра дурхъати сари.

Дила неш рикгуливан «Дурхъаси секла багъа халаси биалра, ил асес вирар, неш ва илала мез багъа агарти сари».

Амма илди дарган мезла учительлисцун сари гягнити ибси пикри иргъухели, наб дебали децигули саби. Нешла мез, бикгули саби саби нешанара хедалулигу. Пикриухъес чебиркур сегъуна рирусил мез детахъахъибси неш? Сегъуна бяркъ бедлуга биштатас илгъуна нешли? Рирару илини дурхни бархъси гъуйчи бяхибарес? Дила пикри хясибли, херирар.

Гилмуличилара, дурсрачилара, илди камдиъниличилара ахен наб бурес дигуси. Гъай, мез вегла хала бегтала, даршдусмала тарих диъниличила сари. Тарих сари нешла мез.

Мез агардиалли, миллатра бетихъур, литературала, фольклорла хекъдешличила, гямрула хекъдешличила чеалкути наслубала мягни бетихъур. Илкун бебгала изай уцибси инсайзи тухтурли ил вахъаагарли убкниличила бурнигъуна саби.

Се барес гягнили гъанна вайси изайирти нешла мез дерцахъес? Се барес дирехе нушани – нешла мезла ва чеалкути наслубала ургарти вакилтани, нешла мезла учительтани? Нуша мез дерцахъес чесибти тухтурти диахелли, дарман даргес багъандан, гъала-гъала саби мугяллимта ункъли мез дагъес чебиркур. Чули хебалуси биштатази багъахъес, чус хейгусиличи биштатазир диги алахъес хебирар учительтани.

Чумаси хъулчиличи белшунси секлал бетяхъес хебирар.

Гъайгъай, сецад багъудлуми лерли хьалли, сецад учительлис нешла мез дигули хьалли, биштатани илдачи пикри бяхичаэс багъандан мезла шайчиб сегъуна-биалра талаб биэс гягниса саби.

9-ибил класс белкунтас, дарган мезла имтихан лебхели, дурхна мезличи цакъадар ункъли пикри бяхичиулри. Урехи – бяркъла ца бутла саби. Имцатигъунти ученикуни, урус мезла ЕГЭ бедес хебирули, урехилизиб саби. Дарган мезлара имтихан чарбарни, дила пикрили, мез руркънилис кумекли бетари.

Бехибхъудла классунала учительтазибадра дарган мез ункъли дални талаббирни мягничебси саби. Дарган мез хедалусилис диплом хелугули биалри, нешла мезла багъудира имцабири.

Нешла мез детхЕхъахъес, дяркъес гІягІнили биъниличи гІялимтанира пикри бяхІчаэс чебиркур. 20 дуслира ца жуз дурахІейути мез сегъуна хІяйчир дирути? Жагаси, сагаси жузлизи се лебси? Ил чебаэсалра биштІатала иштяхІ алкІан. ФГОС-личила хІедикІехІеллира, мехІе зягІипли диалли, къяшми хІедашар.

ХІякимта чучи лайикъси мерличи нешла мез кадаталли, илди руркъни ва дални гъалабяхІ аркъян.

Рирхулра, леб хІякимти-ургабра нешла мез далути, миллатлис марти дарганти. Гъалабван дураберкІибси гъунибаънили дила уркІилизи умут хъурабариб. Дурадулхъан нешла мез шалаличи, ванадешличи.

***Умусалимат РАСУЛОВА,
Сергокъалала районна Мургукла школа***

Нуни дарган мезла дурсри кадирхъули авцІанну шура дус хІянчи барилра. Леб кабинетра. Кайсулра «Замана», «Эркиндешличи» газетабира, «Гъалмагъдеш» журналра.

Дарган мезли белкІунси цалра статья нуни хІебелчІи батурси ахІен. Илди дурчули рирус. Нушала дурхІнас нешла мезла дурсри дигахъу, илдачи иштяхІличил лехІирхъур. Нешла мез дигахъеная викІни баибси ахІен. Биэс гІягІнили саби баркъудира.

Се бирули рируса нуни?

ДурхІнази бурчахъули рирус шила фольклор, лукІахъис докладуни, сочинениеби, рефератуни.

«ДурхІнала тІамри» бикІуси газетализи кадирхъули рирус дурхІнала назмурти. Нушала бири «Мургукла анкъи» бикІуси газета. Илара хабурти, назмурти кадирхъутири.

Поэтуни-писательтала творческий вечерти дурадуркІули рирус. «Урибси хабарчи», «Чили ункъли назму бучІа?» бикІути конкурсуну дурадуркІули дирехІе. Произведениела черкад инсценировкаби, суратуни дирехІе. Бухънабачи шадир дашехІе.

ДураберкІира «Мургукла анкъи» бикІуси вечер. Ила жибарира шила бурибти гъайла устни.

Илдигъунти жура-журала хІянчурби дурадуркІути – мезличи дурхІназир диги адикъес сари.

БусягІятла замана нушачиб нешла мезла аги илцад вайтІа саби рикІес хІерирус, сенахІенну нушала дурхІнас нешла мезла дурсри дигахъу. ДурадуркІути далдуцуназирра иштяхІличил бутІакъяндеш диру. Челябкъалализирра нешла мез калахъес нушани къайгъибарес гІягІниси саби. Дила пикрили, челябкъалализибра бирар берцуди. ДетхІейхъур нешла мез. «Бирадли нешла хІурмат, бара нешла мезлара».

Наб дила мез нешван дурхъати сари. ГІурра нуни къайгъибирис нешла мезличи дурхІназир диги адикъес.

***Жувайрат МУСАЕВА,
Каспийскла 8-ибил лицей***

Сецад хІейгеси биалра, ишбархІи Дагъистайзиб вегІла мезличи дигили бицІибти адамти камли саби. Дарган мез калахъес, илди гъаладяхІ ардукес бузути адамтачи пахрубарес вирар.

БусягІятла замана нешла мезанас дебали къиянси манзил саби. Гъар мицІирси жан, духълуми, вава-къар, чула «наслу» багъандан дебкІес хІядурли дирар. Эгер гъарил адамра илкъяйда вяшиикІуси виалри, дарган мезла даража дебали гъалабяхІ аркъи. Мезли сабигу нуша дарганти диъни кабилзахъуси. ХІязлис ахІенгу, Дагъиста дурав хІерируси дарган адамлис, дарган мезли гъайикІуси, тянишли ахІенси адамра даргла узиван калзуси.

Биалра, гъаннала жагъил бегІтани нешла мезличир гъалар чедиули сари урусла ва анлияла мез. Дила тяништи ургабра леб чула дурхІни нешла мезли гъайхІебикІахъути, «акцент» бетарули саби или. Илди бегІтанира нешла мезли гъайбикІес балули ахІен. Илдигъунти, мез хІедалути адамти рухІлашал мискинти саби или гъанбиркур. ИкІгъуна аги саби мезла ишбархІи гъар чинабалра.

Челябкъаличила гъайрикІес дебали къиянни саби. Сецад гъирали, мезличи дигиличил учитель чекайзурли виалра, бегІта «илди мез нушаб гІягІнили ахІен» или къантІкадирули сари.

ХІебиалли чеалкІуси наслули мезцун хъумкартули ахІенну, историяра хъумкарту, дахъал гІяхІти гІядатунира (гІяхІялдеш, халатала хІурматбирни, алхунтачила хъумхІертни ва цархІилти)

ЧеалкІуси наслулизи ва илдала бегІтази ишди буралабазибси мурхъси пикри аргъахъес биалри:

Багъурси секІал багалабирар.

Багъуди мах ахІен, ил гІелахъили къакъличиб бихуси ахІен.

Мез далуси – мурдали, хІедалуси – хъурали.

ВегІла мез хІедалуси адам, хІячмазибад бердибси ваваличи мешуиркур.

***Муи МЯХІЯММАДОВА,
Каспийскла 6-ибил школа***

ЧеалкІуси наслулис адаб-хІяяла бяркъ бедлугули рузулра Каспийск шагъарла 6-ибил школализир. Нешла мезла къисматличила гъайрикІухІели, наб децІигули саби. Гъайгъай, къиянси агилизир сари нешла мез шагъарла школабазир. ДурхІнаницун ахІенну, илдала бегІтанира хІедалули сари.

Дарган мез дила пикрили, хъулиб бегІти чула мезли гъайбикІути биалри, дурхІназира дагъахъес вири или гъанбиркур. Чула дурхІначил бегІти нешла мезли гъайбикІалли, мез дерцахъес вирар. Шагъарлизир хІердирути, нушала хъалибарглизиб ишгъуна анцІбукъ кабикиб. Гъачам, нуша шилизи дякъунхІели, дила мура гъайличи рузила рурсби дукарбяхІиб. Илала гІергъи садаира Каспийск шагъарлизи. ДехІдихъиб муруй хъулир тІама-гъама: «Хъулир чІянкІли дарган мезли гъайдикІудая».

БусягІят нушала кІел дурхІя леб: урши ва рурси. Илдани ункъли дарган мез далули саби.

Илбагъандан рикІулра ну, бегІти дурхІнази ва дурхІни бегІтази нешла мезли гъайбикІалли, дурхІназир нешла мезличи диги имцІадирар.

Нешла мез хІедалуси, илди хІедигуси адам гъарли-марси адамлизи халварес хІейрар. (Г. Паустовский)

**Муъминат АСХІЯБОВА,
Каспийскла гимназия**

«Марлира, адам сунела гІякълу-дагърилизив гъалавяхІ вашнилис хъулчи ва лерилра багъудлумала бекІ гІиниз нешла мез сари: гъар секІал бални илдачибад бехІбирхъур, илдачибад бетяхъбулхъан ва илдачибли таманра бирар», – ибти урусла машгъурси педагог К. Д. Ушинскийла гъайла къадри ишбархІи гъатІиралра мягІничебсила кавлули саби.

Мез руркъули бузути гІялимтала баянти хІясибли, лебилра дурхІнала лугІилизибад 30 процентличибра имцІати дурхІнани нешла мез хІедучІули диалли, илди мез детихънила урехи алкІуси саби.

Дагъиста миллатунала мезла агира гапла даражаличиб ахІен, хаслира гІергъити дусмазиб.

Нешла мезличи дурхІнала диги акІахъни нуша учительтазибадра дигахъуси саби. Дарсличирцун ахІенну, акъуси заманара нуша дурхІначил нешла мезли гъайдикІес хІяжатбиркур, сенахІенну дурхІнас гъанбиркур нешла мез дарсличирцун сари хІяжатти или.

Дила пикрили, вегІла мез далес, руркъес ва мяхІкамдирес виштІали левалли гІягІниси саби. Илбагъандан бегІтани чула дурхІнас дарган мезли хабурти, назмурти, дурес, дучІес чебиркур. ИлхІели мез детхІейхъур, гъатІира цІакъдиубли кавлан. БелчІудиличи диги гъарил хъули минадиубли диэс гІягІнили сари. Хъумартес асухІебирар, мез ца гъайикІесцун ахІи, вегІла миллатла тарихра, гІядатунира, культура мяхІкамдарес гІягІнити диъниличила.



Фольклор

Шяхі МЯХІЯММАДСЯГИДОВ

ХАЛКЪЛА БУРАЛАБИ

Адамла пикруми цадехі, Аллагъла къадурти цархілти.
Дигусиличил гямру къушлизирра алжанагъунти дирар.
Къаниъни – авараагардеш саби, гъалакиъни – иличибра гяхіси
ахлен.
Беглара вайси такъсир – хіяжатагардеш саби.
Верша агарли душман кахлершу.
Баркабан вегла Ватан – биалра шахла ваца.
Хъунул хумарли кариалли, анкъи шалахлебидар.
Насибси мерлаб – къаці, къадарсилаб – бекіа.
Юлдашуни агарси адам – къялуби агарси галга.
Хъалибарг – биштаси улка саби.
– Ва давла, чинари? – Гъаб-убла мерла.
Гяхіла хабардерхахъес багъандан адам вахъли
узес хіяжатси саби,
вайла хабар ца сягіятли тинтібидар.
Лябкъян биклуси гярала къуйрукъ баклибси ахлен.
Бахъал гяхітала ургав ца увяхісира камируси ахлен.
Хъулки талхъайчивра цакъси сай.
Гяшуйзирад дирар ца дурадиркути.
– Хіуни чис-биалра гяхідеш баррив? – лехікахъи.
–Хлед гяхідеш барибу? – гумайлизив гапиклен.
Мехіурти хлебиалли, духутас мас хлебидар.
Бегла дурхъаси давла – адаб-хіяя.
Биубли глергъи анцібукъ – гела чарбарес хлейрар.
Заманали дяхъурби сагъдиру.
Мискиндеш габ – цундеш магаб.
Дурала мерлаб барибси къурушван ахли, вегла шилизиб барибси
шагъи гъалаб саби.
Лябкъяс или балагъ хлебашар.
Хъулир агар уктемдеш гумайла дура дихан.
Гяхіялдеш дигусила гяхілира гяхіти бирар.
Адам сегъунал вагъес дигалли, иличи кийна дугъаизи –
къияндикибхелера разидешли виціибхелера.
Цархілти бучлахъухелели, веглара багъуди имцабидар.





Профессор Муса Бяхъяммадов ДГУ-ла филологияла
факультеттелизив нешла мезла учительтачил

ISSN 0235 - 0149

Индекс годовой 31176
Индекс полугодовой 73892

